



精校
大字
漢魏叢書九十六種

上海大通書局發行
武進唐鉅著

14
3148
11



19
3148
11

元經薛氏傳序

元經始晉惠帝終陳亡凡三百年蓋聞夫子曰春秋一國之書也以天下有國而王室不尊乎故約諸侯以尊王政
以明天命之未改元經天下之書也以無定國而帝位不明乎徵天命以正帝位以明神器之有歸又曰春秋抗王
尊魯其以周之所存乎元經抗帝以尊中國其以天命之所歸乎然帝衰於太熙故元經晉此振起之也中國盛
乎皇始故元經挈名以正其實嗚呼天下無賞罰三百載聖人在下則追書褒貶以代其賞罰斯周公典禮使後王
常存而行焉仲尼筆削使後儒常職而述焉收受經於夫子何足以究其譚輿輒為傳解發明師訓之一二云唐河
東薛收撰

元經薛氏傳卷一

隋王通經

唐薛收傳

宋阮逸註

南昌袁絢校

經晉太熙元年春帝正月

武帝太康十一年惠帝即位改太熙元年又改永熙夏四月立太后楊氏賈氏為皇后五月辛未葬武皇帝丙子太

傳駿輔政秋八月壬午立廣陵王適為皇太子以何劭王戎楊濟為師傅冬十月石鑿為太尉隴西王泰為司空屯

兵四出 傳曰經者正也常也天以南北為正聖人以典禮為常皆謂之經者天人相與為法也經取天之正為本聖人以常為法

晉者司馬氏始封之國也帝自晉王受魏禪故國號晉溫晉地也故啟封太熙年號也帝謂惠帝也文中子曰

帝之不帝久矣秦兼三皇五帝而傳非其道也尊虛名而已故曰不帝挈名索實此不可去春秋書王所以尊周也元改元立號非古也國君

始即位則稱元年無改元之禮自元中漢有初之號後世因之此亦不去元其於彼必自作之乎後漢自作年號故書年號帝稱名公漢舊制也晉書

本中國號也太熙元年元皇帝司馬氏太康十一年四月崩是月惠帝立經書帝而不書即位微旨也昌謂微旨

曰春秋之法隱莊閔僖皆有故不書即位之禮或讓而不為公羊傳曰隱或痛而不忍穀梁曰先君不以道或亂

而不成禮左氏曰閔公不書即位禮書即位亂故也或出而闕書或踰年而追書左氏曰僖公不稱即位出故也昭公薨於晉惠不書即位

元經薛氏傳

元經薛氏傳

木下中也
1991.4
寄贈

91-0608

與魯諸侯異焉昌異爾曰春秋者因諸侯之史作焉故公即位皆稟命於王有所不書則禮有所不至也元經因天子之史作焉帝即位皆受命於天有所不書則天有所不與乎故仲淹亦不與其即位也不與奈何曰惠帝君不君政出多門天下由茲大亂雖嗣位猶無位乎故不書即位元經之微旨也以元經因惠帝不君所楊氏者何曰武帝元楊后之妹謂之悼楊后無子元楊后生惠帝早亡惠帝即位尊悼后為皇太后書曰立太后楊氏禮也先書立太后言天子必有后尊也後立楊氏言推恩及親也賈氏充女初武帝將娶衛瓘女而楊氏欲娶賈氏女遂以為太子妃武帝憂太子不慧試以疑事使決之賈氏令給事張泓具草使太子寫答武帝悅至是政由賈氏天下亂矣書曰賈氏為皇后猶言賈氏自為之也帝立之也武帝四月崩五月葬讓速也周制天子七月而葬同軌畢至言天下會葬有不至則禮不備凡未及期而葬謂之不懷過期而不葬謂之緩春秋皆譏之元經禮典本春秋太傅駁執謂曰楊駁也胡不書姓曰貶也昌貶爾曰駁為太傅受先帝遺詔輔政百官總已不能效伊霍之忠稔成賈后之惡晉室禍階實自駁始故去姓以罰其罪惡之深也書太傅責官重也元經貶惡其義權衡輕重各有所存去官者前後別例各不同傳釋之詳矣廣陵王適惠帝子也立為皇子正也何劭為太子師王戎為太子輔楊濟為太子保同書之謹其職也裴楷和嶠張華衛瓘皆為保傅不書省文石鑒為太尉隴西王司馬泰為司空書三公得其人也鑒字林伯太康末拜司空武帝晏駕楊駿疑汝南王亮白太后詔鑒率固陵兵討之鑒獨不然遣人視亮別道歸許昌駿疑乃止時論稱鑒不以權臣誣害宗室正也司馬泰字子舒遷太尉錄尚書事雖為宰輔服膳如布衣任真簡率每朝會不識者不知是王公事親恭謹居喪哀戚為宗室儀表當時以節制見稱餘王莫能比同書者王公得賢也元經凡書姓名及稱官者皆無貶元經始事也下文書蓋益終其善也有不書者則有微焉屯兵四出曰楊駿輔政慮他變乃遣石崇胡奕趙俊趙歡將屯兵四出以示威也不書遣不由帝也戎兵國之大事書兵而不書人不稱詔遣者政由臣下出也兵出無名此義微而顯經太熙二年春帝正月乙酉改元永平又改元康自太熙改永熙共一年耳太熙二年又改元康一年三改非禮也故經止書太熙二年而已三月中書令相嶠

卒辛卯賈氏殺楊駿夷三族壬辰賈氏廢皇太后壬寅汝南王亮為太宰夏五月甲戌昆陵王軌薨無傳按元楊后母弟也壬午賜天下孝悌高年鰥寡力田者帛六月賈后殺汝南王亮及太保衛瓘乙酉曲赦洛陽秋七月置江州冬十二月辛酉京師地震秦王東薨無傳按秦獻王東字宏度惠帝同母弟也楊駿舅氏誅滅乃述武帝遺旨乞歸藩至汝南王亮楚王瑋被誅時稱東有先識傳曰武帝崩未踰年而改元非禮也君子謂違春秋未踰年不書即位之義故書太熙二年正月失也和嶠字長輿世為魏大臣襲爵上蔡伯以平吳功轉侍中見太子不慧因侍坐曰皇太子恐不了陛下家事首顛首最皆稱太子明識嶠曰聖賢如初爾武帝不悅然知其言忠後惠帝立賈后使帝問嶠曰不了家事今定云何嶠曰臣事先帝曾有斯言言之不效國之福也至是卒世稱其先見書官以卒善其終也官未至三公不書薨賈氏殺楊駿賈氏不稱皇后駁不稱官兩貶之也昌謂兩貶曰駁以后黨權傾天下早不能圖賈后而賈后與黃門董猛連兵討駿駁逃于馬廐以戰殺之楊氏夷三族不稱官與無官同也不稱后不與其為后也賈氏廢皇太后者何曰悼后駿女也駿既誅及矯詔廢悼后為庶人徙金墉城稱賈氏不與其為后元經之權也汝南王亮為太宰言自為也附賈后將取禍也為六月賈后漢制賜孝悌力田等帛且曰孝悌吏民之師也力田生民之本也高年鰥寡者亦賜恤之皆古道也復殺亮張本賈后殺汝南王亮及其太保衛瓘春秋之法大臣相殺死凡稱名所以示殺者之罪若王子紂殺毛伯召伯是也苟死者無罪則書名氏若晉殺其大夫陽處父是也今稱賈氏罪殺者之惡也衛瓘稱官曲赦非古也賈氏使楚王瑋殺亮及瓘又歸罪於瑋而殺之故曲赦洛陽懼瑋黨有變焉殺楚王瑋不書云瑋附足取也分揚州荊州十郡為江州記始置也用本史舊文記京兆地震案本志謂楚王瑋殺汝南王及太保此陰道也盛陽道微之應也劉向曰地震金木水火土沴也伯陽甫云天地之氣不過其序若過序則氣亂也陽伏而不能出陰迫而不能升於是地有地震經元康二年春帝正月太熙二年即元康元年也故此為二年二月己酉賈庶人弒太后於金墉城夏四月秋八月壬子大赦逆黨冬十一月沛國雷傷麥傳曰正月雖無事必書首月春秋之法也賈庶人孰謂曰賈后也昌謂先稱庶人曰賈后

既誅楊駿宣言太后同逆廢于金墉城絕膳而崩經書曰庶人殺太后賤大惡也是時未廢為庶人先賤之者不與其稱后也春秋之法凡殺君稱君名者君無過稱臣名者臣之罪也賈氏以婦殺姑以邪賊正也太后賈之姑也故書弑傳言惠帝不慧致大赦逆黨者何賈后懼國人討賊故赦以安逆黨之心春秋莊公經書肆大青然後葬文姜蓋文姜預弑桓之惡仲尼謂子道不可畧母葬故特書肆大青然後葬文姜子道掩親之惡也賈氏則不然自赦其黨託名漢汗君子不與其赦也故特書曰大赦逆黨仲史云王子大赦雨雷傷麥紀災異也春秋公子遂專任而經書雨雷按董仲舒曰紀雷者皆謂有廢行專政者也

經元康三年春帝正月天西北裂夏四月雨雹深三尺冬十月大原王弘薨作互市皇太子納妃王氏秘書監華嶠卒傳曰天裂者何本志謂陽不足也人主昏替妃后專政之應也榮陽宏農皆雨雹深三尺非常雹也異孰甚焉

本志謂惠帝無陽為陰所蔽之罰也春秋魯桓夫人同其應矣左傳曰大雨雷書災也昌謂互市曰公卿賄賂交通更相薦託有如市易焉作者言惠帝自作之雨識惠帝暗太子通納王夷甫女為妃凡帝子婚曰納帝女嫁曰降納者獻乎上華嶠者武帝碩臣也太康末帝宴樂屬疾嶠諫曰收功於微忽事乃無悔慮禍於垂成祚乃日新乎

詔答曰朕自消息無慮也惠帝立遷秘書監博聞多識有良史之稱卒諡曰簡崎字叔駿後漢紀載乃編觀秘為紀十二卷皇后紀二卷十典十卷列傳七十卷嶠謂皇后配天作合前史作外戚傳籍起光武終獻帝一百九十五年非也故易為皇后紀又改十志為典取典墳之義明堂辟雍置都水修臺官行於世書官貴之也

經元康四年春帝正月丁酉太尉石鑿薨夏五月匈奴攻上黨六月壽春地震民死秋八月匈奴以計內附上谷上庸竝地陷帝問無傳按本史華林園蛙鳴帝問曰九月甲午枉矢竟天冬十月傳曰太尉石鑿薨書官善其終也按本史鑿年八十貴為官乎為私乎其惡類如此夫自漢魏已來世為中國患魏武帝能制御羣胡為五部左部

居太原茲氏右部居祁南部居蒲子北部居新興中部居太陵至晉武帝時塞外匈奴二萬餘歸附使居河西宣陽太始七年單于猛叛大始晉武初受命年號帝討平之厥後稍叛復害長史時御史大夫郭欽上疏曰請募敢死及罪

人徙二河控四夷出入之防明先王荒服之制帝不納太康中匈奴十九種內附各分部落居之有屠各種者得為單于有王號者十六等曰左右賢王太子為之餘四姓曰呼延氏卜氏蘭氏喬氏呼延號曰逐世為輔相其

國民則有纂母氏勒氏者多反叛至是匈奴郝散叛寇上黨殺長史又寇上郡郝散弟曰度元又率羌胡攻破上郡自此匈奴漸盛而中原危矣經書匈奴不名者言其多雜也稱攻不書寇者言鳴鐘鼓而來無所憚也傳言不計壽春地震民有死者言災甚也按本史是歲京師及郡國皆地震秋八月匈奴郝散帥眾降馮翊都尉殺之書以計內附者匈奴不討益

偽降欲殺殺既為都尉所殺而郝散之弟度元收合餘眾復起邊患傳謂六年秋元攻馮翊起度元歐陽道張本書以計言多詐不可信結書以兵制而已軍制凡無然地陷者山崩震裂而陷蓋陽伏而不能出陰迫而不升也春秋僖十四年沙鹿崩一偃以謂暮年將有大咎幾亡國今上谷上庸竝陷裂

水泉湧出人有死者天戒若曰陰不陰斯譴罰之漸乎陰不陰則枉矢昌謂曰星如流矢也星經云枉矢所觸地陷者山崩震裂而陷蓋陽伏而不能出陰迫而不升也天下所伐甲午枉矢竟天自西南流東北坤不利東北其賈后之亂乎地為后之象

經元康五年春帝正月書首夏四月有彗孛於奎軒轅秋九月雁門大風傷稼冬十月武庫火十二月調兵器司隸

傅咸卒有石生京師無傳傳曰彗者如第彗也孛如芒散貌也本志謂奎為庫兵軒轅為后言賈后将廢之兆凡星變者紀異以戒人修德也其間或有應驗亦有不應者天道遠也大風由雁門風自北來也胡戎來窺中國失道猶夏之象也洪範云霧常風

若霧蒙武庫火累代之寶皆焚謂孔子履漢祖劍之類春秋凡天火曰災人火曰火武庫火者有盜焚之爾不獲盜焉調兵器者丙戌新作武庫大調兵器曷謂不書新作武庫曰譏失政也何謂失政夫武備中國大政也

周禮大司馬掌邦之盜焚之不能討賊雖新作無所益也故書兵器而已不書作武庫言中國武備弛矣終胡政以詰禁刑亂故也盜焚之不能討賊雖新作無所益也故書兵器而已不書作武庫言中國武備弛矣

長史便其楊駿輔政咸言於駿曰天下聽於冢宰大懼天光有敵人心或異今若此而明公處之未為易也時司隸苗愷有兄喪自表赴哀詔未報而愷私造楊駿而行咸奏曰詔未下而行宜加顯貶駿甚憚之遷御史中

丞致書汝南王亮曰楊駿見誅孟觀李肇封數千戶侯自古封賞無若此者今後莫不樂國有禍其可極乎不

納亮果如後為司隸奏僕射王戎備位公輔兼掌選舉不能凝庶績但開張奔競不能康正請免戎官吳郡顧

榮聞之曰傅長虞為司隸勁直忠果所可貴也書司隸卒重世卿也春秋貴重世卿亦如此

經元康六年春下邳王晃薨三月彭城有流血三百餘步夏四月大風五月匈奴攻北地殺太守秋七月氏賊僭稱

帝冬十一月命周處討氏賊關中饑大疫 傳曰下邳王晃宣帝弟孚之子也孝友貞廉有宗室之望惠帝即位

晃領護軍也東掖又誅楊駿有功司空薨于位既而張華代之不書張華華備位而已不繼賢王故不書代

為八年台星折以彭城呂縣流血三百餘步本志謂視之不明火不炎上則有赤青赤祥又彭城下邳獻王所

治之國也入為司空既而遽殞彭城失望之象也流血傷痛也四月大風言天下皆然也故不書地不書地國所在先志謂

異為風為木其卦在三月四月繼陽而治今四月大風常多且暴陽失其治也劉向亦云然匈奴殺太守者何曰郝

散之弟度元攻北地太守張瑱戰死之匈奴不名眾也太守不名氏微也曷謂微則不書曰郡守失其才為匈

奴所殺故微之氏賊者孰謂曰秦雍氏羌齊萬年也先是雍州刺史解意為匈奴度元所破於是氏羌帥齊萬

年叛僭稱帝圍涇陽萬年不書名言賊不足名也曷謂不書圍涇陽曰罪莫大乎僭號也貶大惡餘惡無所書

可也周處者為建威將軍詔討齊萬年稟梁王彤節制書人不書官者何曰元經之法人名重官任輕則書人

以明人賢任卑也書官不書人者不賢也有書人則因舊史常制無所輕重矣元經權衡義例差別臨文示意

在乎官不必備惟得賢而已或人稱職官稱任則官與人皆書之或官濫於庸人賢失於所任則書人不書官

不書人不書官意有重有輕以譏失道焉耳周處賢將也受制於梁王彤進止不得專智勇不得用故君子重

其人不書官言官輕也謂周處終為梁王關中饑疫責凶荒不恤也梁王彤為征西大將軍都督雍梁二州鎮關中

民饑不能貸民疫不能恤彤之罪也故書關中饑疫以責都督之罪由彤也梁王彤永康二年黃博士議論曰彤為宰輔責深任重慈懷之廢久

不聞一言諫正汝南之難不能因勢輔議趙王倫篡逆不能引身去位昔宋有蕩氏之亂華元自謂不能居

經元康七年春帝正月癸丑梁王彤陷王師殺周處夏五月魯國雨雹秋七月雍梁陷霜殺稼丁丑司徒王渾薨

冬十月 傳曰陷王師殺周處何謂曰去年遣周處討齊萬年至是戰于六陌梁王彤與處有隙促令進軍絕其後

不救遂為賊所敗初萬年聞處來謂賊眾曰吾聞斯人才兼文武若專斷而來不可當也受制於人則成擒爾

既而賊屯梁山有眾七萬彤促處領兵五千擊之于六陌自旦至暮斬賊萬計救兵不至處按劍曰吾盡忠竭節

之秋也遂力戰歿書曰陷王師以彤不忠於國也又書殺周處以彤私隙害賢人故書彤陷殺之爾傳言晉哀由

隕霜殺秋稼關中米斛萬錢骨肉相賣災甚也春秋書隕霜不殺草尚謂天反時為災而況秋霜殺稼災可知

矣王渾孰謂曰渾字元冲魏司空昶之子平吳有大功江東士人悅附之楚王瑋將害汝南王亮先請渾同乘

渾開閣拒之後瑋伏誅渾乃出凡國政典故多渾所定書官以獎貴之也渾先如晉室亂乃謂賢王宜留居京師

問計吏以訪郡國王戎伐渾為司徒不書貶戎不足以繼渾之賢也故不書

經元康八年春帝正月丙辰地震詔發倉廩賑關中三月壬戌大赦夏五月郊禱石破為二秋九月劉下廢賈后不

克冬十月 傳曰地震書曰者曰官謹天戒也春秋文公九年九月癸酉地震公羊傳曰震者地動也言文公制於

公子遂齊晉失道四方叛德也穀梁傳曰地不震者也地以不震動為坤靜之德震則謹而日之象大臣強盛動而為變焉

謂賈后強威將廢太子通詔賑關中書詔者得其詔也傳言民饑不賑壬戌大赦者曰梁王彤專政殺周處氏羌

未平故肆赦因以自省為明年彤錄尚書郊禱者何曰求世祠之神也在郊故曰郊禱或曰高禱本志謂禱之壇石中

裂破為二木沴金之象也壇石神位自毀者愍懷太子不利之兆謂明年賈后廢太子通之兆劉下者孰謂曰愍懷太子衛率

也下潛知賈后欲廢太子乃告司空張華曰東宮俊產如林四率精兵萬數公居阿衡廢賈后以安晉祚可乎華

不能故書曰劉下廢賈后寢忠於晉祚也不克者賈華不能行也春秋以一字褒貶須數字以成文元經大義於

是深矣

經元康九年春帝正月將軍孟觀伐氏大破之獲賊萬年梁王彤錄尚書事河間王顥出鎮關中成都王穎出鎮鄴夏四月鄴賊張承基伏誅六月戊戌高密王泰薨秋八月尚書裴頠為僕射冬十一月甲子朔日有食之十二月壬戌賈庶人殺太子及其母謝太后 傳曰孟觀者為績弩將軍時齊萬年眾號數十萬觀領宿衛兵并統軍中士卒大戰十數皆破之生擒萬年獻捷京師書將軍言官得人也萬年不書姓志在族滅逆黨也梁王彤錄尚書阿賈后也阿順賈后河間王顥者安平王孚之孫先朝之制非親王不得都督關中顯於諸王最疎然特以賢舉也書出者內出外為文賈后忌顯賢示以重鎮其實出之耳成都王穎武帝弟十六子於帝最親先是賈誼孫也與皇太子博奕爭道穎旁觀厲聲曰國之儲君賈誼安得無禮誼懼言於賈后乃以穎出鎮鄴書出者懼之也二王同書出 一以賢一以懼皆書出蓋君子不欲其出也鄴賊張承基等妖言置逆黨數十人郡縣分捕之書伏誅喜平賊也高密王泰而隴西王也改封高密宣帝弟旭之子也誼曰文獻尚書裴頠字逸民司空秀之子書曰僕射以人稱官也冬十一月甲子朔日蝕本志謂十一月日蝕十二月廢太子為庶人之應也自武帝太始二年七月丙午至七年十月丁丑八年十月辛未九年四月戊辰七月丁酉十年正月乙未三月癸亥凡八年八日蝕又咸寧太熙凡十一年復八日蝕至此甲子及明年正月乙卯皆蝕天意若曰晉室衰亂由武帝始違忠臣之言感賈后之勢遂及淪胥天譴既頻終不警悟經書甲子曰蝕舉其首以戒其終也賈庶人殺太子者何曰賈庶人以彰殺太子之罪也本史稱元康九年廢太子幽于金墉城明年改元永康害太子于許昌今先一年因廢而書殺者言賈后志在乎殺也謝淑妃惠帝才人生愍懷太子適先為賈后幽于金墉尋殺之故書曰及其母謝太后然妃書謝太后何曰儲君既立春秋之義母以子貴謝妃無罪見殺元經因推而進之也故書曰太后也賈氏承惠帝昏愚賊害皇嗣元經固抑而降之也各正以法且矯晉之失焉按春秋隱三年君氏卒左傳曰聲子也不赴于諸侯不附于姑故不稱薨不稱夫人

故不書姓而曰君氏言國君之母雖不養不姓而特書曰君氏言君之母氏尊稱也亦仲尼追書云耳今謝妃之卒仲淹光書庶人之惡後正太母之無過春秋大義於是明矣

經永康元年春帝正月己卯日有蝕之夏四月晉誅賈庶人及其黨甲午趙王倫自為相國五月己巳立皇孫臧為皇太孫六月葬愍懷太子秋七月冬十月黃霧四塞甲子立羊氏為皇后 傳曰趙王倫廢賈后為庶人尋殺之曷謂稱晉殺為文曰倫雖矯制而晉有天下當稱晉殺之明天下共誅惡也按春秋僖七年鄭殺其大夫申侯公羊故稱名以殺罪之也凡罪稱國以殺而又名之若楚殺其大夫宜申宋殺其世子座皆殺其公子意恢之類是也今誅賈氏不名而稱庶人示深貶之也 其黨數十人孰謂曰司空張華僕射裴頠皆大臣不能扶危濟亂反死於不義故蔑而不書猶微人耳曷同微人曰倫誅賈氏使張華及頠將刑謂張華曰欲害忠臣邪林詰之曰卿為宰相任天下事太子之廢不能死節何也華曰非不諫也林曰諫君不從何不去位華不能答遂與頠皆夷三族以小辯虧大節屈於張林故曰同微人耳春秋元經皆不齒也趙王倫者宣帝弟九子傷太子無罪見廢乃與嬖人孫秀同殿中郎士猗等矯詔敕三部司馬入華林迎帝遂廢賈后乃矯詔自為相國書曰自為者賤也惠君不君倫臣不臣故先貶之謂明年倫篡 太孫臧愍懷之子也母王氏稱太妃趙王倫自為太孫傳雖倫立之不貶者臧當立也 其實趙王倫假太孫之名而立之非詔 莖愍懷太子太子名適初賈后令太醫程璩合巴豆丸使黃門孫慮與太子服之而死賈后表請以王禮葬之經書太子不書王先稱其謚追而正之也 謚曰愍懷黃霧四塞本志謂金水水火土沴時則有黃雀黃祥洪範視聽言貌皆以思為主心不思則其咎為昏霧四塞焉羊氏者何元之女也既誅賈后故以立羊氏焉 按本史羊氏名獻容晉亡後沒於經永寧元年春帝正月乙丑倫篡帝位以帝為太上皇太孫為濮陽王癸酉倫弒皇太孫三月齊王冏舉兵討倫夏四月乘輿反正改元永寧立尚為皇太孫六月戊辰大赦秋八月校尉羅尚討西羌破之己巳下邳王韓晃冬十月流人李特盜據蜀十二月司空何劭薨 傳曰倫篡帝位故去族也殺太孫臧稱弒者倫罪與弒君同也 天下備與弒 二月齊王冏倡義兵成都王穎河間王顥常山王父豫州刺史李毅兖州刺史王彥新野公歆皆應之遂

倫歸弟誅之書曰討倫詔殺君之罪書乘輿反正者初倫遣帝于金墉城永昌宮至是倫伏誅羣臣乃迎乘輿復歸正殿故曰反正舊史也立尚者何愍懷第三子也長曰彪補闕永安元年薨追封南陽王次曰臧即太孫也為倫所害謚曰哀次即尚也初封襄陽王帝既反正乃立尚為皇太孫正也六月戊辰大赦詔云逆臣孫秀奉趙王倫饗據天位鎮東大將軍齊王尚征北大將軍成都王穎征西大將軍河間王顥首建大策匡濟國難迎朕幽宮旋軫閭闔豈余一人獨享其慶宗廟社稷實有賴焉於是大赦慶苟安也羅尚者誰曰羅憲兄之子也太康末於西戎校尉堯者戎之種有不順則校尉當討焉破之嘉其功也流人李特自齊萬年之亂關中饑民流移漢中特在內依益州刺史趙廞因襲廞遂據成都時羣盜皆起有君焉不書反而書盜言盜多也按載記五乘晉亂各盜一方故云多何劭者曾之子也少與武帝同年有總角之好惠帝以劭為太子師遣僕射趙王倫專政以劭為太宰厥後三王交爭劭知晉室不可救游於三王之間無怨者晦迹自足不貪權勢有奏議文章多行於世書官薨無所譏也三王爭權各總兵柄劭雖為太宰虛名耳故不罪之也

經太安元年春帝正月庚子誰王隨薨二月癸卯皇太孫尚疾薨夏四月慧皇書見五月梁王彤薨劉寔為太傅立清河王暉為太子秋七月冬十二月河間王顥及諸王殺齊王尚改元太安長沙王乂為太尉傳曰誰王隨者宣帝弟之孫也又遜封於誰謚曰剛王襲封誰書暉常制也太孫尚薨謂書疾王亮他不書疾曰尚幼天而薨故書疾以明非殺害也晉室陵夷宗室屠戮自愍懷之禍及其子臧皆非天年獨尚雖非殺害天以疾薨實傷之也慧皇書見占云主兵劉向五紀曰春秋有慧字於東北傳言記異也甘氏謂慧字所當國受其殃益諸王相禍之應也梁王彤為侍郎中大宰領司徒書王爵不書官何也曰賤也高謂賤曰倫之篡位以彤為阿衡不能討賊迎復其君故君子不與其為太宰也書王爵猶言沒於藩邸耳諸王非大逆死即例書王爵非德也劉實者何曰字子真以孝廉計吏累遷至太傅實終身儉素晉之名臣也書太傅以人稱官也太子暉者武帝子清河王遐之子遐生四子暉為長齊王

同表曰東宮曠然家嗣無繼必建儲副以固洪基昔漢成無繼嗣由定陶孝和之緒安以紹興此先王令典也清河王暉先帝眾孫之中今為嫡長宜奉宗廟之重以寧四海羣公卿士咸同大願乃立為皇太子書正也諸王殺齊王同何謂曰同獻王攸之子討趙王倫有大功率兵入洛頓軍豫章置甲士數十萬置豫屬四十大第第館延舞八佾惟寵親昵海內失望察屬孫惠者諫曰天下有五難四不可明公皆已居之矣捐宗廟之主忽千乘之重而躬操甲冑一難也奮三百之卒決全勝之策二難也捨殿堂之尊同將士之勞三難也任神武之畧無疑慮之懼四難也外幽居復皇祚五難也然而大名不可久倚大功不可久任大權不可久執大威不可久居此四不可也自永熙以來十有餘載公族值篡奪之禍骨肉罹暴夷之刑羣公被囚檻之困妃主有離絕之哀今明公建不世之大功宜做桓文之烈追臧札之風高拱營丘之藩則善矣同不納有軍校李舍之者奔于河間王顥游說圖同顥乃上表曰春秋之義君親無將也同擁強兵恐為不軌檄諸王共討同殺之幽其子三王於金墉城同三子昔封王太書顯名而不書諸王名者譏王族自相滅舉顥為首也諸王不名王眾多也猶春秋稱人者眾之義

經太安二年春帝正月三日刺史宋岱斬蜀賊李特夏四月李雄復盜益州五月義陽蠻僭號殺新野王歆六月詔刺史劉公討蠻張昌王師敗績陷江南諸郡秋八月校尉劉宏斬張昌賊平顥穎戍長沙王乂乙酉帝出二里橋冬十月傳曰宋岱為荊州刺史討李特斬之傳首京師夏四月特子雄又據益州故書曰復盜也義陽蠻張昌少為平氏縣吏當李特寇蜀也昌潛遁聚黨數千人會于平野詔發江左武勇赴益士停留五日二千石免官於是郡縣驅逐因屯聚為盜昌先於安陸起攻郡守新野王歆討昌為其所敗故書曰殺新野王歆不書王師言歆便宜擊賊不意賊感而死也歆宣帝之孫為政嚴刻蠻夷竝怨及昌作亂歆為賊所害於樊城是時賊殺南陽太守劉彬武陵太守賈隆零陵太守孔紘豫章太守閻濟武昌太守劉根皆不書者舉歆帝族為首也南蠻校尉詔

討昌戰于方城書王師敗績挫國威也陷江南諸郡謂武陵豫章武昌等郡也八月斬張昌於清水書賊平
言諸蠻皆平也劉宏遣其司馬陶侃與昌苦戰累日昌藏于下雋山至是擒之傳首京師諸蠻皆平嘉告功也凡
諸侯有四夷之功則獻捷於王王親受之晉衰不復古禮但傳首京師亦足嘉焉顯穎不敗去族也顯太原王
環之子穎武帝第十六子舉兵討長沙王義為名其實謀篡逆也初顯之討同也檄以義為內主謂義欲得內
助又圖廢惠帝立成都王穎也既又輒勝同顯乃潛使刺客圖義不果詔義距之自八月至十月又致書與穎曰
吾與卿友于十人同產皇堂受封外都今卿與太尉顯共起大眾百萬軍圍宮城羣臣同憤即命將死者萬計
酷痛無罪卿所遣陸機已送款國家想來者之前行一尺卻行一丈不願來矣卿宜還鎮以寧四海宗廟無羞子
孫之福也穎答書曰若能從太尉之命斬皇甫嵩等首投戈退讓自求多福澤思進退也古將軍皇甫商掌禁兵東海王越
貳於義潛與殿中將收又送金墉城上表曰陛下委臣朝政小心忠孝神明所鑒諸王承詔率眾見責收臣
幽宮臣不惜軀命但念大晉衰微耳殿中左右以功垂成而敗謀出之帝不省閱使張方裂殺之三軍無不
垂涕經書賊者言殘賊忠臣也春秋之義凡自內虐其君曰弑自外而殺曰戕今顯穎罪亞於弑君戕殺忠良
故去族而名之書戕以貶大惡也乙丑帝出三里橋避顯兵所逼也顯使張方逼京師帝使皇甫商拒戰王師敗
績甲申帝軍於芒山丁亥至偃師辛卯舍于豆田癸巳旋於城東丙申進軍緱氏十月帝還宮經書曰出言弁
避無所幸也天子無出之文惠帝自三里橋為賊兵屢逼芒山偃師緱氏暨還宮崎嶇在外猶如春秋國君出
奔之難故書出益傷之甚

經永興元年帝正月丙午尚書令樂廣薨詔雍州劉沔及秦州皇甫重討顯攻長安不克顯自為丞相二月顯矯詔
廢皇后羊氏降太子曹芳清河王三月廣陵陳敏討賊石冰斬之楊徐二州平顯立穎為皇太子六月新作三城門
秋七月丙申衛將軍陳旌以詔討顯戊戌復皇后及皇太子己亥帝北征穎敗績于蕩陰帝幸鄴八月匈奴劉淵盜

起離石王浚攻穎于鄴帝遣洛陽十月顯將張方劫帝幸長安十二月丁亥廢皇太子穎立豫章王熾為太子

傳曰樂廣孰謂曰成都王穎之妻父也長沙王以此問廣廣對曰豈以三兒易一女哉廣三子曰凱肇謀一女適成都王穎又猶

疑之廣竟以此憂卒代王戎為尚書令書薨閔廣賢以憂死也帝為顯所逼密詔劉沔皇甫重討顯攻長安為

顯所敗書不克讖沈重不武也穎以兵五萬屯十二門殿中素所忌者皆殺之以三部兵代宿衛自為丞相此

將為篡逆先自進位也顯矯詔廢皇后即羊元之女也元康元年立為后至是顯矯詔廢欲速賜死司隸校尉

劉暉上表諫得免太子曹大元年立至是顯矯詔為王經書降不書黜暉無過不與其黜也本史書陳敏

為廣陵度支石冰者賊張昌之別將也昌既敗冰入楊徐為寇敏與壽春都督劉準同力擊破之乘勝北討徐

州賊封雲皆斬之書曰楊徐二州平加敏功也按本史陳敏因此功遷廣陵相後盜江東華譚以書與甘卓殺敏江東遂平顯立穎為皇太子者何顯

專政惠帝不能制故書曰顯立之也新作三城門非帝意也顯穎陰圖神詔擅此興作豈止不時而已傳言春

南門新延廟皆書不時元經石衛將軍陳旌稱詔百寮討成都王穎因大赦復皇后及皇太子己亥奉帝北征

至安陽穎遣其將石超拒戰天及乘輿帝頗中三矢時王戎東海王口口密王簡平昌公模吳王晏豫章王熾

襄陽王範及蕩陰六王之軍皆潰故曰六軍敗績也帝為石超所脅往鄴見穎穎迎于道左帝下與涕泣穎改

元為建武不書不與其改元也匈奴劉淵字元海反于離石自號大單于經書盜言僭竊之漸也借稱前安北

將軍王浚尚書沉之子也趙王倫篡位三公起義浚時都督幽州有不平之色乃率鮮卑務勿塵合胡晉兵萬

人討穎與石超戰于平乾超敗克鄴帝奔還洛陽浚不書官貶也曰浚本心不軌託名討穎其實為亂華之首雖

有一時之功不能追終身之惡功小惡大故也張方者河間王顯之將也以三千陽燧青蓋車逼帝之長安帝

馳避後園竹方脅帝升車顯步騎三萬迎于灊上顯去族而張去姓何也曰顯首惡也張方微也貶大惡則餘

系焉丁亥詔曰成都王穎政績虧損四海失望且還第今以豫章王熾為皇太子此詔由顯出也故不書詔

經永興二年春正月甲午朔帝在長安夏六月甲子壬戌卒秋七月甲午尚書諸曹火冬十二月范陽王虓及東海王越舉兵迎帝 傳曰甲午書朔者何春秋之法魯東周禮晦朔朝正告廟蓋國君所以頌王之典禮傳祖之廟貌以示常制也故魯公在楚必書于經左傳曰王正月公在楚釋不朝正於廟也昭公三十年二十一年皆書公在乾侯傳曰言不能內外也仲尼之意本欲書公所在雖奔外亦吾君也不可易歲更朔而不書君行幸之地惠帝為顯所脅雖歷數在躬朔之禮廢矣故曰帝在長安猶書朔也王戎字濬冲瑯琊人少與阮籍輩為竹林之遊惠帝以戎為尚書令與時浮沉無黨謂之節尋拜司徒性好利算計恒若不足天下目之為膏盲之疾帝西還也戎薨于邾縣不書官而卒者貶也尚書諸曹火延及崇禮閣口口口范陽王虓者何康王綏之子東海王越者何高密王子惠帝西還虓與東平王琳上言曰自愍懷被害皇儲不建成都王穎為姦邪所誤論王身不可深責於是虓先率眾謀自許昌屯于滎陽推東海王越為盟主乘虛而進穎據洛遣張方劉宏立不能禦虓拔滎陽斬石超襲許昌破劉喬起為皆穎於穎於是出奔書曰迎帝嘉之也謂明年帝遷洛張本

經光熙元年春帝正月戊子朔帝在長安日有蝕之甲子東海王越迎帝三月劉栢根反平之夏五月范陽地燃壬辰越遣將擊顯穎於長安日光四散如血六月丙辰朔至自長安改元光熙盜取太廟靈衣八月越錄尚書事九月劉興誅司馬穎十一月庚子帝崩 傳曰戊子朔先書帝在長安後書日蝕者先典禮而後災異也舊典帝所行必在書東海王越遣劉宏奉帝乘牛車行宮籍草公卿跋涉書曰迎帝帝未至之文也劉栢根者何東萊人也反襲臨淄高密王簡奔聊城王浚遣將討栢平之五月范陽郡地燃可以嬰本志謂火失其性視不明之罰也壬辰祁宏所部鮮卑大掠長安殺二萬餘人日光如血蓋天人之否極此矣丙辰書帝至自長安必告廟禮也春秋桓二年書公至自唐傳例謂公行告于宗廟反行飲至舍爵策勳焉惠帝自長安歸升舊殿哀感流涕謁太廟雖亂離不成飲至舍爵之禮然君子喜其志思欲成其禮焉太廟吏賈盜盜太廟靈衣書盜不書名微也天下皆巨盜無不

弄故廟吏微不足名越錄尚書事不書王云族何也曰前者王迎帝于長安以書王嘉之也此不書王云族者貶越將復篡逆也聖人之於善惡不求備於一人雖惡者有善必褒雖善者有惡必貶故前書王後去族臨事加法春秋之大權也如春秋鞏帥師以鞏專命去公之子之族以貶之也至桓二年復書公子翬如齊劉興者范陽王虓之長史也先是穎以太守馮嵩執穎送于鄴幽之劉興恐為後患偽稱詔賜死書曰誅言穎有罪宜乎誅也不稱詔而書劉興貶與專殺非君命也曷謂不書王而稱姓者曰穎自立為皇太弟有無君之心蕩陰之役劫帝之鄴至是既為范陽所幽為興所殺猶眾人爾非帝族也故曰司馬穎按古氏族後世顯異焉左傳衆仲曰之氏諸侯以字為氏因為族官有世功則有官族邑亦如之杜預曰天子則有官族姓若禹賜姓如其氏曰夏是也諸侯卑不得賜姓則以字為氏因為族或因邑皆稟於時君所命也漢魏而來則不然或邑或世稱皆謂之姓通謂之氏若范氏之祖在虞為陶唐氏在夏為御龍氏在商為冢章氏周為杜氏晉為范氏是也今司馬氏即姓也宗室襲封之王即曰王族也去姓者舊史帝文則無褒貶若去王族即筆削有善惡也穎書姓猶百姓

庚午帝崩于顯陽殿不書葬不得其終也曷謂不得其終曰惠帝自即位政由后黨權臣當國天下荒百姓饑死帝曰何不食肉糜其蒙蔽率皆此類及崩因食餅中毒或曰司馬越之鳩斯不得其終故不書葬春秋葬書葬則賤之也天子之葬於禮尤重故魯會天子之葬則仲尼必書不葬則不書若莊二年書葬威王則會葬也傳八年惠王崩不書葬是魯不會葬也然則會不會葬者禮壞可知矣今惠帝崩不得其終非唯禮不備抑亦惡蒙不君自可恥矣

元經薛氏傳卷二

經晉懷帝永嘉元年春帝正月帝即位改元永嘉主氏為皇太后梁氏為皇后南陽王模誅司馬顯隱羨為司徒王衍為司空無詔除三族刑二月東萊王彌賊起二月將軍周馥討陳敏平之庚午立豫章王詮為皇太子劉淵陷并州五月汲桑陷鄴城殺新蔡王騰洛陽地陷有二鶩出秋七月琅邪王睿鎮建鄴冬十一月戊申朔日有食之十二月汲桑賊平越矯詔囚清河王曹殺之 傳曰懷帝諱熾字豐慶武帝第二十五子也惠帝崩帝以太弟入踐祚於光熙元年十二月即位明年改元永嘉始書即位謹始也元經取元年正月書即位皆端本正始之義王氏懷帝母也諱媛姬早

元經薛氏傳

卒追尊為皇太后梁氏本王妃也至是立為皇后正也南陽王模誅顯者何曰顯自立逼惠帝遷長安將謀篡奪
檀廢太子與成都王穎相表裏及為東軍所敗走南山復守長安南陽王模遣其將梁臣車上扼殺之書曰誅正
其罪也削王書姓絕其親也除二族刑古之道也唐虞典刑罰不及嗣末世慘酷遂有夷族之說今除此刑雖
衰世未能治平亦帝者之心書為後法可也帝因諸葛攻東萊人王彌者魏元菟太守頌之孫也因劉柏根賊
起于青徐卒亂天下書曰賊起言晉禍自此盛也陳敏廬江人自廣陵度支破石冰有功為廣陵相惠帝西遷
敏據江東及周馥討之會稽郡悉平故曰平之太子詮新都王遐之子章之弟也初襲封豫章王至是立為皇嗣
正也詮後奔首陽劉淵入并州劉琨獨貶晉陽諸郡皆陷于淵書并州陷則諸郡可知汲桑者馬牧師也寇魏
郡陷鄴城遂殺新蔡王騰騰者高密王泰子也迎惠帝歸洛陽以功封新蔡汲桑賊攻鄴騰不能守而輕騎出
走為賊所害罪不能守也洛陽步廣地陷有二鶯出者冲天白者不能飛說者謂二鶯皆封為二之象也蒼冲
天應瑯邪王興晉也白者不能飛應西晉卒不振也七月瑯邪王睿鎮建鄴特書于經明晉祚猶長也諸王出
鎮無足稱者多不書故也九月戊申首晞破汲桑至十二月并州人斬桑于樂陵書平者喜賊平也東海王越
將謀篡逆今年因清河王覃於金墮城明年害之不書王貶矯詔也

經永嘉二年春帝正月丙午朔日有食之傳無二月石勒寇常山五月王彌犯洛陽司徒王衍禦之冬十月劉淵僭號
漢十一月尚書令高光薨 傳曰石勒上黨羯人也初居武鄉山草木有鐵騎象永安初并州刺史司馬騰虜奉
胡賈於冀州兩胡連一劫勒在其中與汲桑同起歸劉淵後亦僭號稱趙冠常山書始為亂也王彌自冠來山入
許昌開府庫取器仗有眾數萬進逼洛陽京師大震城門晝閉詔司徒帥百官拒守彌屯軍七里澗王師進擊
大破之彌奔劉淵書曰禦之不能擒賊也劉淵字元海永興元年反於離石至是僭稱漢下今日昔我高祖神
武應期文帝以文德升明武帝扼土攘夷宣帝搜揚俊父今天誘其衷悔禍皇漢使司馬氏迭相殘滅孤為羣

公所推紹修祖業不失舊物追尊劉禪為孝懷皇帝書淵僭號載記偽主淵為首也按惠帝永興元年劉淵起稱
年張重華稱涼後一年冉閔稱魏後一年慕容暉稱燕後二十一年慕容垂稱後燕後二年慕容冲稱燕是歲乞
伏國仁稱秦呂光稱涼後十二年慕容德稱南燕光髮為孤稱南涼後二年李元盛稱西涼後二年沮渠蒙遜又
自稱涼後四年譙家稱成都王後三年赫連勃勃稱大夏後二年高亮者就謂魏太尉柔之子惠帝西遷朝臣奔
馮跋稱北燕共戰國者一百三十六歲凡十六國而元海為僭首 高亮者就謂魏太尉柔之子惠帝西遷朝臣奔
散惟光侍帝及帝還洛以光為少傅轉尚書令以疾卒書官而莫意忠臣也

經永嘉二年春帝正月甲午彭城王釋夢二月戊申高密王畧薨丁巳越入京師於帝側收中書令繆播害之四月
丁卯太尉劉實退老積弩將軍叛奔於劉淵七月戊辰當陽地裂二所九月南陽王模破芒蕩斗曼並平之 傳曰
彭城王釋穆王權之孫也襲封彭城高密王畧文獻王泰之子小心下士有父風慈懷初立選子弟有名稱者
為肅友畧侍太子左右累遷開府襲封高密書畧禮也東海王越害繆播何也播字宣則光祿悅之子初越遣
播詣長安說河間王顥令奉帝還洛顥將張方言於顥不可播復說顥斬方以謝東諸侯及帝即位以播為中
書令掌詔命越惡播盡忠於國慮為己患因入朝以兵執播於帝側帝謂曰亂臣賊子無世無之不自我先不
自我後哀哉起執播手戲歎不能禁越害之朝野憤惋皆曰善人國之紀也而越殺之其能終乎越不書王
貶專殺忠臣也按本史越勒兵入宮於帝側收近臣繆播 劉實漢之裔也好學博通潔已無瑕以世多進趨廉
遜道缺乃著憲讓論以矯之其畧曰夫叙用之官得通章表者有讓賢推能乃通之其不能有所讓絕之故人
臣初除各思推賢能而讓之矣凡讓之文付主者掌之二司有關則以三司所讓最多者用之是三公共選一
公為詳焉四征有關則以四征所讓最多者用之是一征闕而四征豫讓之詳焉按魏晉故事置征東征西征南
晉多以親 尚書關以尚書所讓最多者與之以八尚書共選一尚書固詳於主者選入尚書也郡守關則以郡
守所讓最多者用之固詳於主者選百郡守也故世爭則毀譽交錯優劣不分難得而讓也世讓則賢智顯出
能否之美惡歷相次不可得而亂也如此愚智咸知進身求通非修己則無由焉慈懷立以實為師太安初實

遜位至懷帝即位復授以太尉實自陳年老固辭帝不許左丞劉坦上言曰古之哲王莫不師元臣崇養老禮七十致仕所以優異舊德以勵廉高之風太尉實體清素之操執不渝之潔懸車告老二十餘年臣聞老者不以筋力為禮實年九十命在旦暮而頓上露板宜聽實所守至是詔曰君年者告老確然難違今聽君以侯就第書曰退老尊之也王行代實為太尉不書非其繼也王衍為石勒所敗勸勒稱尊號勃怒曰君名蓋四海身居三使人非墻垣之傳言非其繼意以此耳未誕為積卒將軍叛歸劉淵不貶去姓氏微也且晉臣之陷于淵者眾不可勝貶也當陽地裂三所各廣三丈長二百餘步本志謂地拆裂者臣下分離不相從之象也言司馬越與苻晞交惡四方離散之應也平陽人劉芒蕩自稱漢後誘羗戎僭帝號於馬蘭山反胡五斗安郝索等數千人為亂征西大將軍南陽王模遣將淳于定討破皆斬之書曰立平之善立曰吉也

經永嘉四年春帝正月二月蜀文碩歸順二月周玘討錢璿平之五月六州大蝗地震六月劉聰弒劉和自立秋九月王如賊起冬十一月越帥師出許昌將軍周顛迎帝都壽陽不克 傳曰文碩者蜀李雄之將也殺雄大將軍李國以巴西歸書曰歸順嘉之也五月幽并司冀秦雍大蝗食草木及牛馬死皆盡兖州地震本志謂石勒寇汲郡執太守胡寵南濟沔是其應也偽漢劉淵死其子和嗣位和多猜忌御下無恩其舅呼延攸說和殺其弟聰聰覺攻西明門斬和遂自立書弒者言和雖偽號亦諸劉之君也聰殺和而篡其位宜貶大惡王如者新豐人也遇亂流離至宛會詔促還鄉乃結少鬻官軍破襄城於是南安龐定馮翊嚴毅長安侯脫各帥羣盜應之凡數萬人結石勒為兄弟書賊起言羣盜感起不復制矣按王如後歸王教為教所誅辛卯書昏至屢于凡決旬本志謂夜妖也劉向云書而暝陰為陽也臣制君也班固曰夜妖者風雲並起查冥與常風同狀天戒若曰勿使大夫世官專政而暝晦王室益東海王越以京師饑羽檄徵天下兵莫有至者率眾出許昌以行臺自隨宮府無復守衛荒饑日甚殿內死人文橫府署並掘塹自守盜賊公行枹鼓之音不絕越以太尉王衍為軍司越自領豫州牧書

出者猶言出奔叛其君也故敗去族周馥字祖宣浚弟也理識清幹選舉精密遷至鎮東將軍以東海王越不盡臣節每言及厲然又親羣盜甚盛洛陽孤危乃建策迎天子遷都壽春上書曰不圖厄運遂至於此戎狄交侵畿內厄逼臣與祖納裴憲華譚孫惠等二十人伏思大計以殷王有屢遷之事周室有岐山之徙方今帝都罄乏不可久居觀今華夷東南為愈北阻塗山南抗靈嶽名川四帶有重險之固楚人東遷遂宅壽春臣請選精卒三萬奉迎皇駕令裴憲督豫州諸路荆揚江湘運米十五萬斛絹十四萬足以供大駕令王浚荀晞共平河朔臣戮力以啟南路皇輿來巡司馬越大怒慮其圖己也以兵攻馥馥憂疾而卒書曰不克惜其謀合事機而為越所沮其後晉果東遷焉按本傳元帝後問華譚曰周祖宣何至于反耶譚對曰馥見賊盜滋蔓王威不振故表移都以紓國難若從馥謀西音未亡也原情豈得為反帝乃悟經永嘉五年春帝正月密詔荀晞討越乙亥流人杜弢盜據長沙庚子平原王幹薨二月汝南王祐奔建鄴三月戊午越卒宗室三十六王沒于石勒流人汝班及蹇撫賊起于零桂諸郡帝遷都倉垣不克夏六月庚寅荀藩出奔輓轅丁酉劉曜王彌石勒入京師帝蒙塵於南陽荀晞立豫章王瑞為皇太子秋七月浚假立太子置百官八月劉聰陷長安南陽王模薨九月荀晞及豫章王沒于石勒十一月猗盧寇太原 傳曰帝密詔征東大將軍荀晞討東海王越先是晞移檄諸征鎮曰天步艱險亂禍流離元海造逆於汾陽世龍階亂於三魏晞以虛薄委以關東所以藩固王室無俾城壞夫舟楫不固則齊桓責楚襄王逼狄則晉文致討凡我同盟在此行矣及詔討越上表曰越以宗臣寵樹姦黨擅為詔令縱兵寇掠臣祇奉前詔遣王模陳午等兵詣項恭行天討書曰討越聲其罪也流人杜弢本蜀郡人避亂南湘中賊眾推弢為救故書曰盜據長沙平原王幹者宣帝之子也惠帝反正以幹為太保當齊王同之平幹懷百錢見同曰倫逆亂義舉是汝之功今以百錢賀汝雖然大勢難居不可不慎及同誅幹哭之慟曰宗室日衰此兒最可人復害之自今殆矣東海王越往視幹幹開門不通使人謝還而自於門隙窺之當時莫能測其意者年八十書薨得禮也汝南王祐者亮之孫也祐立為威王遇中原亂南渡江依

元帝書奔以明內難也越卒者何東海王薨于項也曷謂薨于項而書卒曰罪盈而死天下不與其為王也越初卒祕不發喪遺命襄陽王範統其眾歸東海會石勒追及于寧平楚越尸柩曰此人亂天下吾為天下報之焚其骨以告天地經書卒罪宜誅爾二十六王者何曰越既死其子毗自京邑同宗室子弟出奔遇石勒自武陵西河而下皆被害餘王陷于勒書二十六王言宗室盡沒矣汝班蹇撫二賊起相州虜具刺史苗眺破零柱東畧武昌殺安城太守郭察邵陵太守鄭融衡陽內史滕育書曰諸郡言賊勢大也苗眺表請帝遷都倉垣帝將從之宮中及黃門戀貨財不欲出至是饑甚人相食百官皆流亡十八九帝召近臣將行無車輿步出西掖門至銅駝街為盜所掠不得進而還書曰不克計窮無為矣苗藩者弱之子也時為司空聞劉曜等犯京邑藩先出奔鞬轅不書司空貶也身為三公不能安帝室掃羣盜而先自亡去非社稷臣也帝蒙塵于平陽者何曰劉聰借據平陽及劉曜入京師帝聞華林園開欲幸長安為劉曜所追及百官士庶死者三萬餘人執帝送歸平陽劉聰以帝為會稽公古者天子蒙塵于外國史哀之辭不忍書其囚執豫章王瑞者清河王遐之子也兄詮為皇太子以瑞封豫章會洛陽陷沒瑞東奔荀晞立為皇太子按本史瑞立七王浚者司空沈之子也領幽冀都督假立皇太子其實為妾將謀僭號故削去其姓貶偽假也按本傳浚為石勒所執責之曰不南陽王模者高密王泰之子也有聲稱於宗室進位太尉洛陽陷降於劉粲為聰所言書竟終之以王禮也荀晞及豫章王浚于石勒者先自豫章王東奔荀晞承制錄尚書事居蒙城勒執晞殺之及瑞亦遇害瑞與晞同書沒傷瑞為晞所禍也猗盧者執謂曰匈奴種也其先曰神元分國為二部一日昭帝神元統一部居上谷之北濡源二日桓帝居代北參合陂三日穆帝猗盧居定襄北盛樂城其後猗盧孫威總攝三部至是攻新興鴈門劉琨不能制自稱三部大人蓋後魏拓跋之先書寇太原言夷狄深入中國也

經永嘉六年春帝正月帝在平陽二月壬子日有蝕之癸丑瑯邪王睿檄四方討勅夏四月丙寅將軍山簡卒秋七月

月木火金聚斗斗九月詔猗盧為代公辛巳雍州刺史賈疋敗劉粲長安人立秦王鄴為皇太子 傳曰帝在平

陽王業已淪也然歷數猶存故元經書年以永嘉書春以帝正月書劉聰偽邑為平陽存其主而抑偽號也

劉聰改元嘉平代 西晉楚號漢也壬子日蝕本志謂秦王鄴於長安代帝監撫宗廟而帝蒙塵不能反正之象也琅邪王即元

帝也因洛之亂渡建鄴首藩善推王為盟主乃移檄四方共討石勒不書姓以真主討偽亂必貶偽以成文也

山簡者何曰吏部濤之子為征南將軍鎮襄陽江漢歸附或宴會僚佐勸簡作樂簡曰社稷傾覆不能康正晉

之罪人也何樂之有因流涕慷慨不幾卒書官而卒賢之也歲星熒惑太白聚于斗牛吳分野東晉中興之應

也劉琨鎮并州時劉粲寇晉陽又太原太守高喬降於粲於是琨奔長山乞師於猗盧乃表猗盧為代公賈疋

者太尉誦之孫也累遷雍州刺史率兵三萬復長安劉粲聞之使劉曜來戰疋破之曜中流矢追至甘泉書官

不書詔命言疋身畧有復晉之志故持書以褒之秦王鄴者吳王宴之子也秦獻王簡無後以鄴嗣封賈疋既

破梁曜三輔小安迺與衛將軍劉芬京兆太守梁總共奉為皇太子書長安人不書官名者言民思晉王關輔

厭亂眾欲立晉太子以平寇亂猶春秋書衛人立晉眾也

經永嘉七年春帝正月丁亥聰弑帝崩于平陽夏四月皇太子即位于長安愍帝建興元年丙午舉懷帝哀壬申大

赦改元建興五月壬辰詔琅邪王睿都督陝東南陽王保都督陝西六月石勒陷山東九月苗藩薨冬十月荆湖

陶侃討賊杜弢已巳大雨雹十一月流人楊武陷梁州十二月河東地震雨肉 傳曰劉聰大會使帝着青衣行酒

侍中庾珉號哭聰惡之乃弑帝書崩于平陽言非其所也春秋書魯昭公薨于乾侯傳曰失其所也書聰弑帝

者責在後君必討弑君之賊也太子業即位于長安不係於建興九年而係於永嘉七年何也曰春秋八公即位

於六公之傳遭喪繼位每年正月則改元正位百官以序國史書即位於策以表之也杜預曰天子之喪制嗣

子位定改元必須踰年此繼父之業不忍變於中年若六月癸亥昭公之喪至自乾侯戊辰定公即位此則國

史直書不須係改元而後書即位也漢魏而下則不然既立年號又復易之元經依晉史舊文實書月日而已故懷帝正月崩于平陽四月愍帝改元繼位皆舊史之文是以元經或因而錄之或改而筆之故曰筆則筆削則削古之道也五月壬辰詔曰陽九百六之厄雖盛世猶或遭之況朕幼冲纘承洪緒昔周公分陝姬氏以隆平王東遷晉鄭是輔二公掃除鯨鯢奉迎梓宮克復中興琅邪王先為鎮東大將軍乃進位左丞相都督陝東諸軍事南陽王模之子余看秦州之地隴右為寇皆從焉乃進位左丞相都督陝西諸軍事各因其所鎮而任之順也六月石勒攻兖州害刺史田徽由是山東郡邑皆陷于勒首藩者司徒勗之子也遷至司空帝為太子時以藩世臣也令攝國政遇亂奔滎陽卒於開封書不書官貶其生不貶其死也生無功於君即不書官以貶也死得令終即書以全之陶侃為荊州長史元帝見之大悅遷武昌太守杜弢杜曾賊起攻侃於沔口侃急走入船獲免不書敗嘉侃之節終能平賊不欲其敗也故不書敗已已大雨雹本志謂盛陽雨水而陰氣脅之轉而為雹劉向曰陰脅陽董仲舒曰臣曾君之應河東雨肉者肉妖也天下之亂河東妖孽尤為甚焉

經建興二年春帝正月己巳黑霧五月辛未日隕于地又三日相承自西而東三月石勒陷幽州殺王浚五月西平公張軌薨六月劉曜寇新豐將軍索綝破之秋七月劉曜逼京師將軍麴允破之詔北中郎將劉暄克頓丘傳曰黑霧着人衣如墨連夜凡五日而止本志謂時君昏耗之妖也曰隕者日不隕也有妖物象日之形墜于地爾三日相承者亦妖氣映日而人味之有三焉五年正月庚子三日並照虹蜺彌天皆此妖也天晴即無之本志謂元帝渡江劉聰李雄各據曹劉舊疆三分之應也石勒陷幽州牧王浚大罵而死不書官貶其逆與賊同耳張軌者少以儒學顯名永寧中為涼州刺史化行河右擊虜曰天下方亂有避難者惟梁土耳執司馬楊胤言曰東羌韓雅殺秦州刺史張輔明公仗鉞一方宜懲不恪春秋之義諸侯相滅桓公不能救則桓公耻之雅聞之降軌大發兵破王彌劉聰有功進位司空封西平公遣使朝貢歲時不絕朝廷嘉之俄患風遺令曰文武將佐當盡忠

規務安百姓上思報國下以寧家善相和遜以聽朝旨卒年六十謚曰武公而夢寢忠勳也索綝者司空靖之子舉秀才累遷至安西將軍懷帝蒙塵糾合義眾破賊黨立秦主為主劉曜及趙冉寇新豐擊破賊書之告捷也七月曜再復逼京城麴允討破之允金城人與游氏世為豪族西州語曰麴與游牛羊不數頭言多也累以戰功遷雍州刺史劉曜趙冉逼長安允討之殺趙冉書告捷也劉暄克頓丘石勒偽署太守邵攀所居也詔北中郎將劉暄往克之斬邵攀書克得雋曰克杜預云不期而薄之取勝故以克為文按春秋鄭伯克段于鄆左傳之曰克也

經建興二年春帝正月盜殺晉昌太守趙珮二月猗盧為代王四月將軍周訪討杜弢張彥六月發漢二陵辛巳救雍州修復陵廟秋七月劉聰寇上黨劉琨救之王師敗績八月荊州刺史陶侃擊杜弢湘州平冬十二月涼州張寔進玉璽傳曰凡稱盜不名者微也趙珮為晉昌太守遇亂為羣盜所殺書官憫王臣也春秋之義書盜殺鄭公子發公孫輒傳云書盜非大夫士庶人微者莫得獲其名耳按春秋書盜或無名或時稱名者盜殺衛侯兄擊傳曰齊約為司寇作不義經書為盜今元經所書盜殺王臣因舊史成文亦言人猗盧以永嘉六年封代公至是益強威中國失道莫能制四夷之僭故猗盧為代王自為也以明西晉莫能制其僭也周訪者執謂曰潯陽人也與陶侃結為友元帝以訪累有戰功遷振武將軍詔征杜弢發棧枹打官船艦訪以長岐槍拒之賊將張彥陷豫章訪擊之臨陣斬彥書官以旌功也六月發霸陵杜陵及薄太后陵面如生得金玉不可勝計是時朝廷草創救收其餘以實內府不書盜發者何譏世衰無法又收古陵餘物言非盜獨然由國自收之矣劉聰寇上黨先是劉琨下有徐潤者琨愛之護軍令狐盛諫琨令去徐潤潤反諧盛於琨琨殺之盛子泥奔於劉聰聰以泥為鄉導攻上黨又襲晉陽劉琨救之為聰所敗識琨之過也春秋之法有按劉琨力與夷狄爭戰雖小陶侃受元帝節度以周訪趙誘為前鋒討杜弢破之書湘州平告功於元帝也昌謂過不能掩大節故識之而已告功於元帝曰自建興初琅邪王南渡浙江湘東督節制而中原否矣舊史以元帝未紹位故策書赴告且繫

之於西晉耳按元帝永嘉初始都建鄴江東補心及慈帝即位進丞相都督中外諸軍事乃分定張寔者西平公

軌之子也江東斬叛者孫弼於宣城又分遣諸將平杜弼於湘州周訪趙誘告功實系東晉張寔者西平公

難耶送于京書進者嘉其不虧臣節也按寔聞長安陷大哭三日遣將東赴國難及

經建興四年春帝正月二月代王猗盧薨夏四月涼州張安遜遣步騎赴京師五月雷熙叛降李雄七月劉曜攻北地

王師不戰而潰八月劉曜還京師十一月辛丑帝蒙塵于平陽十二月己未劉琨出奔于段匹碑 傳曰猗盧

雖夷狄事晉封爵于代貢奉不絕生為王臣死以王禮故書薨張安遜者何曰張寔字安遜也賊逼京師四月阻

絕淮寶遣五將東赴國難書字者嘉之也猶春秋書祁儀父傳稱者嘉之也雷熙者平夷太守也殺南唐守孟栢

以二郡叛降于蜀李雄不書太守者言非其守也王師不戰而潰者劉曜攻北地趙允勳昌士卒未和故不戰而

師衆自散譏將主無法所以潰也八月曜逼長安內外斷絕公卿守小城自固京兆宏農馮翊上洛四郡之兵不

敢進京師饑甚人相食死者大半帝膳以麴為粥而已十一月帝以羊車肉袒銜璧昇觀出降曜以帝為懷安侯

故書蒙塵于平陽不書降諱也春秋為內諱元經為中國諱聖人之情一也按春秋以魯為內以列國為外魯有

魯公而已也痛周典禮在魯君臣不能秉而行故善則書之惡則諱之語云甚矣吾哀也不復夢見周公此其

志也元經以中國為內以四夷為外晉之喪也辱胡亂華臣主屈辱仲淹益傷之不忍書其降曜亦春秋之諱也

十一月劉琨為石勒所敗乃奔段匹碑者何匹碑東郡鮮卑也懷帝朝以為右賢王助國征討假節大將軍劉聰

逼洛陽琨與匹碑結盟共討石勒勒攻樂平太守韓據棄城走琨不能救乃奔幽州依匹碑從飛狐道入匹碑見

之甚相重書曰出奔者言內地皆夷狄所有矣按劉琨奔匹碑自此

經建興五年春帝正月帝在平陽秦哲奔江南二月大守李距破賊劉暢二月琅邪王稱晉王改元建武七月大旱

胡蝗冬十一月丙子日有蝕之十二月戊戌聰弑帝崩于平陽劉聰死 傳曰帝在平陽猶居外也宋哲為鎮東將

軍當長安之陷也哲與雋黨三叛赴國難事不濟南奔元帝書曰奔江南棄中原也琅邪王自永嘉之亂出鎮建

鄴至是因宋哲奔江南宣慰帝詔曰朕今幽塞窮城誠恐一日崩潰卿詣丞相使攝攝機王素服舉哀乃依魏晉

故事稱晉王改元建武元年按永嘉元年以後中國士族文物大半奔江南史筆南朝追書耳今元經但七月大

旱昌謂胡蝗曰冀青雍四州皆蝗是時石勒亦浸奪民稼時人語謂之胡蝗丙子日蝕劉聰弑逆之兆也十二月

聰大會使帝行酒洗爵晉臣在坐者無不失聲泣麴允大哭乃自殺辛寅帝號慟皆為聰所害書聰弑帝去其

姓貶儲逆也于平陽言頓失所當以天子之禮終焉則聰死何以不去姓所以示貶也及卒則書姓名以彰其罪

也聰弑二君賊害忠臣不可勝紀君子既貶其生又貶其死以疾惡之其乎偽主崇卒書于

元經薛氏傳卷三

經東晉元帝太興元年帝正月帝即位二月立皇太子無傳即夏四月戊寅禁招魂葬五月王敦殺匹碑殺劉琨六

月帝親雲成成立皇子暕為武陵王初置諫鼓諫木七月戊申詔州牧舉善察惡十一月新野王弼薨庚申詔公卿

上封事新作聽訟觀已邪琅邪王濛薨復立皇太子詔旌旌賢 傳曰元帝諱睿字景文宣帝曾孫琅邪恭王觀二

子幼有令聞不顯灼然之迹蕩陰之敗也帝懼禍將出奔而月明無由去有頃雲霧晦暝因潛得去成都王穎先

令諸關無出貴人帝至河陽為津吏所止從者宋典鞭帝馬曰官禁貴人汝亦被拘即吏聽過至洛陽迎太妃歸

琅邪永嘉初用王導計求鎮建鄴西都不守帝於三月即帝位經書正月即帝位者西祚已盡東晉首新故必於

大興元年正月即位春秋所謂正始也且明中興始焉招魂葬非古禮也漢魏之術皆妄也葬之為言藏也仁人

於其親掩藏歸穴不豐不儉必約於禮焉延陵季子曰魂無不之此言葬形非葬魂矣禁之禮也劉琨既奔歸段

匹碑弟未波納石勒厚賂潛欲段匹碑以琨為內應事覺為匹碑所囚王敦密勸匹碑害琨縊殺之書曰王敦殺

匹碑殺劉琨言二兇同惡殺賢人也帝親零旱也春秋凡啟蟄而郊龍見而零始殺而嘗閉蟄而蒸襄五年秋大

零二十八年八月大零皆傳云旱也今帝親零善得禮也按西晉四主凡五十二年大旱多矣未嘗親零以祈農

元經薛氏傳

十三

皇子晞第四子封武陵王正也事在武帝初置諫鼓謗木者書賢君能復古道有意於治矣詔州牧舉善察惡
 戊申詔云州牧刺史相檢察不得阿私長吏有志在奉公而不見進用者當受閭塞之責此明東晉之治先乎旌
 別矣新野王弼者汝南王之子書善得禮也十一月詔曰災異屢興咎徵仍見壬子乙卯雷震暴雨天災譴戒彰
 朕不德公卿各上封事具陳得失朕將親覽焉聽訟觀者外朝別館也帝始精國政慮民訟壅隔特作此觀古之
 道也亮開備室聽於民其是之謂乎琅邪王浹帝子也既踐祚以子哀奉琅邪恭王祀哀早世更以皇子浹為琅邪王王薨復立
 皇子昱為琅邪王經言琅邪中興之國祀不可絕故書曰復立昱重繼也癸巳詔曰漢高經大梁口無忌之賢齊
 師入魯修柳下惠之墓其有高德名賢或未旌錄者其條列以聞書元帝得古義也舜紹堯興滅國繼絕世舉逸
 民天下歸心焉周武克商封比干之墓式商容之間斯皆聖王初興必賴賢獻共格于治元帝渡江首下此詔宜
 也

經太興二年春帝正月迎梓宮于平陽不克二月徐龕討平賊周撫夏四月陳川以浚儀叛徐龕以太山叛陳安以
 秦州叛五月將軍祖逖討石勒戰于浚儀甲子刺史周訪討平賊杜曾七月太常賀循卒冬十月十一月石勒僭號
 趙南陽王保稱晉王于祁山 傳曰愍懷二帝皆播遷于平陽崩于劉聰皆不書葬言不得其禮終也至是正月丁
 卯崇陽陵毀五月癸丑又大陽陵毀帝素服哭三日乃遣將軍梁瑱修復山陵迎梓柩于平陽書曰不克存孝思
 也按存陽崇晉文帝陵也大陽陵惠帝陵也二陵在西書賊周撫者一名固堅為彭城內史殺沛國至是太山太守徐
 龕討平之斬撫傳首京師書告功也時以建鄴為京師四月陳川徐龕陳安三者同書叛言中原未能平也平北將軍祖
 逖與石季龍戰于浚儀王師敗績書皆陣曰戰不書敗者嘉祖逖之忠有志為晉平中原君子不欲其敗也故諱
 其敗績甲子安南將軍周訪討杜曾之賊戰于武當斬之書功也賀循者其先慶氏避漢宣譚改賀氏始為琅邪
 王司馬為參佐隨帝南渡加開府儀同三司既卒旌中興之臣也石勒據襄國劉曜遣使持節署勒進爵趙王封

二郡如曹公輔漢故事書僭號者連劉曜皆貶之也案石勒載記張廣等上書請即皇帝位合二十四郡為趙國
 以撫百蠻內復冀州之境南至孟津西達龍門東至河北至口大單于南陽王保者南陽王模之子也愍帝初立以保為右丞相至是自稱晉王全有秦州之地涼州張實立
 之也按本史保傳曰保降劉曜而死秦州刺史陳安迎保喪以天子禮葬於上郡亦諡曰元

經太興三年帝正月二月辛未季龍寇厭次刺史邵續戰沒三月慕容廆來獻玉璽夏四月枉矢流于冀軫五月太
 子詮遇害于平陽口徐龕率眾來降六月盜殺涼州張實弟茂立將軍祖逖破石勒軍於泃水八月辛酉遷神主于
 太廟將軍周訪卒皇太子釋奠于太學九月徐龕復叛于趙 傳曰邵續者孰謂曰 散騎乘之子也王浚假續將
 軍樂陵太守屯厭次石勒既破王浚獲續子又遣人招續續泣曰我出身為國豈得顧子為叛臣遂與段匹磾共
 攻勒多勝捷帝以續為冀州刺史為石季龍所襲被執續呼其兄子竺曰吾志在雪國難以報所受不幸至此汝
 輩自勉奉匹磾為主勿有二心季龍送續于勒勒讓之曰夷狄不足為君耶何無上之甚也續對曰晉末饑亂奔
 控無所故因保合鄉宗庶全老幼言歸于晉仍荷寵授期盡忠節實無二心恐不容于明朝矣昔周文王生于東
 夷大禹生于西羌帝王之興當何常耶囚去真即偽不得早扣天門者大王負囚囚不負大王也勒曰忠於君者
 吾所求也竟遇害書官以歿嘉其忠也燕慕容廆時平州刺史崔洪結高麗及宇文段國伐廆欲分燕地廆與
 戰入宇文之營獲皇帝玉璽玉紐遺長史裴嶷送于建鄴書來獻嘉廆不忘晉舊也枉矢者何流星類也本志謂
 凡星自上而降曰流自下而外曰飛大者奔地行者姦事也枉矢類流星而色蒼黑地行望之如有毛且長數尺
 主反萌亦為以亂伐亂按翼二十三星天之樂府又主夷狄軫四星主冢宰輔臣太子沒于劉聰至是遇害帝三
 日哭之禮也徐龕先以太山叛于趙至是偕石勒率眾來降不書官貶龕反復雖降不為可信矣盜殺張寔者何
 曰京兆人劉引挾左道客居涼州燃燈懸鏡於山穴為光受道者千餘人寔左右皆事引引鄉人閻沙牙門沙仰
 引謂曰天與我神靈當王涼州沙仰密與寔左右十餘人謀殺寔寔引為主寔潛知其謀乃收引先殺之而沙等

不之知以其夜害寔書曰盜微者無名氏也實子駿年幼故眾立其弟茂茂但受涼州牧而以兄子駿為西平公
書茂繼立者賢之也按茂太興三年卒臨終執駿手曰先人以孝友此稱世執志順今雖華夏大亂汝當謹守臣節上不負晉主下保百姓吾氣絕之日白棺入棺無以朝服以彰吾志故書曰賢祖遜
 字士雅世更二千石為北州舊姓然性蕩不修儀檢元帝南渡避亂淮泗帝用為徐州刺史遜渡江中流擊楫
 而誓曰祖遜不能清中原而復濟者有如大江也於淮陰鑄兵罷而後進石勒遣將陶豹來戰遜使韓潛追擊于
 汴水豹宵遁由是黃河以南盡為晉土不言破陶豹而書破勒軍大其功也遷神主于太廟時初建宗廟舊儀多
 闕或以惠懷二帝應各為世則頴川世數過七宜在迭毀事下太常賀循議曰商之盤庚不序陽甲漢之光武不
 繼成帝懷帝上繼太祖不繼惠帝弟不繼帝尚在太廟而懷帝復入數則盈八八世其盈八之理由惠帝不出非
 上祖宜遷也書遷神主言遷毀議定猶八室也天子七廟古之道也其間有兄弟繼立則於義非二世按晉元帝
生宣帝懿懿生景帝師師生文帝昭昭生武帝炎炎生忠帝哀哀生懷帝熾武帝熾是為愍凡九神主除景防
帝雖為文帝兄弟義著祖宗百世不毀則是上自頴川次京兆及宣景文武惠懷愍凡八室神主昭穆始倫訪
 者字士達家潯陽與陶侃結友前後征討多戰功智勇過人與中興名將李矩郭默相結慨然有平河洛之志王
 敦雖懷逆謀然終訪之世不能為非年六十一卒贈征西將軍書官而終貴之也太子釋奠之禮久廢江南文物
 始修於茲有以見人君先齒曹之禮由大學而興乎徐龕復叛于石勒不書石勒而書趙者言中原分裂猶敵國
 也故書國且言晉哀矣

經太興四年春帝正月二月徐龕來降鮮卑末波獻信璽癸亥日關三月置諸經博士夏四月段匹磾沒于趙七月
 戴若思劉隗王導都督司空八月常山崩九月將軍祖遜卒十二月慕容廆為都督幽平諸軍事 傳曰徐龕復來
 降其去也可貶其來也可恕故君子亦書之以懷後至者也鮮卑末波者段匹磾從弟也襲匹磾而附石勒及中
 興末波奉送皇帝信璽于我鮮卑國也未波是其名也若春秋書長狄僑如之類別無官族褒貶之例癸亥日關
 者何曰本志謂太興元年乙卯日夜出高三丈有赤青瑁口口二月癸亥日關三月癸未日中有黑子皆帝寵幸

劉隗而擅威福王敦囚之舉兵犯京師禍及忠賢之兆也置諸博士博士秦官也漢因之九經皆有博士魏晉學
 校不絕元帝中興置周易儀禮公羊三經博士書曰諸經皆當備置也禮即有陳郡春秋三 有劉兆二禮有范

隆尚書有 景道周易有續咸五經 音訓有徐邈此皆晉儒之著聞者也 段匹磾者鮮卑人王浚表為遼西公後遷幽州刺史至是與石季龍戰敗被
 擒於襄國嘗著朝服持符節乃遇害書沒于趙趙音敵國也匹磾不書官貶也曷謂貶曰匹磾始與劉琨結盟事
 晉琨窮來歸之而匹磾害琨故旋踵亦被禍大計一虧小忠無益也按劉琨傳王敦使匹磾殺琨又恐琨眾反已
使來而不告我是殺我 戴若思劉隗王導同書者何曰皆佐命功臣也若思屈于王敦劉隗命于石勒各不保其
 也因歎歎為匹磾繼死

終王導者誅王敦有大勳于東晉然同書者舉其始所以待其終同其恩所以異其效爾若春秋書齊侯宋公鄭
 伯許男滑伯膝子同盟于幽但書其同盟無復以爵先後為義也逸按戴劉王三賢並佐命者王敦傳云帝用劉
常山崩書異也若春秋書梁山崩杜云繫其所災不繫其國梁山不書晉者名山不以封也今經所書者記災異
也言山有朽壞而崩非災馬記異祖遜字士雅 元帝中興遜有振復之志誓以期清中原遷豫州刺史累破石勒

進遜為鎮西將軍石勒不敢窺兵河南遂據武牢恐南無堅壁乃率眾築壘未成而病俄而卒于雍丘年五十六
 豫州士女若喪考妣書官以卒嘉其忠也慕容廆為都督幽平諸軍事初廆元康中居大棘城大棘城顯
項之墟也 為鮮卑
 都督累有戰功至是受都督幽州軍事平州牧書于經懷外夷也

經永昌元年帝正月改元王敦反三月帝大閱于郊外夏四月王敦自為丞相殺戴若思周顛五月周慮反殺將軍
 甘卓六月旱秋七月太山陷于趙冬十一月太尉荀勗薨閏月乙丑帝崩于內殿 傳曰王敦反者何司徒王導從
 父兄也潘滔嘗曰處仲敦字 蜂目已露但豺聲未振爾若不噬人亦為人所噬東海王越以敦為揚州刺史元帝

興以敦為帥時劉隗用事頗疎間王氏帝忌敦而畏之遂引劉隗刁協為心腹敦益不平至是舉兵內向以誅劉
 隗為名帝下詔曰王敦憑恃寵靈敢肆狂逆方朕太甲欲見幽囚今親帥六軍以誅大逆有殺敦者封五千戶侯

三月帝大閱者帝親被甲狗六師于郊外將伐王敦此先閱兵也春秋桓六年八月壬申大閱傳云簡車馬也周禮大司馬之法仲冬教大閱戒眾庶修戰法菜所田之野陳車徒斬牲以誓曰不用命者斬之鼓戒三闕車三發徒三刺若大師則掌戒令及戰則巡陳視事而賞罰之大師謂王親征伐也書曰帝大閱言得禮也王敦自為丞相非帝命也敦既克石頭乃收周顛戴若思昌謂與逆臣同貶曰顛與若思帝委重兵不能善謀討賊而自取夷戮亦猶一賊耳故皆貶宜矣春秋書趙盾不能討賊也況周顛戴若思各領兵甘卓字季惠西晉之亂避難棄官奉王命討敦而不克雖不書官亦可貶其無功

東歸遇陳敏後討陳敏有功累遷梁州刺史鎮襄陽王敦向關也卓露檄遠近陳敦肆逆率所統討之雖懷義正而性不果殺軍次豬口累旬不前敦大懼遣使求和謝卓曰君旋軍襄陽當更結好卓即還軍會襄陽太守周慮承敦意詐言湖中捕魚乃襲害卓書曰周慮反者言慮受晉官陰附王敦殺害忠黨故先書其反而後殺卓疾惡甚也卓書官貴之也七月石季龍攻太山執其守徐龕不書守守賤不足書焉惜太山琅邪之國陷于賊不復歸矣荀組者荀藩之弟也字大惠帝西幸以組為河南尹兄弟貴盛懼不容于世雖居大官但諷議而已洛陽陷組藩皆出奔愍帝時組藩共保滎陽之開封元帝與組移檄勸進大興初逼於石勒乃渡江錄尚書事遷太尉書官以蓋賈舊德也乙丑帝崩于內殿終以正也帝為王敦所逼下凌上辱憂憤而殞故葬速禮有闕如也按本史云皇輿播越天命未改人謀叶贊經路區區僅全吳楚終以下凌上辱憂憤告謝益恭儉之德雖充而雄武之畧不足也

經明帝太寧元年春正月帝即位於未黃霧四塞蜀李驤破譙登越舊漢嘉降于蜀二月葬元皇帝壬申隕霜殺穀無傳按口秋霜殺草猶書況參口乎三月饒安東參安凌縣災王敦求徵五月京師大水六月壬子立皇后庾氏將軍陶侃平交州梁碩秋七月劉曜滅陳安八月石季龍殺青州刺史曹疑 傳曰明帝諱紹字道畿元皇帝長子也建興初立為皇太子永昌元年閏十一月庚寅即皇帝位經書太寧元年正月帝即位者端其本始也按穀梁春秋正始所以端本也癸未黃霧本志曰是時王敦擅權謀逆之兆也李驤者李特之弟也特子雄僭號以驤領兵征活執梓潼太守譙登又越舊漢

嘉善郡皆下之曰書降于蜀蜀王雄風開拓漸廣也饒安諸縣災春秋言內災繫宗廟社稷則書外災米告亦書之元經天下之書也無分內外凡天火譴戒則書焉饒安東光安陵災燒七千餘家死者萬五千人此災尤大者也本志謂信道不篤或燿虛偽讓夫昌邪勝正則火失其性雖興師不能救是謂火不炎上蓋王敦威侮朝廷多行無禮極陰生陽之禍王敦自為丞相專政朝將謀篡位諷朝廷徵已帝不得已以手詔之敦遂起兵下蕪湖窺鸞而動也五月大水春秋之例曰平原出水為大水按桓元年秋大水十三年夏大水今夏大水亦傷禾稼故元經因舊史書災異皇后庾氏者庾琛之女也明帝即位立為皇后冊曰妃庾氏昔承明命作嬪東宮履信思順以成肅雍之德正位閨房以著協恭之美崇嫡明統載在典謨宜建長秋以奉宗廟使侍節兼太尉授皇后璽綬母儀天下潛暢后教其敬之哉經書正也按琛贈驃騎大將軍儀同三司凡亮管詔命官至中書令交州賊梁碩者攻陷交州殺刺史王諒平南將軍陶侃遣將高寶討碩斬之傳首京師告功也陳安者何曰初為劉曜將也遣安擊張春滅之安於是叛曜至是曜討安于隴城殺之書曰劉曜滅陳安兩名猶春秋諸侯相滅非王命而滅之者皆為不道也故兩書名俱貶也按春秋小國相滅齊威公不能救則威公耻之故滅陳而齊威以邢遷夷儀遷衛楚王所且言晉不王時無伯政使亂臣賊子互相屠滅有足傷焉司馬九伐之法其最重者以興滅繼絕須伯者行之是之罪明不可滅也劉曜滅陳安陳安殺張春張春弑晉王此三者皆非法互相賊害元經傷之矣 曹疑者建武初為青州刺史與并州劉琨幽州段匹碑冀州邵續兖州邵續兖州劉演皆附元帝勸進為晉藩屏至是趙將石季龍攻陷青州疑遇害稱官見殺閔忠臣也

經太寧二年春帝正月帝臨朝懸而不樂石季龍寇兖州三月劉曜寇魏興南陽夏五月王敦矯詔以含應為將軍七月壬申帝躬率六軍討王敦敦戰敗憤卒丁酉帝還宮大赦賞功臣有差冬十月王道為太保西陽王羨為太尉豫州祖約保壽陽十二月帝謁建平陵 傳曰帝諒陰始臨朝行元會饗宴禮具宮懸不考聲言天子喪制行告禮故懸而不樂權宜也趙將石季龍攻我兖州刺史劉遐退保泗口三月劉曜遣其將康平攻我魏興及南陽言二趙日侵晉也敦矯詔以其子應為武衛將軍兄含為驃騎大將軍自樹其族將謀篡也丁卯王道為大都督溫

嶠為中壘將軍下敦守石頭城應詹為護軍都鑿行衛將軍都督從駕庾亮領左衛十壹行中軍將軍王遠祖逃
 劉遐蘇峻陶瞻等環衛京師七月壬申帝躬率六軍出次南皇堂至癸酉夜募勇壯士卒千人渡水淹其不備大
 破之斬敦前鋒何康於是敦憤悅而卒乙未敦眾濟水至宣陽門劉遐蘇峻自南塘橫擊大破之賊黨悉平丁酉
 帝還宮大赦惟敦黨不原封王道為始興郡公溫嶠建寧縣公下壹建興縣公庾亮永昌縣公劉遐泉陵縣公蘇
 峻邵陵縣公都鑿高平縣公應詹觀陽縣侯趙允湘南縣侯下敦益陽縣侯其餘封爵各有差謬平賊之功也王
 導西陽王羨書並命得賢輔也祖約為豫州刺史是時石勒將石生屯洛陽謀攻我豫州約退保壽陽晉日削也
 十二月帝謁建平陵行大祥之禮古者不封墓至漢而下帝王陵皆立廟大祥謁廟以明孝思行之可也
 經太寧三年春帝正月二月戊辰復三族刑三月壬辰立皇子衍為皇太子癸巳徵任旭虞喜為博士夏四月詔議
 政道論直言五月陶侃都督荆湘雍梁州大旱自正月至于秋七月却鑿都督青徐二州詔興滅繼絕及五郊
 祀秋八月戊子帝崩于東堂九月癸卯太后臨朝辛丑葬明帝于武平陵冬十月癸巳朔日有蝕之 傳曰復三族
 刑惟不及婦人本志謂謀反大逆夷其三族不在律令所以嚴惡類也又云女子有三從之義無自專之道若父
 母有罪而刑已出之女或夫黨坐誅又有隨姓之戮一人之身內外受刑今女既嫁則為異姓之妻如或產育則
 為他族之母嬰戮二門非所以哀矜柔弱故三族刑因王敦大惡之後行刑以戒其惡也不及婦人矜無辜也皇
 子衍長嫡也為皇太子正也處士任旭字次龍臨海人元帝初鎮江東以手書召才出 事具隱 虞喜字仲寧會稽
 人邑人賀循為司空先達貴顯每語喜自云不能測也于時王導建學校下詔曰夫興化致治莫尚乎崇道教口
 明退素也任旭虞喜並潔靜其操歲寒不移研精典墳前雖不至今更以博士徵之 事具備 林傳 四月詔曰大率初定
 其命維新宜令太宰司徒以下詣都堂參議政道諸所因革務盡事中又詔曰苟有一言亮正予違汝弼望共勗
 之史言明帝聰明有機斷尤精物理雖享國日淺而規模宏遠觀二詔可知矣陶侃都督荆襄等四州本史謂明

帝分上流之勢強本弱枝國之善謀也却鑿自明帝時假節鎮合肥帝仗鑿為外授既平王敦又委鑿東北以禦
 趙冠也詔曰三恪二王世代所重興滅繼絕政道所先又宗室哲王有功勳於大晉佐命功臣開國昭王誓同山
 河尚廢絕禮祀其用傷懷主者詳議應立後者以聞又詔曰郊祀天地帝王之重事也興以來惟南郊未嘗北郊
 故四時五郊之祀都不復設載在祀典應望秩者悉廢而未舉主者依舊詳處一詔皆古之道也書于經足以為
 萬世法矣八月壬午帝不豫召大宰西陽王羨司徒王導將軍陸暉丹陽尹溫嶠受遺詔輔太子丁亥詔曰昔周
 公匡輔成王霍氏扶育漢昭義存前典功冠二代豈非忠臣之道乎敬聽顧命受任託付雖有內外其致一也不
 有行者誰扞牧圉譬若唇齒表裏相資百辟卿士其總已以聽家宰保幼冲人戊子帝崩于東堂止其終九月太
 后庾氏臨朝稱制帝幼故也 按明穆傳曰羣臣奏天子冲幼宜依漢和熹皇后故事 辛丑葬明帝于武平陵禮也
 十一月日蝕本志謂癸巳朔日蝕在卯至斗吳分也蘇峻作亂之兆也 按蘇峻平王敦有大功及受顧命峻不
 是謀逆故曰蝕者后不明也

元經薛氏傳卷四
 經晉成帝咸和元年春帝正月帝即位二月丁亥赦改元夏四月汝南人執內史祖濟叛甲子僕射攸卒六月徐州
 刺史劉遐卒秋七月江州刺史應詹薨九月蜀人寇涪陵冬十月汝南王祐薨封魏後勵南頓馬氏伏誅十一月壬
 子大閱于南郊趙將聰寇壽陽不克十二月劉闡叛于趙梁王翹薨 傳曰成帝諱衍字世根明帝長子也去年閏
 八月即皇帝位今年正月始書即位者春秋所謂正始也大赦改元咸和猶常制也 按元帝即位大赦改元建武
 元未為 四月汝南人執內史祖濟小之也言其與眾同叛爾 按春秋僖五年晉人執虞公書晉人執虞公罪虞且
 典制矣 汝南人執祖濟叛于趙者人眾叛也 鄧攸字伯道襄陽人永嘉時為河東太守陷于石勒逃歸元帝
 其民也則是汝南人執祖濟叛于趙者人眾叛也 鄧攸字伯道襄陽人永嘉時為河東太守陷于石勒逃歸元帝
 時為吳郡太守入拜侍中久之遷尚書右僕射卒書官嘉良吏也 按鄧攸事具良 劉遐字正長廣平易陽人冀方

元經薛氏傳卷四
 經晉成帝咸和元年春帝正月帝即位二月丁亥赦改元夏四月汝南人執內史祖濟叛甲子僕射攸卒六月徐州
 刺史劉遐卒秋七月江州刺史應詹薨九月蜀人寇涪陵冬十月汝南王祐薨封魏後勵南頓馬氏伏誅十一月壬
 子大閱于南郊趙將聰寇壽陽不克十二月劉闡叛于趙梁王翹薨 傳曰成帝諱衍字世根明帝長子也去年閏
 八月即皇帝位今年正月始書即位者春秋所謂正始也大赦改元咸和猶常制也 按元帝即位大赦改元建武
 元未為 四月汝南人執內史祖濟小之也言其與眾同叛爾 按春秋僖五年晉人執虞公書晉人執虞公罪虞且
 典制矣 汝南人執祖濟叛于趙者人眾叛也 鄧攸字伯道襄陽人永嘉時為河東太守陷于石勒逃歸元帝
 其民也則是汝南人執祖濟叛于趙者人眾叛也 鄧攸字伯道襄陽人永嘉時為河東太守陷于石勒逃歸元帝
 時為吳郡太守入拜侍中久之遷尚書右僕射卒書官嘉良吏也 按鄧攸事具良 劉遐字正長廣平易陽人冀方

宣城殺內史桓彝 壬辰廬江太守毛寶攻賊合肥拔之八月劉曜石季龍戰于高嶽九月司徒王導奔白石陶侃

遂攻峻于白石斬之賊眾潰冬十月蜀將張龍寇涪陵十二月石勒敗劉曜于洛陽獲之 傳曰□□□□□□

次所以□□□□□□次潯陽者王愆期陶侃□□合勢討峻□□□□溫嶠遣王愆期鄧嶽紀穆三師為前鋒

王師又敗下壹羊曼周道陶瞻皆死之壹不□□□□其死也 按下壹字望之濟陰人有名譽為司□□□爵元

峻戰敗發背倉未合力疾而戰遂死之二子彭肝見父沒相隨赴賊同時見 庾亮為蘇峻敗于建陽門外亮走乘

小船西奔携三弟惺修翼投江州溫嶠與共推陶侃為盟主侃尤相稱勸不書官貶也昌為敗曰亮以舅氏專朝

政作遺詔獲大臣而陶侃不在其列是以蘇峻與約舉兵誅亮失於先見□□□□ 亮本傳云南頓王宗謀廢

者又先帝保傳天下以亮剪削宗室者宗之黨也與宗俱誅成和問亡奔蘇峻峻 祖約自平王敦以進鎮西將□

口陽為北境藩扞蘇峻舉兵遂推約為太尉□□□□亮峻敗約奔石勒 按祖約本傳云奔石勒勒人約之

詔為中書令譏亮名亂也皇太后宣陽門兵敗賊揮戈接於帝坐突入侍人皆見掠奪庾氏以此憂辱而終書曰

憂崩言不得令終也南陽太守五國叛降石勒言趙強也葬明穆皇后即庾氏書葬得禮也帝遷于石頭為蘇峻

所逼也帝哀泣升車宮中慟哭 石頭城在建鄴西北江灣之內 虞潭者翻之孫也討張昌平陳敏皆有功累遷至吳興太守庾水

者亮之弟也時為吳國內史王舒者導從弟也時為會稽內史以二吳之兵拒峻將管轄商吳等書起義嘉之也

按虞潭和柔而內堅明有膽識雖數統軍旅鮮有傾敗官至侍郎年七十九庾水稱素風為世所重攻賊于石

頭水勳為多後入為中書監眾所歸或稱賢相王舒潛心學植為吳中都督陶侃百京師上舒監浙江東五郡軍

事 陶侃初不預明帝願命深以為恨溫嶠推侃為盟主 侃子為峻所殺 乃會平北將軍魏該以師四萬次于蔡州

攻石頭書次者過信宿也三日已上必告必告其次謹師律有漸也桓彝字茂倫漢桓榮之九世孫也補宣城內

史聞蘇峻作逆與慷慨流涕也涇陽是時州郡多遣使降峻咸勸彝偽與通和彝曰吾受國厚恩義當致死安能

與逆醜通問峻遣將韓晃攻彝固守經年勢孤力屈城陷為所害故書賊攻宣城殺內史猶齊約書盜謂逆黨不

須名也 春秋同二十年盜殺衛侯之凡傳曰齊約作 毛寶者孰謂曰溫嶠參軍也蘇峻之亂嶠以寶為前鋒時峻

以萬斛饋祖約也寶設策力戰奪其米約用大之嶠嘉之上為廬江太守攻祖約東關破合肥書拔之旌功且往

逆黨也 傳云賊遣韓晃攻寶南城寶登射殺數十人晃問曰君是毛廬江耶寶曰是晃曰君名勇劉曜及石季龍

戰于高嶽季龍敗績曜遂陳于洛陽 劉曜張本 司徒王道奔白石初導侍帝峻欲加害峻逼帝幸石頭道爭之不

行峻曰肆醜言道隨路采及二子奔于白石白石即溫嶠庾亮屯所也庚午陶侃使督護楊謙攻峻于石頭陣于

白石峻輕騎出戰驃馬遂斬之書賊眾大潰言餘黨不能復聚十月蜀李雄遣將張龍寇涪陵太守趙弼沒于賊

經書蜀不稱李雄言蜀久與晉相抗猶敵國焉昌謂稱寇曰僭亂抗正侵我不已故書寇以貶其大過也 按雄載

特第三子也初即位南攻漢中克涪陵遠人 繼 十二月石勒自率眾向洛劉曜常乘赤馬無故踟頓乘小馬出復

飲酒斗餘至西陽門搗陣勒兵乘之大潰曜昏醉奔退墜於渠為石堪所執口于勒書獲之執之也春秋之例凡

諸侯身犯不義而惡不及民則不稱人以執若晉侯執曹伯是也 僖二十八年春三月丙午晉侯執曹伯又成十

不及其民也傳例云凡君不道於民 今勒與曜皆僭敵國而經兩名之無曲直之辭也稱獲之因舊史文耳 按曜

而諸侯討執之則曰某人執某侯 借號至曜五世凡二十七年而滅 經咸和四年春帝正月帝在石頭二月建威長史滕含奉乘輿還宮弋陽王羨薨夏四月乙未始安公溫嶠薨秋七

月有星孛于西北九月石勒盡滅劉氏冬十月廬山崩十二月太尉陶侃討賊郭默 傳曰帝三年五月為蘇峻遷

于石頭是時雖峻已誅峻弟逸猶強盛故猶在石頭未反正也二月丙戌諸軍攻石頭建威長史滕含以銳卒擊

蘇逸大敗之含奉帝幸温嶠舟中書乘輿還宮正也 按温嶠傳云滕含抱天子 弋陽王羨者汝南王亮之第三子

元經薛氏傳

蘇逸大敗之含奉帝幸温嶠舟中書乘輿還宮正也 按温嶠傳云滕含抱天子 弋陽王羨者汝南王亮之第三子

蘇逸大敗之含奉帝幸温嶠舟中書乘輿還宮正也 按温嶠傳云滕含抱天子 弋陽王羨者汝南王亮之第三子

也亮宣帝第四子母伏太后元帝渡江累遷至太保明帝寢疾養與王道同受顧命依安平獻王孚故事設床帳於殿上咸和初坐弟南頓王宗免官降為弋陽王云是蘇峻作亂義述其勳峻既平賜死不書伏誅諱也曷諱爾曰義偽辭卑避苟免一時之禍其實非附峻也若王莽之世楊□□□□□其情固為伏誅國除刑太過矣君子哀之故舊書曰死猶言自死不稱誅不與其誅也温嶠字太真博學能屬文初為劉琨參軍元帝立嶠累遷至太子庶子明帝朝拜侍中參綜機密轉中書令王敦入輔嶠知敦不執謬為設敬總其府事于說密謀以附其欲補丹陽尹敦構逆嶠請為備及平敦有功伏應詹為江州刺史鎮武昌聞蘇峻有變嶠屯潯陽率舟師赴難推陶侃同盟戎卒六萬旌旗百里直至石頭嶠創口行廟設壇書天地祖宗親讀祝文聲氣激揚涕被面三軍莫能仰視賊平封始安郡公還武昌未旬日以齒疾中風而卒年四十二書景貴之也帝母書追贈侍中謚曰忠武初葬豫章朝廷追其勳德作大墓於元明二陵之北

有星孛于西北志謂犯斗二十三日占曰有兵亂九月石勒盡滅劉氏石勒與劉曜之子允戰執其偽太子熙及允等三千餘人皆殺之徙關東秦雍大族九千餘人來襄國劉氏自永嘉四年僭立至曜三世凡二十七年而滅春秋勝國通以滅為文若楚滅夔晉滅狄齊師滅萊之類是稱名者即衛侯燬滅邢是也經書石勒名之劉曜氏之何也明貶勒以強滅人之國不以義也古之滅國猶存其嗣以嗣其先周滅紂封微子於宋是也今勒殺劉熙允及三千餘人故書曰盡滅劉氏貶其酷甚也廬山崩本志云柴桑西地崖崩九江刺史災也陶侃討郭默默為右將軍殺江州刺史劉允不書官貶賊也

經咸和五年春帝正月詔除諸將任子夏五月太尉陶侃擒郭默斬之六月初稅田畝三升秋八月石勒僭皇帝位九月造新宮繕苑城 傳曰自蘇峻反後諸將多以子為質謂之保任至是王道慮郭默之不可制乃詔除任子之法郭默河內懷人也永嘉之亂默率眾自為塢主累遷至潁州太守誅蘇峻遷為右將軍被徵過潯陽潯陽劉允饋默酒二器肥一頭默投之水中矯詔襲允殺之太尉陶侃聞之曰此必詐也圍之數重斬之傳首京師按郭默傳陶侃

惜點驍勇欲活得之而然將宋侯等恐為亂見殺故不初稅田畝三升亦什一也案本志云成帝始度百姓田取時出降而縛默求功即斬于軍門同意死者四十人焉按元帝詔二千石長史人以多少為殿最非宿衛皆赴農使軍各自佃作即以為高田

十分之一而畝稅米三升焉按元帝詔二千石長史人以多少為殿最非宿衛皆赴農使軍各自佃作即以為高田

雖事陶不能使強不凌弱也宜簡流人與復農官依魏石勒之僭久矣至是季龍及張寶等一百二十九人上疏畧曰物望去劉氏感懷于明公者十九焉請以劉備在蜀魏王在鄴故事以大單于鎮撫百蠻勒乃即皇帝位九月造新宮自蘇峻後始復宮室也繕治苑城增固舊制春秋凡興造有書不時國有非常則不然安王室設國備雖不時亦無譏爾按春秋書新作延殿新作廟門皆書不時例曰啟塞從時云耳元經則不然以安帝室廣城固制也

經咸和六年春帝正月趙將劉徵復寇襄縣司空郗鑒都督吳國二月詔段遼為驃騎將軍五月壬戌朔日有蝕之詔舉賢良直言之士夏四月早秋七月蜀將李壽復侵陰平 傳曰去年趙石勒遣劉徵來寇南沙進入海虞至是劉徵又寇襄縣故書復寇言勒恃強不已也郗鑒先出為會稽內史至是加都督浙東五郡軍事備賊劉徵也段遼者何單于匹碑之後陸春之孫也自晉衰數據遼西之地其地西盡幽州東界遼水遙命為驃騎通我好也三月壬戌日有蝕之本志謂帝年已長母幸司徒弟見王導夫人如子弟之禮以人君而敬人臣之妻有虧君德之象也李壽蜀主之族子也偽漢王梁州刺史征伐屢勝開地千里侵我陰平口口強也

傳

經咸和七年春帝正月夏四月石勒將郭敬陷襄陽秋七月太尉陶侃收復襄陽冬十二月庚戌帝遷于新宮 傳曰先是西中郎將趙允及司徒中郎匡術等攻石勒之馬頭塢勒將韓雍寇我南沙及海虞至是郭敬陷襄陽侃遣其子斌及南中郎將桓宣攻敬破之復樊城竟陵太守李陽拔新野襄陽經獨書侃勤王之師為治口帝居新宮諸行在所

經咸和八年春帝正月詔舉力士能舉一千五百斤丙寅蜀將李壽陷寧州癸酉張公庭為鎮西大將軍丙子詔焚石勒之賂夏四月以東帛徵處士五月乙未遼東公卒六月將軍王舒卒秋七月趙石勒死子宏嗣其將石聰來降冬十月

石季龍滅石明石生傳無十二月將郭權來降

傳曰詔舉力士不忘武備古之道也李壽攻我寧州圍之百餘日

遂陷凡師被圍無救曰陷且言蜀寇強也張公庭者何涼州張軌之子駿也建興中敦煌計吏耿訪到長安遇賊因渡江太興二年至建業上書以州未知中興遣使願為鄉導屬連有國難未果至是以訪為治書御史拜駿鎮西大將軍駿受上稱臣而不奉正朔猶稱建興二十九年書字不名所以貴之也石勒遣使致賂詔焚之責其與我抗禮也翟湯字道深潯陽人廉潔不屑世事庾亮薦之徵為博士不起盧喜字仲寧會稽餘姚人大軍中與臨海任旭俱徵不就至是年太常華恒舉喜為賢良下詔書稱翟湯虞喜並守道清正不營世務雖徵命而不屈豈素緣難染而搜引之禮簡乎政道須賢宜納諸廊廟其以敬騎常侍徵之不起書曰處士以道自處也慕容廆鮮卑大單于咸和五年加庾侍中開府儀同三司庾與陶侃箋曰舊都不守奄為虜庭深惟文武之士過荷朝榮不能滅中原之寇刷天下之恥君侯植根江陽發曜荆甸伏葉公之權有包胥之忠而白公伍員始得極其暴竊為丘明耻之今吳士英賢比肩而不輔翼聖主討逆暴之羯檄命舊都之士招懷存本之人豈不若因風振槁頗坂走圖哉楚漢輕重惟在君侯若悉五州之眾據兗豫之都則羯寇必滅庾在一方無由自發故遠陳賡言不宣侃等議請封庾為燕王朝議未定而庾卒其第三子統嗣位為平州刺史督攝部內書遼東公卒嘉其欲附也王舒執謂曰道從弟也隨元帝渡江累遷至撫軍討蘇峻逆黨韓晃有功封彭澤侯謚曰穆經書官履功也石勒自大興二年偽稱趙王至咸和五年僭號趙帝至是卒書曰死者不與其君崩也為臣莫也書死以其國位不正之稱乎石聰者勒之族子與石季龍有隙遂來奔其實奔而書降何也曰晉中國趙非列國之敵也故書來降

經咸和九年春帝正月隕石于梁州二三月會稽地震夏四月石季龍攻郭權陷之六月蜀李雄死姪班嗣乙卯太尉陶侃薨江陵公陸曄卒蜀李期弒其主班十二月石虎弒其主宏趙人朱縱來降

傳曰隕石隕星也春秋僖公十六年書隕石于宋五今涼州張駿分野仲尼筆法誌其災異以應人君奉天戒修新政也不為涼州言吉凶也

左氏所謂陰陽之事非吉凶所至是也地震會稽者災異及於大臣乎是時陶侃薨之應也趙生鎮關中起兵討

石季龍為季龍所敗而生將郭權以上邽來降詔以權為秦州刺史上邽豪族害權降季龍攻權於郿陷之書陷者言中國之地陷于賊故也蜀李雄字仲雋特之子也立兄蕩之子班為太子其相李驥王達皆諫曰吳王舍其子而立其弟所以有專諸之禍宋宣不立與夷而立穆公卒有宋督之變雄不聽竟立班焉雄生瘍於頭而卒書曰死國位不正非可言崩也陶侃字士衡鄱陽人舉孝廉至洛陽遷至江夏太守討張昌陳敏有功中興歸元帝元帝加侃奮威將軍又擊杜弼破之為荊州刺史又討杜曾平之轉廣州刺史及王敦反詔侃領江州敦平遷都督荆雍益梁州諸軍事入討蘇峻之亂有功拜大將軍上表遜位曰臣欲為陛下西乎李雄北吞石季龍良圖未遂於此長乖以後事付右司馬王愨期輿車就船明日薨於樊谿年七十六謚曰桓書太尉薨正也陸曄字士光吳郡人元帝以侍中皆北士宜兼用南人乃以曄清正為侍中成帝踐祚拜開府儀同三司平蘇峻封江陵伯至是年七十四卒謚曰穆書公貴之也蜀李期雄第四子也雄既不立己子乃立兄子班於是李越不平因雄死奔喪與期密圖之因班夜哭而越殺班於殯宮遂立期為主經書期弒其主班而不書越罪何也昔趙盾弒其君賊其不討賊今期及越共謀殺班期實首故書期弒其主班其骨月相殘自期始也石虎字季龍勒養子也勒既立其子宏而季龍不平乃廢宏羣臣勸季龍即位書曰石虎弒其君宏兩名之皆僭偽也然國位不正亦人主耳故書弒貶賊子也朱縱者何石季龍徐州從事也殺刺史郭祥來降季龍擊奔淮南書曰趙人微也曰來降抑偽以尊

經咸康元年春帝正月帝始元服二月帝親釋奠夏四月趙虎寇歷陽命大司馬王導禦之秋八月長沙武陵大水

冬十月乙未朔日有蝕之傳曰帝親釋奠書始也始元服乃親行禮重祀典也石季龍自

率眾南伐至歷陽臨江而旋又遣石遇圍襄陽我師屯章山救襄陽大司馬王導總其事分遣劉峻救歷陽趙允

屯慈湖路永成牛渚王允之屯益湖都鑒使陳光衛京師王國保襄陽經書王導禦之包諸將以畧其文也春秋有詳畧無長沙武陵大水二郡連災殄也乙未日蝕是歲大旱米斛錢五百書災異甚也元經不然以異同書之

經咸康二年春帝正月辛巳彗星見于奎丁巳立皇后杜氏庚申高麗來貢夏四月皇后見太廟口口口口楊州會稽大饑冬十月廣州鄧岳擊夜郎新口口口口與古並克之興古汾陽之地是月詔封周漢後王後也十一月將軍司馬勳為蜀李壽所敗 傳曰彗掃星也史臣按彗體無光傳曰為光故夕見者則東指朝見者則西指在日南北者則

隨日光而指光芒所及則為災今彗見于奎十六星天之武庫也是時石虎兵強江東武備不能振之象也皇后杜氏預之曾孫也父奕世名德故立為皇后正也按本傳云后長猶無齒有求婚者以此中止及帝納之而齒盡生有此異相高麗入方物東夷航

海而至也是時慕容廆稱單于於遼東與東夷校尉崔暹有隙暹與高麗伐廆為廆忿奔高麗來貢者懼慕容而欲以附中國也皇后見于太廟案嘉禮皆告于廟一曰納采二曰問名三曰納吉四曰納徵五曰請期六曰親迎

皆有祝文今皇后見于廟所以明奉祭祀之本也楊州會稽二郡大饑詔開倉賑給禮也夜郎與古不奉貢既克之言歸順也詔封周漢之後其詔曰歷觀前代賓禮三恪故祀宋光于周典宋姬垂于漢策周漢之後絕而莫繼

其詳求衛公山陽公近屬有履行修明可以繼承其祀者依舊典施行十一月遣建威將軍勳安集漢中為壽所敗案春秋敗或曰某師為某師所敗其於敗績一也但文有異爾公羊傳分為二義非也

經咸康三年春帝正月辛卯立太學夏六月早九月慕容詵立為燕王 傳曰禮始立學必釋奠于先聖先師及行事必用幣成帝立學斯禮無聞魏正始二年使太常釋奠祠孔子于辟雍元帝中興皇帝講論詩釋奠于太學今

書立太學者以明口口但祠孔子于中口口至是始別立太學也夏六月早傷稼則書不書大雩譏廢禮也慕容詵者廆第三子也盡遼左之地擊段遼破石虎乃遣使劉祥獻捷于我自稱燕王從其好也且言詵才兼文武不貶

其為假王也逸按載記就雖殺多權客通經學知天文凡行兵陣無不勝捷就自立為燕王乃上表于成帝曰歷觀前代昏明之主若親黨后族必有傾禍周之中伯號稱賢舅以善藩于外不推朝權降及秦昭委

信二舅幾至亂國漢武重田蚡蚡死後切齒追恨成帝暗弱外資王舅令王莽坐取帝位設賢若讓侯上聞有二主若其不才則竇憲梁冀成敗然矣陛下舅亮亮執政輕侮邊將故蘇峻祖約不勝其憤臣與亮冰炭位殊

班出處懸邈臣獨抗言者為陛下計也昔徐福陳霍氏之戒宣帝不從致令忠臣更為逆族昔王章劉向上章未嘗不斥王氏谷永張禹依違不對取後世臣被法殊俗位為上將臣若不言誰當言者又與庚冰書曰若

功就事舉必享中伯之名如或不立將有梁冀之逆方今四海有懸倒之急口口中夏有儲逆之寇吾雖寡薄早蒙元帝列將之授一時務農三時用武况乃王者之威豈同年而語哉水見書甚懼遂與何充等奏詠稱燕王因

其封裕口諫辭乃下令曰百姓無田者與苑園耕之貧無資者賜牛一頭依魏晉舊法中州未平官不可減待克平古魏徐更議之封生深得蹇蹇王臣之體賜錢三萬立東序於舊宮行鄉射之禮詵自造大上章以代急就章

著典誦十五篇伐高麗扶 經咸康四年春帝正月二月石虎敗段遼夏四月蜀李壽弒其主期篡其位石虎為慕容詵所敗六月王道為丞相

秋七月冬十月 傳曰石季龍因慕容詵稱藩請討段遼數為邊患季龍至遼敗未季龍怒詵不會軍乃伐詵詵擊

敗之降段遼以歸先書石虎敗段遼後書虎為詵所敗者口口石虎成文也春秋列國相伐據所赴告而書之若

內相伐無所譏敗李壽者驥之子也矯詔廢李期為公期縊死壽即篡位改元稱漢興元年經書弒不書縊貶壽

篡逆也按李雄之子皆為壽所殺六月改司徒之官為丞相以太傅王導為之按本志丞相秦官自趙王倫以後非人臣之稱太宰太傅太保周三公名官各屢易非正名也

經咸康五年春帝正月二月廣州刺史鄧嶽伐蜀執霍彪夏五月征西庾亮擊巴郡獲李閔黃植秋七月丞相文獻

公王導薨辛酉何充錄尚書事八月復丞相為司徒辛酉太尉鄧粲薨九月石虎寇河南郡城江夏圍石城魯漢東

民遷于幽冀冬十二月瑯琊王岳為司徒 傳曰鄧嶽字伯山王導命為從事討蘇峻及郭默皆有功遷交廣二州

刺史兼都督寧州建寧人孟彥者執李壽將霍彪以降歸鄧嶽故書伐蜀大中國也按本志分益州置寧州統八縣巴郡為石虎

李壽交侵為患數矣亮代陶侃都督江荆豫益雍涼六州於是遣趙松擊巴陵江陽獲石虎將李閔黃植春秋之

法得君曰滅得臣曰獲僖元年十月壬午公子友率師敗莒師于鄆獲莒挈傳云嘉其獲也今書亮獲虎將亦嘉

拜於道左導乃進計以結人心躬造質循願榮賓禮之及洛京傾覆導收賢人君子荆揚晏安朝野傾心矣歷事
三朝累遷至太傅薨年六十四舉哀於朝堂一依漢博陸倕故事葬之謚曰文獻而書謚道三朝元老中興大
功非羣臣所比故書謚異常典也何充字次道王導原亮言於帝曰何充器局方堅有萬夫之望由是拜命為副
時望故書復丞相為司徒口口道薨故復舊却鑿字道微高平人躬耕隴畝以儒雅著名與千餘家避難于嶧山
元帝假鑿龍驤將軍明帝立王敦專政仗鑿為外援及平蘇峻詔進為司空至太尉上疏遜位舉祭讓薨年七十
一喪事如温嶠故事書葬禮也石虎遣其將襲安冠河南張裕冠郝城皆陷之又冠江夏義陽太守毛寶樊俊
鄭進為王師諱也且傷寶俊進以志死也遷民入幽冀譏時主不能主也春秋之義有諱有歸於德惡勸善
元經亦然耳瑯琊王嶽即康帝之母弟也為司徒言應試也瑯琊元帝始興之國故先經始事文見此馬謂建元
元年康

帝為嗣
張本

經咸康六年春正月庚子庾亮薨二月庚辰有星孛于太微夏四月秋七月聽政于東堂 傳曰庾亮字元規明穆
皇后之兄也風格峻整明帝即位以亮為中書監成帝立進中書令太后臨朝政事一決於亮先朝遺詔不及陶
侃祖約以此失人心及平蘇峻王敦皆有功遷司空亮年五十二謚曰文康書葬禮也經不
書謚星孛太微本志甘氏
云孛所當之國受其殃春秋有星孛於東方不言宿者不加宿也今加於太微者天子之庭五帝之座也口日
口口微為衡衡主平言天庭禮法平也有妖孛于太微天庭各各應之故明年杜皇后崩次年帝崩之兆聽政東
堂依中興故事也元帝朔望坐東堂

經咸康七年春帝正月甲午朔日有蝕之傳無三月戊戌杜皇后崩夏四月葬恭皇后秋八月東海王冲薨冬十二月
司空陸玩薨 傳曰杜后諱陵陽崩年二十一無子謚曰恭書葬禮全于終也東海王冲字道讓元帝之子也帝以
東海王越無子乃以冲嗣薨年三十一陸玩字士瑤吳人也初王敦逼以軍期温嶠上表申理之得不坐累遷

至尚書令司空玩既拜命有人詣之索盃酒高梁柱間祝曰當今乏材以爾為柱石莫傾人梁棟耶玩笑曰感卿
良箴既而謂賓佐曰我為三公是天下無人談者以謂知言玩誘納後進諫若布衣縉紳莫不陰其德字薨年六
十四謚曰康

經咸康八年春帝正月己未日有蝕之夏六月癸巳帝崩于西堂年二十二葬興平陵 傳曰正月日蝕六月帝崩
之應也帝少為庾氏舅族所制及長頗留心萬幾雖無雄武之度而有恭儉之德
元經薛氏傳卷五

經東晉康帝建元元年春帝正月即位夏四月遣將伐蜀秋七月丁巳詔桓温北伐圖中原冬十二月石虎侵張駿
戰于河西虎兵敗績 傳曰康帝諱徽字世同成帝口弟也初封瑯琊王庾冰謀立長君遂詔帝為嗣及即位欲定
制度年號復與中朝故改元曰建元馬四月遣益州刺史周撫西陽太守曾據伐蜀李壽敗之于江陽七月石虎
將戴開率眾降詔曰慕容就推殄羯寇是天亡之始也中原之舉宜加籌量戴開歸順宜遣使詰安西諮謀軍事
安西張駿也 以輔國將軍桓温入臨淮庾亮為都督以圖伐石虎冬十二月石虎恐涼州為後患張駿每遣使渡江多
為虎所獲於是伐駿為駿所敗春秋之例敵未陣曰某敗師若莊十一年敗宋師於滑是也皆陣曰戰太崩曰敗
績若莊二十八年甲寅齊人伐衛衛人敗績是也或書地若僖二十二年冬十一月宋公及楚
人戰于泓宋師敗績又宣十二年六月苗林父及楚人戰于泌楚師敗績是也

經建元二年春帝正月張駿討于闐破之二月慕容就及宇文歸戰于昌黎歸兵大敗奔漠北夏四月張駿敗虎于
三交城秋八月平北將軍桓宣卒衛將軍口口口口城傳無口口九月巴東楊謙擊李執戰口口口口申立皇太
子戊戌帝崩于式乾殿葬于崇口口 傳曰張駿東界置沙州西界至河州於姑臧築城流沙伐龜茲善鄯焉耆
前部皆臣於駿南羌于闐不服駿遣和麟謝艾大破之鮮卑宇文歸遣其國相莫淺渾攻慕容就就與戰渾不

為中堅將軍配步騎五千擊狄大破之初有梟鳴于丹中艾曰梟鳴也六博得梟者勝今梟鳴丹中克敵之兆也世稱一代名將也褚裒字季野獻后父也桓彝謂季野有皮裏春秋謝安亦重之曰裒四時之氣備矣以后父求出江州刺史在官清約而褒貶亮亮使郭璞筮之曰非人臣封及太后臨朝有司奏議欲加不臣之禮裒上疏固讓歸藩進儀同三司書官譏不稱也十一月桓溫帥將軍周撫袁喬等伐蜀拜表輒行見諸葛亮八陣圖于魚腹平沙之上壘石八行相去二丈溫曰此常山蛇勢也文武皆莫能識謂明帝溫克成都張本也枉矢流西北本志枉矢以亂伐亂之應也

經永和三年春帝正月二月桓溫攻成都李勢降夏四月秋九月地震冬十二月蕭敬文陷涪州取巴西通漢中傳曰桓溫與李勢戰于空橋溫參軍龔護沒衆懼退鼓吏誤鳴進鼓於是進攻之勢衆大潰溫乘勝□□□□

敬文害征虜將軍楊謙攻涪城陷之遂取巴西通漢中書蜀亂未已也

經永和四年帝正月夏五月大水秋九月燕慕容皝死子儁嗣位冬十月石虎將符健寇竟陵 傳曰慕容皝死在位十五年子儁僭號追謚文明皇帝儁既立即燕王位依春秋列國故事稱元年穆帝遣冊儁大單于燕王符健者符堅之伯也在石虎口口竟陵書符氏興張本也

經永和五年春帝正月石虎僭號于鄴夏四月周擊范貴獲之益州平石虎死子世嗣偽立五月石遵自立秋十月褚裒次彭城遣將與石遵戰于代陂王師敗績八月涼州人攻趙入長城成敗之冬十月趙人攻宛執南陽太守郭啟十一月石鑿殺石遵自立十二月將軍褚裒 傳曰石虎字季龍勒之從子勒授與其子宏虎私謂上自都襄國以來吾躬當矢石二十餘年克定十有三州成大趙之業者我也大單于實在我而授黃吻小兒上晏駕之後不足留種也後果廢宏自立至是僭稱皇帝建元曰太寧居鄴大修宮觀凡在位十五年死其子世嗣位為石遵所

廢石遵自立偽稱王也在位凡三十三日褚裒次彭城遣將王龕李邁及石遵將李農合戰執王龕殺李邁書大崩也涼人司馬攻長城成涼仇池公楊初攻西城皆敗之涼口口口口也十月趙人石遵攻宛陷之執南陽太守郭啟而石遵亦遵族子書人微之也石鑿者遵之從弟也初篡位石中鎮刺聞之曰世受先帝之命而遵輒殺罪逆莫大乃大舉兵親討之石鑿與石閔謀廢遵率申士執之于如意觀初遵與宮人彈碁見甲士至問曰反者誰也對曰義陽王鑿當立乃殺遵于琨殿鑿即位以石閔為武德王褚裒自彭城為石遵所敗憂慨發疾而卒年四十七謚曰元穆追贈太傅不書譏常材也

經永和六年春帝正月懸而不樂閏月再閏趙石鑿自立僭號魏丁丑彗星見于亢己丑氏帥符來降以為氏王三月趙故將麻狄鳩殺符洪六月石祗及其弟琨攻冉閔為閔將王泰所敗秋八月護王無忌薨十二月免蔡謨為庶人 傳曰正月元會懸而不樂以褚裒之喪也再閏者謂石閔也本姓冉石虎養為孫父瞻委龍子之閔力絕人胡夏宿將皆憚之既殺石鑿羣臣上尊號僭位於南郊改元永興國號大魏居襄國遣使臨告我曰逆胡亂中原今已誅之若能共討者可遣諸來也朝廷不答責其無禮也彗星見于亢占曰為兵大疫冉閔殺胡十餘萬人中原大亂之應也氏帥者堅之祖也洪弟健始入關其先氏羌故號氏虎既死麻狄鳩殺之石祗者亦遵族子與弟琨率衆十萬伐鄴為閔將王泰所敗死者萬餘也護王無忌者剛王遜之孫也無忌字公壽隨桓溫伐蜀有功謚曰烈稱功也按無忌傳無忌父承差為王敦所害及敦平無忌兄王廙子拔刀贖論蔡謨字道明陳留考城人也累遷侍中司徒謨謂所親曰我為司徒為後代所哂上司徒印綬章表十餘不受帝年八歲甚倦問左右所以召人何以不至太后詔若不來空罷朝中軍將軍殷浩奏免謨為庶人譏殷浩之專政而晉室衰矣

經永和七年春帝正月丁酉日有蝕之符健僭號秦王夏四月刺史司馬勳與符健戰五丈原王師敗績五月劉顯殺石祗劉啟來奔秋八月趙人冉邈來降九月峻陽太陽二陵崩傳十一月趙姚弋仲魏統皆來降十二月趙人周

成高昌樂宏李歷相次來降 傳曰符健洪之子也既敗王師乃僭號皇帝位不書帝不與其僭帝也然則符健僭
王何以書曰諸侯王人臣皆稱焉帝則天下真主稱之僭不亂真春秋之大例也劉顯者石祗之將也祗使顯攻
冉閔為閔所敗乃密降閔請殺祗以自效於是殺祗閔懸祗首於通衢劉啟者顯之從弟也趙充州刺史惡顯所
為乃來奔自是趙國分裂故冉遇姚弋仲魏統周成高昌樂宏李歷皆邊戍之臣避亂來降

經永和八年春帝正月辛卯日有蝕之無傳二月峻平崇陽二陵崩夏四月冉閔為慕容儁所滅將軍謝尚討反賊張

遇王師敗績秋七月趙故將王擢請降冬十月將軍周撫討 傳曰峻平崇陽二陵崩遣王惠如洛陽衛五陵然亦

不能固皆朋有盜穴之故也去年峻陽天陽二陵崩不書盜者告不以盜故不書盜再閔既殺石祗盡誅諸胡遣

使常煒者聘于慕容儁使封裕詰之曰閔息養常材負恩暴逆有何祥應僭稱大號煒對曰狼烏紀於三王鱗

龍表于漢魏儁君應天御歷能無祥乎又問曰閔鑄金為七象壞而不成奈何有天命乎煒曰鑄形之事所未聞

也左右欲殺煒煒曰兵交使在其間赦之乃遣慕容恪伐閔固守不下恪連擊皆勝閔奔常山追及于孤水擒閔

斬之于龍城閔國亡周制九伐之法其極曰滅言再閔滅趙以非辜故亦為慕容儁非辜滅也張遇以許昌反詔安

西將軍謝尚討之戰于許昌王師敗績符健使其弟雄襲遇虜之不書虜耻王師之不若按張遇者符健之將也

遇怒復反而尚討之為遇所敗坐兵王擢者石虎故將也遣使來請拜秦州刺史未幾擢為符健所逼奔于涼州

書曰請降實未降耳蕭文者蜀故將也永和三年反據涪城至是周撫始斬平之冉智者孰謂閔之子也閔既

國亡智以鄴降送傳國璽其父曰受天之命皇帝壽昌百僚稱賀未幾為其將馬願執之降慕容恪書請降言未

降于我也

經永和九年春帝正月涼張重華遣王擢與符雄戰涼兵敗績三月交州刺史阮敷破林邑五月張重華取秦州八

月遣河間王欽修五陵冬十月姚襄叛己未涼張重華薨子耀靈立是月張祚弒耀靈自立 傳曰張重華使王擢

伐符健擢既敗單騎而還重華素服為戰亡者舉哀復授擢兵遂襲取秦州林邑國者漢象林縣也即馬援鑄銅

柱之處也其國王范文永和二年攻陷日南殺太守至是交州刺史阮敷發兵擊破之河間王欽者彭城元王植

之子也河間王顯無後以欽為嗣使修五陵禮也姚襄者何羗人弋仲之子也隨來降襄叛擊殷浩敗之掠淮南

有眾七萬稱大單于走入關為符堅所殺張重華死年二十七立子耀靈年十歲張祚弒之自立僭號稱帝改和

平元年涼自此亂矣

經永和十年春帝正月帝臨朝周成反襲洛陽二月桓溫伐關中廢殷浩為庶人夏四月桓溫符萇戰于藍田五月

郭敞叛六月桓溫與符雄戰于白鹿原王師敗績 傳曰周成者冉閔降將也自宛陵襲洛陽桓溫伐符健書曰關

中言姚襄亦入關不止諸符而已殷浩字深源善元言好老易累遷至都督徐兗楊豫青州諸軍事桓溫素忌浩

上浩罪曰案中軍殷浩侵官離局高下在心受專征之重無雪耻之志坐自封植妄生風塵姚襄弟入質浩不能

撫用陰圖殺害生長亂階自浩始也乃廢為庶人符萇者何萇健之子也桓溫率眾四萬趨長安健使萇率眾五

萬拒溫轉戰次于灊上萇敗退溫眾饑乃還不書敗之者譏溫無功也按符健載記云健聞溫來伐收麥

經永和十一年春帝正月甲辰汝南王統薨夏四月壬申隕霜姚襄寇外黃六月秦符健死秋七月宋混弒張祚立

元靚冬十二月慕容恪寇廣固壬戌上黨人請降 傳曰四月隕霜也春秋傳云天反時為災人反德為亂亂則妖

災生正陽用事而隕霜者陰反陽也臣庾君也本志謂庶徵常寒之罰劉向云誅罰不由君出在下之象蓋此時

桓溫專政之應姚襄者弋仲之子既叛晉自稱大單于攻外黃為邊將高季所敗而退六月符健死子生嗣偏位

書秦者別秦自為國也言非晉所統矣宋混者敦煌人也與祚宗人張瓘起兵聲言張祚無道遂殺之篡首宣示

內外國人怨祚暴威稱萬歲眾共立耀靈弟元靚慕容恪者號之子口兄傷之子瞻既僭帝位以恪叔父大功總

攝朝政口圖洛陽故兵臨廣固秦中大震符堅親將以備潼關格不利而還定時桓溫初收洛邑故書寇言復晉

漢魏書

元經薛氏傳

元經薛氏傳

元經薛氏傳

元經薛氏傳

元經薛氏傳

涼州地震浩疊山崩本志曰張天錫亡之兆也天錫明年呂護者冀州刺史先為慕容恪所攻退保滎陽至是叛歸慕容暉反寇逼洛陽河南太守戴施奔死桓温大衆在宛也書寇盛晉襄也且言洛陽將不救也庾希鄧遐以舟師救洛陽並書者邊政在一臣而已慕容暉將劉則及庾希將何謙戰則敗書曰破之喜賊退也賜貧民米書元旱也

經興寧元年春二月改元三月壬寅皇太后薨癸卯帝幸瑯琊夏四月桓温錄尚書事癸卯慕容暉陷密城秋七月涼州張天錫弒西平公元靚自立丁酉葬章太妃九月大司馬北伐冬十一月盜殺江州趙毗 傳曰改元大赦大赦不書譏非古也凡赦國之大權有不得已則赦之今改元無大故而赦故不書太妃周氏先以帝封瑯琊及帝立而尊穆帝太后故周氏猶居瑯琊及薨帝奔喪于瑯琊非古也高謂非古曰天子之母當居天子之宮周氏雖避嫌太后不當猶居瑯琊諸王之第也故經書幸瑯琊言巡幸可也天子無外安有奔喪之文故不書奔喪禮也桓温錄尚書事臣強自此始乎燕慕容暉攻密城陷之滎陽太守劉遠逃歸江陵遠不書微也微不足書也張天錫駿少子元靚之叔也元靚冲幼性弱天錫專政大臣張欽欲討天錫事泄伏誅天錫率衆入禁門潛害元靚乃自立書弒言元靚亦國君也世受晉封爵天錫專政篡立故書弒以貶其大惡也周太妃謚曰章丁酉書葬禮也大司馬北伐不書名而書官者尊天子之官抑權臣之盛也不言伐某而曰北伐者示天子之大不以中原外之諱晉之衰故特抑司馬之官以明邦政大四方焉故曰北伐云耳盜殺者姚襄故將張駿焚武昌掠府藏而殺刺史駿不書名微也趙毗書名者舉江州為言也毗不才而為盜所殺者春秋襄十年盜殺鄭公子駢傳曰書盜言無大夫也又昭二十年盜殺衛公孟縶齊豹以戈擊公孟殺之齊豹衛司寇不書官不書名稱盜賊不義也張駿本寇黨也故書盜云

經興寧二年春帝正月二月慕容評襲許昌癸卯帝耕藉田三月庚戌大閱秋七月徵桓温入朝符堅侵河南 傳

曰慕容評者暉將也潛奉龍許昌太守李福死之侵汝南汝南太守朱斌遁于壽陽又圍陳郡太守朱輔固守皆不書者為晉諱爾哀帝無帝王才識逼於桓温之手慕容氏侵中原君子不忍彰晉之衰也故特諱不書意其欲真主挺生以興復中原乎帝耕藉田禮也哀雖衰弱猶能務農之本是謂禮典馬農為邦本禮所先庚戌大閱禮也先王之制居安慮危況晉室陵夷兵不可廢而不講焉徵桓温者何温既復洛陽上疏陳便宜七事詔温參朝政至諸圻固讓乃鎮揚州書曰徵桓温入朝譏也温雖擅雄于外然顯大故譏而不貶符秦既僭號懼慕容暉先據洛故侵河南春秋之義無鐘鼓曰侵

經興寧三年春帝正月庚申皇后王氏崩二月桓温冲監六郡事丙辰帝崩于西堂瑯琊王奕嗣帝位三月壬申葬哀帝丙午慕容恪陷洛陽

經廢帝太和元年帝正月即位二月乙丑涼張天錫稱公三月新蔡王邀薨夏五月戊寅皇后庾氏崩鷹揚將軍朱序平涼州勳冬十二月慕容暉陷魯郡 傳曰廢帝諱奕子延齡哀帝母弟也哀帝二月崩奕即嗣皇帝位今正月始書即位者改元建正然後即位春秋舊制也張天錫以涼州稱藩故晉命之以公爵稱涼者自為一國也新蔡王邀武哀王騰之後也騰子確確子滔滔子弼弼子邈邈薨而子晃嗣封為桓温所廢司馬勳晉宗室濟南王遂之曾孫也咸和中自列乃受涼州刺史及周撫卒勳反桓温遣朱序討勳勳暴虐民心不附自潰序執送于温温斬之書曰涼州勳不書姓削其屬籍也十二月慕容暉遣將慕容厲陷魯郡高平

經太和二年春帝正月夏四月羅崇破慕容暉于竟陵將軍桓豁獲趙槃秋九月却愔鎮徐州 傳曰慕容暉遣其將慶寇竟陵太守羅崇擊破之桓豁為右將軍慕容暉將趙槃成死詔豁擊獲之于魯陽送京師却愔字方回鑿子也自會稽內史遷鎮徐充簡文所薦用也簡文輔政薦愔受此命

經太和三年春帝正月三月丁巳日有蝕之傳夏四月大風折木秋八月尚書王述卒 傳曰大風者洪範狂常風

若思之不廢是□□□極凶短折也王述王湛孫也少襲父爵累官至尚書令書卒無足稱也

經太和四年春帝正月夏四月大司馬□□□□□□九月桓溫至枋頭而歸辛丑慕容口垂於□□□□

冬十月袁真叛十二月桓溫自山陽會于涂中 傳曰大司馬執謂曰桓溫也曷謂不書桓溫口口司馬掌九伐之

法天子任以邦政使專征不庭口世雖衰司馬之官天子所任也不止桓溫獨當此職元經之意欲天子征伐靜

中原服四夷故不書溫重其官也桓溫至枋頭何以書曰溫糧運不繼焚舟而還既已失策拜政之辱故不書官

特書名以示貶也溫自枋頭既歸後口為慕容垂所追敗于襄邑亦不書口皆貶也袁真為豫州刺史鎮壽陽叛

者怒桓溫也溫敗于襄邑歸過于真真怒乃以壽陽降慕容暉會稽王昱即簡文也桓溫自山陽會于涂中再謀

北伐也

經太和五年春帝正月二月袁真死其子瑾嗣事四月部將竺瑤破袁瑾秋九月益州賊李金根反梓潼太守周虓

討平之冬十月秦將王猛滅燕以慕容暉歸 傳曰袁真死其黨朱輔立其子瑾號建威將軍夏四月桓溫遣部將

竺瑤破瑾於武丘九月廣漢賊李宏與益州賊李金根反自稱聖王詔周虓字孟威討平之符堅將王猛攻苻闕

慕容暉遣慕容評率兵四十餘萬距之于潞州川評大敗縛暉歸長安書秦燕口國口口也夷狄滅夷狄或

不名非例也春秋僖二十六年楚人滅麇以口口口口歸楚麇皆稱口口口口不書名元經之旨以秦燕猶列國耳

且明晉不能

經太和六年春帝正月將軍桓伊破秦將王鑒于亥桓溫平袁瑾三月將軍周楚卒夏四月秦符堅滅仇池以楊纂

歸十一月桓溫屯白石丁未廢帝為東海王册於吳縣 傳曰桓伊字叔夏侍中景之子朝廷以符堅強盛選能捍

疆場者用伊為淮南太守堅使王鑒張蚝來救袁瑾伊擊王鑒敗之書曰秦將符堅猶敵國也丁亥平袁瑾壽陽

平也周楚字元孫征西訪之孫也隨父撫入蜀拜將軍煇為太守撫卒朝廷以楚襲爵建成公監涼益二州軍事

世在蜀得物情司馬勳反楚討平之又李金根賊反楚平之皆有功書官以卒世闕也

桓溫平蜀有功楚孫虓陷于符堅堅問曰我元仇池楊氏其先氏一人也數世襲封仇池公至楊世者初降秦既

會晉家何如虓曰成羣何敢比天子世開名臣仇池楊氏其先氏一人也數世襲封仇池公至楊世者初降秦既

而稱藩于晉世死其子纂嗣位立而絕於秦纂弟楊統起兵武都與纂分爭符堅遣將雅率師七萬取仇池進

圍安益戰于陝中纂降雅雅送長安書歸者降歸也封纂強川侯桓溫屯兵于白石詣闕諷太后集百官于朝宣

太后令曰瑯琊王奕以母弟入纂大位昏濁潰亂動違禮度有此三孽莫知誰子欲樹儲藩誣罔祖宗傾移皇基

是而可忍孰不可懷今廢為東海王羣臣拜辭莫不獻款帝居吳縣安於屈辱沉洄口口口口孝武太元十一年崩

于吳縣今年書崩者帝無罪不與其廢也故以帝禮終之而言崩于吳縣明失所也

元經薛氏傳卷六

經簡文帝咸安元年帝正月夏四月秋七月冬十一月桓溫分兵屯衛乙郊溫廢武陵王晞十二月初薦淶酒於太

廟 傳曰簡文帝諱昱字道萬元帝第六子也桓溫既廢帝以太后詔迎帝於會稽帝變服巾幘受爾纓不書即位

譏之爾曰簡文自太和元年位為丞相錄尚書事不能制桓溫之跋扈以輔幼主雖踐祚體元亦由其未盡善也

故不書即位冬十一月帝既即位桓溫慮有變故分兵屯衛桓溫不稱官貶其專也武陵王晞者元帝第四子出

繼武嘉王詒後遷太宰無學術而有機幹溫素忌之溫既立簡文乃表晞謀逆收付廷尉請誅之簡文手詔報溫

曰若晉祚猶長公且行前詔如其大運去矣則請避賢路溫乃止奏徙新安郡薦鄴錄於太廟者自此始故曰初

經咸安二年帝正月二月秦符堅執慕容桓夏拜百濟為樂浪太守秋七月內史周少孫討庚希平之已未立皇太

子昌明是日帝崩于東堂 傳慕容桓暉之族也暉既滅桓收合餘眾攻遼東太守韓稠堅遣將軍朱疑擊桓執之

百濟國王餘旬入貢遂拜鎮東將軍樂浪太守

樂浪元庚希者長帝隆和初鎮下邳與袁真分守至太和二年希

舉兵入于海陵入京口逐晉陵太守卞耽秋七月遣東海內史周少孫討擒之賊平昌明孝武帝字從舊史文
 經孝武帝寧康元年春正月帝即位二月桓溫來口朝三月癸丑除四桁稅音夏五月早七月己亥桓溫卒八月
 壬子崇德太后猶攝政冬十月西平公張天錫來貢十一月秦人陷梁益我師南遁 傳曰武皇帝諱曜字昌明簡
 文帝第四子也咸安二年立為皇太子簡文帝即位至明年正月改元寧康書即以謹始也桓溫既立簡文
 也望禪位於已不副所望武帝即位詔溫入赴山陵書曰來朝外之也初溫依諸葛亮故事威勢赫乘輿入朝
 求歸姑孰窺伺神器至是詔來京師故曰來朝四桁稅者丹陽竹格等稅也除之嘉惠及民也己亥桓溫卒不
 書官貶之也溫自咸康而來威傾中外廢東海立簡文有志篡奪此亂之大者卒幸免誅也去其官不書薨為晉
 誅惡也崇德太后者何康帝后褚氏也父哀后自穆帝嗣位蔡謨等奏東漢和熹順烈並臨朝近以明穆故事以
 垂先制於是居崇德宮謂之崇德太后及桓溫廢海西公立簡文后復臨朝稱制君子曰后妃所以治內也親外
 事非禮也然權宜避嫌必假母儀之尊所以制弱命之君爾伊尹周公不挾后勢終歸于道霍光白太后禮當
 尊親其實光專之可也漢魏而下后族臨朝罕不兆亂故元經書猶有可止之亂然則孝武帝冲幼妃后攝政奈
 何曰時諸桓方強王坦之之輩執政庸懦不能舉左袒之師討廢君之賊雖崇德臨朝何益晉祚哉張天錫來貢
 方物言中原舊統無來者惟天錫而已書公貴之也秦符堅遣將楊安陷梓潼梁益我師周仲孫以騎三千南遁
 仲孫為寧州刺史監益州貪暴人不堪命秦楊安帥師陷之書曰我師不言仲孫罪在晉也不任賢也致陷全蜀
 不書仲孫不足稱也

經寧康二年春帝正月二月兖州刺史刁彝卒三月丙戌彗星見于氏夏五月蜀賊張育僭號蜀王為秦所滅秋九
 月丁丑有星孛于天市冬十一月天門蠶音攻郡太守王匪死之癸酉將軍桓石虔破秦姚萇于墊江無 傳曰刁
 彝字大倫少遭家難棄斬髮人祭父墓由是知名官至徐兗二州刺史假節鎮廣陵卒彗星見于氏有星孛於天

市皆占曰有兵喪張育以蜀來稱藩蜀賊言自僭非懷晉也天門蠶者蠻屬也太守死之以死守天門義之也
 經寧康三年春帝正月辛亥大赦夏五月獻公王坦之薨桓冲鎮丹徒謝安領揚州秋八月立皇后王氏冬十月癸
 酉朔日有蝕之無十二月神獸門哭無 傳曰大赦者以去年冬錢步射作亂未
 序平之故赦其餘黨也王坦之字文度父述與寧太和中稱為名臣坦之襲父爵累遷至大中正簡文臨終詔坦
 之與謝安輔幼主遷中書令終於都督徐兗諸軍事臨終與謝安相冲書不及私惟憂國家之事朝野惜之稱
 謚書美褒賢也丹徒控南吳揚州扼淮北故安冲分主之重外禦也立皇后王氏者王蘊女也諱法惠初帝將納
 后訪諸公卿僕射謂人曰昔毛嘉耻於魏朝楊駿傾晉室帝若納后如有父如王蘊則按王蘊者蒙之子也為
 為吳興太守有德望及后立籍辭恩澤求外郎素者酒少醒自訪蘊女容德乃應選擇真之禮自魏齊王正始五
 然和簡為百姓所悅終於會稽內史儀同三司子恭別有傳 訪蘊女容德乃應選擇真之禮自魏齊王正始五
 年使太常釋奠祠孔子於辟雍以顏回配享至晉成帝穆帝並以堂為太學故曰釋奠于東堂禮也

經太元元年春帝正月加元服見太廟改元始臨朝按孝武冠儀依武帝故事金石宿設百僚陪位殿上鋪大床御
 呼萬歲古禮冠皆在廟晉自成帝以來加元府奉冕幘替太尉加黃太保加冕侍中加衮服畢率臣上壽三
 服以車駕出拜于太廟以告成徽在廟之儀 夏五月癸丑地震秋九月秦陷梁州張天錫亡冬十月秦攻代執其主
 涉翼捷 傳曰自漢以來加元服皆以正月見于太廟明冠禮也書始臨朝者言太后歸政也癸丑地震陰盛極也
 秦陷梁州之應乎張天錫晉舊屬也秦之陷涼於是中原掃地矣天錫張駿少子也荒于聲色不恤政事人情恐
 懼秦符堅遣將苟萇攻涼天錫降于秦因遂亡矣自張軌為涼州至天錫凡九世共七十六年而亡書亡以晉藩
 郡為辭也涉翼捷凶奴猗盧之後也符堅遣將符洛率幽州兵十萬討伐戰于弱水道陰山其子翼妻縛父母秦
 堅嘗入太學召翼妻問曰漠北人好學否翼捷對曰若不好學陛下教臣何堅善待之終身

經太元二年春正月二月朱序鎮襄陽夏四月秋七月老人星見八月桓冲來朝丙辰都督六州桓豁卒壬寅尚書
 簡公王彪之薨 傳曰朱序世為名將使鎮襄陽備秦也老人星見于衰世不足為祥也桓冲者溫弟也代溫為都

元經薛氏傳

督江揚諸軍事鎮姑孰修臣節也都督桓豁卒豁字郎子父爽豁累有戰功遷征西開府堅踐仇池豁以梁州楊亮及益州周仲孫歿豁威暑不固辭開府尋卒謚曰敬不書謚無功也王彪之字叔武累遷尚書僕射時豫州謝奕卒簡文問彪之欲以桓雲代之彪之曰温居上流割天下之半若其弟處西藩權在一門人事未可豫量簡文曰君言是也簡文崩羣臣未敢立嗣或云大司馬處分彪之正色曰君崩太子立何容得異乃定謝安欲以太后臨朝彪之曰先代王襁祿子母一體故可臨朝太后亦不能決終問僕與君等今年十歲反令從嫂臨朝豈翼戴之謂乎謝安每言事不能決者諮王公無不得判以疾卒謚曰簡書盡貴之也

經太元三年帝正月二月作新宮三月暴風發屋夏五月陳留王曹恢薨秋七月冬十月 傳曰作新宮譏也謝安欲營宮室王彪之曰中興初帝即位東府至為儉陋元明二帝亦不改制成帝居蘭臺是以更營修築始合豐約之中可修補而已強寇未殄宜修兵養士何勞擾百姓以修屋宇為能耶終彪之世至是始作新宮故譏其困民力也暴風發屋不思之咎厥罰常風管輅曰思心不睿常風之罰

經太元四年春帝正月二月秦符丕陷襄陽執朱序夏四月秦陷魏興吉挹死之五月秦陷盱眙秋九月盜殺建安守傅湛冬十一月十二月己酉朔日有蝕傳曰朱序字次倫守襄陽符丕攻陷於堅堅南伐遣序說謝石反謂石曰堅衆百萬悉到莫可與當乃及其未會可擊之堅大敗序得歸吉挹字祖中桓豁表為魏興太守秦將軍鐘圍魏興挹力不能抗城陷為賊所執挹閉口不言不食而死追贈益州刺史秦陷盱眙執毛瑯瑯者毛寶之孫也不書瑯微其不才盜殺傳湛春秋齊豹稱盜傳例謂不義則書盜

經太元五年春帝正月乙巳謁高平陵夏四月大旱五月大水秋九月皇后王氏崩傳無冬十月李遜據交州反 傳曰漢故事陵上立祭殿至魏制以謂古不墓祭自有廟設於是園色寢殿遂廢至晉武帝每謁崇陽陵一謁高平陵逮江左元帝崩後諸公有謁陵辭告之事非洛邑之舊也褚太后臨朝拜陵以帝幼故也高平陵簡文陵也帝

自即位自此始行謁陵之禮大旱大水按春秋書災異大旱則書雲大雨則書大水李遜九真太守也據交州統七郡所以互相制也

經太元六年春帝正月沙門居殿內夏六月庚子朔日有蝕之秋七月甲午交趾杜瑗平李遜冬十有二月秦將寇竟陵冠軍石虔擊擒之 傳曰帝溺秦佛法立精舍於殿內南朝佛弊自茲始也且言政不由帝矣庚子曰蝕陽德衰而夷威之象杜瑗交趾太守也斬李遜以平交州來告秦符堅遣將閻震攻竟陵初詔曰石虔文武器幹御戎有方古今絕倫金草弗避進為冠軍將軍閻震以襄陽之衆來攻石虔拒之賊阻激水屯管城石虔設計夜渡水賊始覺力戰大破之進克管城擒閻震書冠軍嘉之也

經太元七年春帝正月林邑來貢夏四月秋八月癸卯大赦傳無九月東夷五國來貢秦將掠沔北民去冬十月丙子雷 傳曰林邑其先漢象林縣馬援鑄銅柱之地去南海三十里漢未有區功曾者自上稱王厥後外甥范熊氏代立其俗開北戶以向日人性凶悍果於戰鬥使山水不閑平地四時無雪霜人保跣黑色其王服天冠披纓絡聽政子弟侍臣皆不得近之自孫權以來不朝中國武帝太康中曾來貢至是范熊獻方物經書來貢尊中國之舊也東夷五國者扶餘三韓肅慎倭人裨離也在元菟東北並武帝太康中曾獻方物東夷校尉以統之秦堅遣其將都貴焚燒沔北田穀掠襄陽百姓而去書曰掠沔北民去不言焚田穀所重民而已民亡穀將安保乎冬

雷愆陽也
經太元八年春帝正月二月黃霧四塞夏五月將軍楊亮伐蜀擒秦將魏光秋七月將軍郭洽及秦將張崇戰于武當敗之八月秦符堅來寇渡淮冬十月秦將符融陷壽春乙亥將軍謝石謝琰桓伊及符堅戰于淝水堅為慕容垂所敗十一月立曹恢子靈誕為陳留王句町王程邃及慕容垂合兵攻洛陽仇池公楊世奔還隴右 傳曰黃霧四塞中原復亂之象也楊亮拔蜀五城符堅將魏光為亮所擒王師復振也符堅大舉伐江南是時洎冲率十

漢魏叢書

萬人分諸將攻襄陽桓石虔攻沔北楊亮伐蜀進攻涪城郭銓攻武當堅將張崇救武當姚萇救涪城亮與崇戰敗之自是堅大怒亟自帥師南伐衆諫止不聽慕容垂潛貳於堅言於堅曰司馬昌明以餘燼之資敢拒王命況大秦廢符堅神武不宜以賊虜遺子孫堅大喜率步騎二十五萬為前鋒長安戍卒六十萬騎居其後堅至項城而諸州軍始至咸陽幽冀兵始至彭城蜀漢兵順流而下東西萬里水陸齊進八月堅捨大軍于項城以輕騎渡淮至壽陽見王師部陣齊整又望八公山草木皆人形曰何謂少乎憚然有懼色及遣降人朱序往說謝石欲脅而降之序矯私謂石曰秦百萬至則莫可敵也乘其未集在速戰挫其前鋒可以得志從序言列陣逼淝水遣使謂秦符融曰君懸軍深入逼水為持久之計豈欲戰乎若少退使將士周旋秦軍塵退奔不可止融馬倒被殺因茲潰敗王師乘勝追擊之堅中流矢單騎遁還淮北堅歎曰朕若聽朝臣之言豈有今日之事于是張天錫朱序徐元喜等皆歸晉焉慕容垂偽請撫燕岱反攻鄴慕容泓奔關東收鮮卑衆數千堅自此弱而晉粗安焉經書符堅來寇言無遠畧但速寇而已初堅為慕容垂所勸令亟進諸軍皆敗獨垂全軍而反果中垂計故書曰堅為慕容垂所敗且言晉之福幸也曹靈誕者魏陳留侯之裔也明帝永寧二年詔興滅繼絕于是曹奐之後勸者魏武之孫也封陳留王至是卒以靈誕為後禮也句町王翟遼者丁零雜類也叛堅反與慕容垂兵共攻秦洛陽楊世者氏人也世為仇池稱藩于晉世死其子篡立為符堅所擒送長安至是復奔歸隴右欲復興仇池也

經太元九年春帝正月封寶為臨川王遵為新寧王將軍劉牢之克譙城將軍桓冲降新城魏興上庸三郡二月辛巳宣城公桓冲薨夏四月己卯增大學生百人姚萇僭稱秦王六月癸丑崇德皇太后崩秋七月高密王純之修洛陽陵己酉符堅及慕容冲戰于鄭西堅敗績八月司空却憶薨九月都督謝元克鄆城冬十月河間王曇之薨傳庚午符朗來降十二月春將呂光竊據河西 傳曰簡文帝淑儀顧氏生臨川王郁郁卒以武陵王孫寶為臨川王嗣焉導字茂遠元帝孫武陵王暕幼子也襲封新寧王劉牢之為將軍以符堅餘寇屯結在譙牢之擊平譙城復淮

北地也桓冲遣上庸太守郭寶伐秦魏興上庸段方並降之新城魏常道走三郡皆平不書郭寶者桓冲之功也初姚萇降符堅為堅將委以山南之事及堅敗歸長安長奔渭北自稱大單于秦王苻符堅不書以僭王罪大故書之崇德太后褚氏崩謚康獻禮也高密王純之者獻王泰之後也符堅既歸秦洛陽復屬晉使純之修謁祖陵禮也丁酉慕容冲去長安二百餘里堅使符方成驪山符暉符琳兵五萬桓冲以婦人乘牛揭竿搖塵率衆攻暉于鄭西暉出戰敗走書曰符堅敗績自是冲逼長安郝惜字方回司空鑿之子也襲封南昌公官至江東五郡都督徵拜司空愔固辭不就愔謚曰文穆不書愔者畧之也謝元及桓石虔高茂趙遷諸軍北伐元遣劉牢之攻兗州克鄆城秦刺史張崇奔于慕容垂于是牢之據鄆城書謝元都督指蹤之功也符朗字元達堅從兄子也為青州刺史遣使詣謝元來降授散騎侍郎著符子老莊之流也呂光字世明氏人也事符堅討西域平龜茲高昌還至涼州因居姑臧聞符堅死哀號三軍編素大臨于是自稱大都督隴右河西諸軍事

經太元十年春帝正月二月蜀將任權平益州三月榮陽鄭變來降夏四月符宏來奔秋八月太保文靖公謝安薨姚萇殺符堅九月符丕僭位于晉陽冬十月乞伏國仁稱大單于秦河二州牧 傳曰任權為蜀郡太守斬秦刺史李平故書平益州鄭變來降稱人無官也符宏者堅太子也堅為慕容冲所逼出奔五將山宏來降晉晉處之于江州符宏不書官亡國窮寇也謝安字安石年四十始為桓溫司馬遷吳興太守入遷侍中簡文崩桓溫入赴山陵將移晉室呼安及王坦之坦之汗流倒執手版安從容謂溫曰明公何須廢後置人耶溫笑語移時桓溫死安總關中事孝武朝為中書堅之次淮泥安遣其弟石兄子元等破堅以總統功拜太保上疏求北征都督十五州假黃鉞性好音樂及登台輔暮喪不廢樂出鎮廣陵然東山之志始末不渝年六十六謚曰文靖符堅奔五將山姚萇圍執之求國璽于堅堅曰小羌敢逼天子五運次序無汝名焉以求死甚謚堅于新平佛寺書姚萇殺符堅以胡殺胡兩同常人耳符丕者堅長子也鎮襄鄴聞堅死據晉陽以張甄為侍中王永為尚書令符冲為僕

射改元曰太安僭尊號乞伏國仁鮮卑人也居勇士川壽春之役為符堅前鋒及堅敗也國仁集諸部十餘萬自稱單于秦河二州牧以乙旃音塗為左相以屋引支友為右相置天水洛陽等十三郡築勇士城居之號西秦

經太元十一年春帝正月慕容垂僭位于中山許木未殺慕容冲傳夏四月封百濟餘暉為王代王拓跋圭始稱魏

秋八月封孔靖為奉聖侯將軍朱序擊翟遼走之冬十月慕容垂破符丕于河東傳十一月符登僭位于龍東

傳曰慕容垂字道明統子也及偶借號封垂為吳王鎮信都敗桓温於枋頭名始振慕容評忌之垂奔符堅堅大喜郊迎意欲圖慕容暉及堅擒暉以垂南伐垂軍獨全其子寶言于垂曰今天厭亂德出眾土崩可因而取之垂曰且縱令北還更待其隙後據鄴都即位于中山百濟國高句驪屬也世持節為鎮東將軍其子餘暉嗣立為王

慕容命代王自太康中郝散猛猗盧而後世居代北至是拓跋圭始居中華故稱魏戎始變華也孔靖魯聖之後也漢故以孔霸封褒成君自魏文帝詔孔羨為崇聖侯孔震為奉聖侯至是以靖襲封禮也丁零翟遼及朱序遣將軍秦膺擊之遼走凡敵敗曰敗之降曰降之敵遁曰走之以死從事曰死之此舊史文也符登字文高堅之族孫也符丕為晉將馮該所斬而登自狄道起兵眾立為主隴東秦川地登于軍立堅神主載以輜輶羽葆青蓋建黃旗引軍乃告神主曰維曾孫皇帝臣登今以大皇帝之靈恭踐寶位昔五將之難賊羗肆善于聖躬登之罪也今合義師造虜庭奮不顧命為期因歎歎流涕將士感慟皆刻牟鏜為死休字示以戰死登以長稍勺為方圓大陣知有厚薄從中分配故人人自為戰所向無敵攻奮泉堡姚萇救之密遣詐為內應以招登許開門納之登以為然有雷惡地馳諫登曰姚萇多計必為姦變宜思之登乃止萇聞惡地詣登謂諸將曰此萇多奸智今詣登矣吾事必不成登聞萇懸門待之驚曰幾為堅子所誤

經太元十二年帝正月翟遼遣其子劍寇陳顥夏四月盜執高平太守徐含遠六月東昂聘戴逵襲元之秋八月立皇子德宗為太子冬十一月王遐之討翟遼敗之 傳曰翟遼者丁零翟斌之後也父真與符丕內外相應為鮮于

乞所殺遼奔黎陽遣子劍南寇至陳顥朱序擊走之高平翟暢者執其太守徐含遠以郡降翟遼書盜微之也戴逵字安道誰人也博學好談論能鼓琴攻書畫少時以鷄卵汁澣白瓦屑作鄭元碑自鑄之武陵王晞召逵鼓琴逵不從曰不為王門伶人後居會稽剡縣嘗著論曰儒家尚譽本以興賢也既失其本則有色取之行以容貌相欺至于末偽道家去名者欲以篤實也苟失其本則有越檢之行情禮俱虧至于末薄夫偽薄者非二本之失而為弊者必託二本以自適夫道有常經而弊無常情苟乖其本聖賢所無奈何其高論大率如此龔元之字道元武陵人也好學安于陋巷帝下詔曰哲王御世必搜揚幽隱故空谷流響維之詠丘園依東帛之觀譙武戴龔並高其操學宏儒業並以敬騎常侍備禮發遣皆不就君子謂江左固多高雅之士雖世勤于戈國步艱感而道風常在王遐之松滋太守也討翟遼于洛口敗之

經太元十三年春帝正月夏四月譙敬王恬鎮青兗六月乞伏乾歸僭號河南王秋九月翟遼寇洛陽冬十二月尚書令謝石卒 傳曰譙敬王恬剛王遐孫也忠正有幹局宗臣之勳望也都督假節重親任也乞伏乾歸者國仁之弟也太元十年竊據秦河是年卒眾立其弟乾歸遷居金城僭號翟遼寇洛陽河南太守郭給拒破之謝石字石奴安之弟也無他才特以破符堅功遂居清顯聚飲無厭取譏當世不書美貶其非公輔之任也

經太元十四年春帝正月將軍劉牢之平妖賊劉黎二月呂光僭號三河王翟遼寇滎陽夏六月都督桓石虔卒秋七月宣陽門災冬十一月乙巳雨水水 傳曰彭城賊劉黎僭稱皇帝于皇丘劉牢之討平之呂光字世明氐人也太元九年據河右至是僭號改元太安翟遼攻滎陽執我太守張卓桓石虔小字鎮惡從桓冲入關冲為符健所圖石虔躍馬拔冲于萬眾之中而還三軍歎服威震敵人時有患瘧者言桓石虔來以怖之病愈人畏如此與符堅將閻震戰俘萬人獲馬千疋裝鎧三百進據樊城移鎮馬頭至歷陽而卒宣陽門四柱災宣陽朝門天火曰災也雨水水劉歆說陽不下通陰不上達故雨而水為之水寒氣寒木不曲直也劉向以為水者陰之盛木者少

陽貴臣卿大夫之象也此時有害則陰氣腸陽大木先寒故雨水

經大元十五年帝正月譙敬王恬薨劉牢之及翟釗戰于太山走之將軍朱序破慕容永於太行三月乙酉朔地震秋八月將軍朱序破翟釗於懷縣 傳曰譙敬王恬字元愉嘗為中丞簡文初立未改嚴而桓温屯中堂吹警角恬効奏温大不敬温聞奏歎曰此兒敢彈我其可畏也在朝皆憚之授鎮北將軍薨謚曰敬劉牢之以驍猛應選初為謝元恭軍鎮北府兵敵人畏之慕容垂叛將翟釗救符堅將張遇於太山擊走之慕容永洛陽朱序自河陰北濟與永將王次相遇戰於沁水次敗走斬其將勿支首追永破之于太行乙酉地震羣小弄權天下側目也朱序既追慕容永至上黨白水相持三旬乃還攻翟釗於石門遣別將擊翟遼于懷縣走之

經大元十六年春帝正月慕容永寇洛陽夏四月秋七月改築新廟成十一月姚萇擊符登於安定 傳曰楊佺期為河南太守城洛陽慕容永來寇佺期擊走之改作太廟正室十四間東西儲各一間合十六間棟高八丈四尺備法駕迎神主于行廟設脯醢之奠姚萇退還安定符登圍之四面大哭哀聲動人萇惡之乃命三軍亦哭應登登乃引退萇以登頻戰輒勝以謂堅神有靈亦於軍中立堅神主請之曰新平之禍非萇之罪也臣兄襄假路求西暫見鄉里陛下使人要路拒擊之不遂而沒使臣見殺非臣之罪也今符登未族尚欲復讐臣為兄報怨情理何負陛下雖過世為神豈假手于符登而圖臣耶陛下勿討臣過登并樓遙謂萇曰安有弑君而反立神象萇不應乃斬神象首以送登連戰而萇屢敗

經大元十七年春帝正月大赦除逋租宿債夏四月齊內史蔣詡反秋七月新作東宮冬十月丁酉太白晝見辛亥都督王忱卒庚寅封琅邪王世子為會稽王封皇子德文為琅邪王大旱 傳曰大赦除逋租救弊之權也齊蔣詡殺樂安太守辟閭渾據青州反平原太守辟閭渾討平之太白晝見按星經云與日爭明強國必弱小國必強女主曰王忱字元達父禕之尚潯陽公主忱是其幼子也恃才放酒效王澄之為人鎮州威風肅然深得物情本年

嗜酒連月不醒卒于官謚曰穆會稽王世子琅邪孝王之後也累遷丞相皇子德文封琅琊重祖藩也道子徙封會稽杜僭亂也大旱不書月日者自秋至冬不雨其旱可知矣

經大元十八年春帝正月癸卯地震夏六月始興二郡大水秋七月旱冬十月姚萇死子興立 傳曰癸卯地震乙未又地震是會稽王道子與帝荒怠政事信用小人之應也始興南康廬陵三郡水深五丈漂害民甚也秋七月旱者境內諸郡不雨傷稼也姚萇死于長安召太尉姚弋僕射尹緯尚書狄伯支受遺輔政謂其子興曰有毀此人者慎勿聽之汝當撫骨肉以仁接大臣以禮待物以信遇民以恩乃死興嗣位秘不發喪乃以叔父緒鎮安定碩德鎮陰密弟崇守長安以尹緯為長史狄伯支為司馬興自稱大將軍率眾伐符登符登大敗興乃發喪行服潛即位于槐里

經大元十九年春帝正月夏六月壬子追尊鄭妃為皇太后秋七月荆徐大水八月尊太妃李氏為皇太后慕容垂寇廩丘姚興殺符登 傳曰鄭太后諱阿春父慎為安豐太守后少孤元帝為琅琊王時納為夫人生簡文帝潯陽公主至是下詔曰會稽太妃文母之德徽音有融載誕聖明光延于晉先帝追尊聖后朝議不行朕今依陽秋及二漢故事上太妃尊號簡文宣太后于是立廟于太廟西禮也荆州大水傷秋稼遣使賑恤之太妃李氏者簡文為會稽王時使卜人筮之織紡中得李氏形長黑色宮人目為崑崙帝召侍寢生孝武帝及會稽王德文至是會稽王道子啟曰母以子貴皇太妃啟嘉祚於聖明嗣徽音於上列宜詳案舊典崇正名號八月辛巳帝臨軒遣太保劉耽尊為太皇后附神主于宣太后宜也慕容垂曰吾不以逆賊累子孫乃發步騎七萬攻永弟友于晉陽垂別將慕容農入自壺關永杜大行軹關垂進師天井關至壺壁永精騎五萬阻河西以自固垂陣于壺壁南遣別將分為二翼又設伏于深澗大戰垂引軍偽退永追奔數仗兵斷後二翼夾擊之永大敗奔長子圍之永奔北門擒獲斬之既平晉陽乘勝遣其子惡奴寇廩丘東平太守嘉簡及垂將尹國戰死之姚萇死符登聞之喜曰姚興

小兒吾將折杖以答之于是盡眾而東為興所敗登奔平涼興追而殺之

經太元二十年春帝正月尚書令陸納卒三月庚辰朔日有蝕之夏四月秋七月冬十一月魏王拓跋圭伐慕容寶于泰谷敗之 傳曰陸納字祖言玩之子也少有清操嘗為吳興太守至姑熟辭桓温因温飲酒曰飲三升便醉卿飲如何納曰可二升於是邀温一醉王坦之刁葵在坐惟酒一斗鹿角一梓坐客愕然納曰明公之飲三升納可二升今有一斗以備盃酌餘滙耳納至郡不受祿久之徵拜左民尚書臨發惟有被襪而已餘並還官還吏部尚書謝安詣納設茶果而已俄轉尚書令貞固不渝尋卒庚辰日蝕帝昏淫之應也慕容寶者垂子也既平晉陽乘勝討魏魏徙河西以避之寶次參合參合是夜魏師潛至寶軍奔潰寶與慕容農復舉兵走天門踰青山襲魏平城陷之寶至雲中魏來攻寶大敗之

經太元二十一年春帝正月夏四月慕容垂死子寶嗣位六月呂光僭王秋九月庚申帝醉自奔 傳曰慕容寶伐魏至雲中聞父垂死遺令謂寶曰強寇伺隙秘勿發喪至京然後行服寶乃即位呂光既平西域至高昌乃稱天王改元飛龍帝崩年三十五溺于酒色多為長夜之飲長星見帝于華林園以酒祝之曰長星勸汝一盃酒自古豈有萬歲天子即連年水旱災變帝無醒日旁無正人竟不能自改所幸張貴人帝戲之曰汝以年當廢矣貴人怒是夕帝醉暴崩時會稽王道子亦昏惑竟不推其罪書曰帝醉自崩言非天年乃自殞爾

元經薛氏傳卷七

經安帝隆安元年春正月即位加元服魏道武帝皇始元年二月呂光將禿髮為孤自稱大單于甲寅尊李氏為皇太后戊午立王氏為皇后二月光將段業自稱涼州牧夏四月王恭庾楷殺王國寶王緒秋八月慕容麟殺慕容祥無冬十月 傳曰安帝諱德宗孝武長子也即位之歲當魏道武帝之皇始元年也然則一歲而書二帝何也文中子曰元經抗帝而尊中國其天命之所歸乎皇始之帝也徵天命以授魏也晉宋之主近於正體於是未忘中國

晉本中國之舊也末當有樹晉之功圖中國之志

或問皇始授魏而帝晉何也子曰主中國者將非中國也不假立以歲時齊梁陳之君則

斥之四夷以明中國有代矣元經至魏禿髮烏孤鮮卑人其先與後魏同出西晉時樹機能侵有涼州之地武帝遣馬隆破之其後惡復魏受呂光假節河西都統烏孤嗣位至是稱大單于西平王李太后諱陵容尊為崇訓太后王皇后諱神愛又獻之毋新安主太元二十一年納為太子妃至是立為皇后禮也段業為建康太守有沮渠男成者說業曰呂氏政衰權臣擅命府君以蓋世之才豈可附垂亡之主男成令唱大義欲屈府君撫臨鄙州乃推業為涼州牧甲戌王恭庾州刺史庾楷豫州刺史共舉兵以討僕射王國寶王緒為名朝廷乃殺國寶及緒以解兵書曰王恭庾楷殺王國寶王緒言政在諸侯矣初國寶為會稽王道子妃由是與道子游處又因尼妙音與太子母陳淑媛游帝悅其諂媚與從弟王緒皆見知於道子倚以心腹為時所嫉俄掌朝政於是王恭庾庾楷舉兵討之道子力不能拒諸侯乃收國寶賜死並斬緒以謝恭楷檄政由諸侯而天子弱矣且明道子執政之罪也

經隆安二年春帝正月三日龍舟災夏五月蘭汗殺慕容寶秋七月慕容盛誅蘭汗王恭庾楷股仲堪桓元楊佺期舉兵反八月桓元敗王師于白石九月詔會稽王道子率將軍謝琰王珣討桓元冬十二月魏道武帝改元天興都平城襄陽流人叛杜焯反京口 傳曰龍舟災沴大也桓元篡之象也天戒若曰王者流遷龍舟失水故災之且慕容寶既敗于魏師南奔蘭汗者垂之寡戚之妻父也必謂無貳至龍城為汗所殺慕容盛聞寶死感馳赴哀汗妻乙氏亦哀感遺其子蘭穆迎盛舍之親敬如舊盛夜因如廁袒而踰垣入于東宮與舊昵人李早等斬汗及其二子王恭者蘊子也欲謀誅國寶與殷仲堪桓元相結乃抗表京師曰後將軍王國寶稷以姻戚驟登顯列先帝登遐夜乃犯閭欲矯遺詔賴皇太后聰明逆謀不果與其從弟緒同黨凶狡昔趙鞅興甲除君側之惡臣雖駑劣敢忘斯義表至戒嚴道子割庾楷四郡隸江州楷怒使人謂恭曰敗削方鎮宜早圖之恭乃告殷仲堪桓元眾推恭

為盟主故書曰反以恭為首桓元者溫孽子也聞王恭有憂國之言而桓元潛意於功業乃說荊州刺史殷仲堪曰國寶並緒互相表裏若用殷覲為荊州則君何以處仲堪曰計將安出元曰說王恭與晉陽之師我當率荆楚之眾此桓文之舉也俄移都督文廣元不行乃與庾楷討江州刺史王愉及譙王尚之兄弟率南蠻校尉楊佺期攻江州王師擊之為元所敗詔道子加黃鉞遣其子元顯等討之元等走潯陽魏武帝改元大興者平慕容寶始有燕趙之地於鄴置行臺建號為魏也古魏地也襄陽流人常禮叛降姚興也杜炳新安太守反于京口詔會稽王世子元顯討平之

經隆安三年春正月二月林邑陷日南九真遂寇交趾交趾太守杜瑗討破之段業自稱涼王仇池公稱藩三月陳夫人為皇后夏六月慕容德陷青州殺辟閭渾秋八月禿髮烏孤死弟利鹿孤立及十月秦姚興陷洛陽十一月姚賊孫恩陷會稽十二月桓元襲江陵殺殷仲堪楊佺期梁呂纂殺呂紹自立 傳曰林邑國漢象林驛馬援鑄銅柱之地也其先范逸子文文攻大岐界小岐界式僕徐口屈都乾魯扶單等七國并有其眾四五萬人永和中文攻陷日南害太守夏侯覽殺數千人餘奔九真以覽尸祭天鏹平其城遣使告交州求日南之北橫山為界林邑少田故貪日南之地四年文又襲九真害人十八九文死其子佛立軍康中佛常入貢至是復來寇日南九真於是交州虛弱而林邑弊矣按微外諸國當以寶物自海南入貢以資饋餉而交州杜瑗討破之書告功也段業前年自稱牧至是僭王仇池公稱藩以言楊氏當晉命也陳夫人諱歸女松滋潯陽人也初入宮為淑媛生安恭二帝至是尊為皇太后禮也慕容德稱南燕趨廣固寇青州殺我龍驤將軍辟閭渾自此北鄙無主而人懷于魏矣慕容德先據青州諸郡曰逆賊辟閭渾父蔚昔用段業阻亂淄川我大軍東征勦絕凶命渾於覆巢之下蒙全卵之施盜據口秦遣附吳越稷下之雄岱北之士有斬渾者常同佐命渾出奔追獲之斬於菑城禿髮烏孤將終謂羣下曰方難未靜且立長君故眾立其弟利鹿孤徙居西平遣使梁明至涼段業問曰有子何以不立明對曰有子羗奴然先王所命也業曰昔成王幼周召作宰漢昭八歲而金霍夾輔不亦可乎明日宋宣能以國讓

春秋羨之孫伯符委事仲謀終開有吳之業兄終弟及殷湯之制也何必允已為是紹兄為非業曰美哉若使乎口興攻洛陽執我太守辛恭靖自是二京之舊皆口後秦矣孫恩者孫秀之族子也父秦事錢塘杜子恭學妖術誑百姓愚者敬之後有罪伏誅恩逃于海聚黨百餘人因元顯暴政百姓騷動恩襲會稽殺內史王疑之有眾數萬於是會稽吳郡吳興義興臨海永嘉東陽新安凡八郡賊皆應恩起兵害太守民死者十七八馬仲堪者驃騎殷師之子也能清言善屬文與韓康伯齊名累遷至荆益都督隨桓元所誘而反聞恭楷已死乃奔還元大失援以仲堪與楊佺期交質追至江州及其後仲堪佺期共擊元元為所敗佺期走襄陽仲堪走郢城皆為元所殺書曰桓元襲江陵言桓氏強非仲堪能擊之也梁呂纂字永緒先行堅時入大學以此交結公侯堅敗纂奔至姑臧及光死子紹秘不發喪纂入哭之甚哀紹懼讓位於纂纂不許既而呂超言於紹宜早圖之紹不從曰兄弟至親也豈有此乎每念袁尚兄弟未嘗不痛心也臨機不斷大事去矣呂宏不樂紹立乃告纂廢昌邑之義請兄為中宗纂於是率壯士夜踰禁城守衛以劍所纂中額壯士執守衛者纂曰勿殺義士也纂外結紹登閣自殺呂超出奔廣武纂僭即天王位謚紹為隱王書曰呂纂殺紹不言兄弟言兄不兄弟不弟故兩書若凡人相殺之文也經隆安四年春帝正月二月星孛奎婁夏四月孫恩寇浹口五月東亭侯王珣卒已外孫恩寇臨海謝琰自死六月庚辰司馬劉裕討孫恩于南山秋七月太皇太后李氏崩無丁郊秦姚興納乞伏乾歸降丁郊僕射王雅卒元顯殺車允冬十一月元顯封其子產璋為東海王十二月河右李暠稱涼公 傳曰己郊星孛于奎長三丈上至紫微入北斗奎至三台三月遂經于太微帝坐端門占曰慧掃天子庭閣道易主象也孫恩寇浹口據會稽自號征東將軍聞劉牢之來討曰我不失作勾踐也王珣字元琳導孫也初為桓溫榘與謝元齊名溫稱珣曰謝榘四十必擁旄仗鉞王榘當作黑頭三公累遷左僕射封東亭侯與殷仲堪徐邈王恭郝恢並以文辭見名于帝珣嘗夢人遺以大筆如椽俄而帝崩哀冊謚皆珣草以疾解職歲餘卒書侯重世封也王導謝琰字瑗度安之次子也破符

堅有功封望蔡公又平王恭遷衛將軍孫恩作亂詔瑛與劉牢之俱進討既而不為武備恩自海島潛窺伺寇
決口入餘姚逼山陰瑛遣參軍劉宣之拒恩咸以謂宜持重分兵設伏以待之瑛不聽賊掩至塘路窄瑛軍魚貫
而進賊在艦中旁射之至千秋亭瑛敗績為帳下都督張猛所破馬墜地被害謚曰忠肅書曰自死譏不能兵又
不恤其帳下宜乎自敗死焉孫恩浮海向京口劉裕緣海拒之及戰大敗之恩狼狽赴船走姚興惠勃勃乾歸亂
於西北僣禮遜檀於河右咨謀將帥鎮撫二方於是乞伏乾歸先遣使送所掠守宰謝罪請降許之歸其子熾磐
官爵經不書伐言興實惠勃勃而權納乾歸也元顯者會稽王道子子也驕侈聚斂專總百揆故封其子彥璋為
東海王書曰元顯封其子言政不由帝也涼武昭王季嵩字元盛初事段業業聽讒於索嗣而疑嵩於是晉昌太
守唐瑤檄六郡推嵩為涼公建年曰庚子也玉門陽關廣田積粟為東伐之資矣王雅字茂達魏衛將軍肅之曾
孫也性接下敬慎任過其才時人以佞幸目之道子為太子太傅而雅為少傅時王珣有時望其男婚而賓客車
馬甚盛俄聞雅拜少傅輒迴詣雅雅應接傾心禮之孝武將擢王恭殷仲堪等雅曰殷仲堪雖謹於細行幹畧不
長四海無事必能守職若道不常隆必為亂階矣帝不聽有識稱其知人末年慎默而已無復辯正遷僕射卒君
子謂茂達潛知季世非已能救故隱以保全詩曰既明且哲以保其身茂達之謂矣車允字武子辟為桓溫從事
與吳隱之齊名皆以寒素聞於世善於賞會當時皆云坐無車公不樂謝安遊集輒開筵待之孝武帝嘗講孝經
陸納侍講下耽謝石袁宏執經允與王混適句時論榮之太元中增置太學生允由博士進爵臨相侯以疾去職
後為吳興太守不赴選吏部尚書元顯有過允密言于道子將奏之事世元顯逼令自殺允乃卒書曰元顯殺車
允譏無君也

經隆安五年正月二月呂超殺呂纂立其兄呂隆夏五月沮渠蒙遜殺段業六月孫恩至丹徒秋七月段興殺慕容
盛九月呂隆降姚興 傳曰呂纂荒耽酒色又嘗責怒呂超超頓首稱不敢纂乃引超譙內殿呂隆屢勸纂酒昏醉

超以劔刺纂洞背斬纂首以狗曰纂殺害太子昵近小人番禾太守超以骨肉之懼社稷顛隕今已除之矣乃立
隆沮渠蒙遜臨松胡人也博涉書史頗曉天文滑稽善權變呂光殺其二父蒙遜於是起兵據金山依段業業封
之為臨池侯蒙遜嘗謂兄男成曰業信讒愛佞無鑿斷之明今除業以奉公何如男成不許蒙遜告成叛業收男
成殺之蒙遜泣告眾人曰男成忠於段公枉見害諸君能為報仇乎眾皆泣從之羌胡起兵響應遂殺業業京兆
人儒素長者無權畧故為姦佞所誤而死孫恩至丹徒乙亥內外戒嚴命高素張崇之守石頭劉襲柵斷淮口司
馬恢之戍南岸桓謙司馬允之毛遂備白石王叔孔安國屯中堂譙王尚之衛京城震恐設備也慕容盛寶之子
也在位馭下驕暴多所猜忌其臣段興因眾心搖動夜鼓譟大呼盛聞變率左右出戰俄一賊從閣中擊傷盛召
叔父熙屬以後事而死熙立乃誅段璣等夷三族呂隆字永基光弟寶之子也超既殺纂讓位於隆隆有難色超
曰今猶乘龍上天豈可中下隆在位多殺豪望以立威名內外翕然魏安人焦朗者說姚碩德曰呂氏因秦之亂
制命此州諸子競尋干戈民死者大半明公救生靈之沉溺不微政於王門碩德從之率眾至姑臧呂超出戰敗
還超謂隆曰應龍以屈伸為靈大人以知機為美天命去矣宗族可全隆乃降碩德碩德表隆為涼州刺史
經元興元年春正月庚午大赦改元詔將軍元顯劉牢之司馬尚之討桓元三月劉牢之叛降桓元辛未桓元敗王
師于新亭殺元顯及其六子壬辰遣道子于安城酖殺之南京禿髮利鹿孤死弟儋檀嗣立孫恩死盧循為主秋七
月乙亥奴殺新蔡王崇 傳曰冬十月冀州劉耽叛歸慕容德 傳曰大赦改元政出元顯也道子為長夜之飲無大小
一委元顯故妄行政令赦出無名焉桓元兵至京師置乏惟給椽椽而食劉牢之以元顯信任張法順故叛歸桓
元元至新亭元顯棄船屯國子學堂列陣于宣陽門元出太衝牢之率眾逐元顯執之送于新亭縛於舫前而數
之元顯答曰為張法順所誤遂殺之元奏道子酣縱不孝當棄市詔遷之于安城郡尋亦鳩殺禿髮利鹿孤死遺令
以弟儋檀嗣儋檀少機警鹿孤在位軍國事皆委儋檀及立自號涼王遷居樂都歸欵于姚興冀州慕容德舊牧

之地也德既僭號于滑臺而東接齊魯於是劉耽背晉歸德懼有辟閭之誅也孫恩敗投水死妖黨猶曰為水仙眾推盧循復為寇

經元興二年春二月劉裕破徐道覆于東陽夏四月癸巳朔日有蝕之秋八月桓元自號相國楚王冬十一月壬午移太廟神主于琅邪十二月元篡位帝蒙塵于潯陽傳曰徐道覆者盧循黨也癸巳日蝕帝將蒙塵之兆也桓元加九錫自稱楚王起荊州為國號也冬十一月壬午遷帝于永安宮癸未移晉神主于琅邪降諸侯舊封也桓元於姑熟僭帝位大赦改元建始與趙王倫同號又號永始執權其符僭逆如此於是劉裕等斬桓修於京口斬桓宏於廣陵元震駭出南門南奔逼乘輿西上帝蒙塵于潯陽元所逼也

經元興三年春正月帝在潯陽三月庚申劉裕置留臺具百官夏四月劉裕討桓元武陵王遵稱制攝萬幾五月壬午督護馮遷斬桓元乘輿反正奉神主入太廟閏月桓振陷江陵帝蒙塵于賊營六月毛璩討桓希斬之秋七月戊申永安皇后何氏崩冬十月盧循寇廣州南燕慕容德死兄子超立傳曰帝在潯陽桓元軍中也司徒王謐推裕錄尚書事四月丙戌詔以幽逼於元萬機虛曠乃立武陵王遵遵元帝孫也字茂遠初封年十二授拜流涕感動由是以聰慧稱桓元降遵為彭澤侯遣之國行次石頭夜濤水入淮船破不得出會義旗興復詔攝萬機內外赦之五月桓元義軍戰于崢嶸洲元敗走將投梁州桓希益州都督馮遷抽刀而前元曰何人敢殺天子遷曰殺天子之賊耳遂斬元首送京師景于大桁乘輿反正復奉神主歸太廟禮也桓根復據江陵以拒義師擁帝居賊營六月毛璩自領梁州遣將攻漢中殺桓希桓氏始衰也皇后何氏諱法倪父準后無子稱穆皇后居永安宮與安帝蒙塵至巴陵劉裕奉后遷都至是崩盧循謀曾孫也娶孫恩妹恩亡眾推循為主泛海至番禺寇廣州逐刺史吳隱之自攝州事遣使貢獻朝廷多虞權假循廣州刺史慕容德迎其兄之子超于長安德夢其父曰汝既無子

何不立超寤而告其妻吾將死矣乃下書以超為太子

經義熙元年春帝正月帝在江陵南陽守魯宗之破桓謙桓振于祚溪劉道規擊桓謙走之乘輿反正戊戌詔大赦改元二月誰縱殺刺史毛璩以蜀叛三月將軍劉懷肅斬桓振帝至自江陵四月劉裕還京口秋八月冬十二月乞伏乾歸破仇池楊盛傳曰魯宗之起義襲破襄陽進軍擊桓振與桓謙北走帝得反口正乃改元義熙以義兵致重熙也誰縱巴西人也始為安西府參軍蜀人愛之刺史遣縱東下縱有貳志因民不樂行道次涪城毛璩聞之自涪城步還成都率兵討縱璩戰死焉劉懷肅自雲杜伐桓振廣武將軍唐興斬振奉帝至京師書曰至自江陵告于廟也劉裕還京口言自還也非詔命能制矣乞伏乾歸既附姚興姚興加乾歸為左賢王率眾攻仇池楊盛于西陽堡大破之

經義熙二年春帝正月刺史司馬榮期擊譙子明于白帝夏五月封法蓮為高陽王秋七月冬十月封劉裕豫章公劉毅南平公何無忌安成公傳曰譙子明者誰縱將也司馬榮期為益州刺史擊子明于白帝以破賊來告也南陽王法蓮高密王之子也十月論匡復功劉裕為首劉毅何無忌次之其餘封賞有差不書畧也

經義熙三年春正月二月車騎將軍劉裕來朝劉裕殺殷仲文及其弟叔文道叔并駱球夏五月大水無六月赫連勃勃僭位于朔方八月劉敬宣監征蜀冬十一月赫連勃勃敗秃髮傉檀慕容容殺慕容廆自立傳曰劉裕來朝者用劉穆之之謀自丹徒領揚州入輔政且疑殷仲文等異已也殷仲文雖娶桓元妹而素不交密作元九錫辭納貨賄家累千金元敗乞解職待罪詔不許還為東陽太守意不平劉毅深相禮接之不過何無忌無忌疑其薄己中傷之言於劉裕曰桓允殷仲文腹心之疾初赦文云除桓允不赦外除桓氏不赦至是以仲文與駱球謀反及其弟並誅之書裕殺者以其聽何無忌中傷之也然仲文畜賄貪祿不為無過不稱官口懲之也赫連勃勃字屈丐劉淵族也長八尺五寸腰十圍美風儀性辯慧高平沒奕子以女妻之事姚興使鎮朔方時有河西鮮卑獻馬八千與姚興勃勃

襲殺沒亦于并其家僭稱天王國號夏以謂夏禹苗裔也劉敬宣者牢之子也牢之平孫恩威名甚振初與王恭同起兵背恭自降詔討桓元輒降元尋又背元歸晉有劉龍者謂牢之曰事不可者莫大於反而將軍往年反王兖州也近日反司馬郎君也安帝會復反桓公也一人三反豈可得乎敬宣先還京口失期不到牢之疑為劉襲所殺矣乃自縊俄敬宣至與高雅之同奔慕容超元敗復還京至是使平盧循遣征虜將軍監征蜀勃勃僭號求婚于僂檀僂檀弗許勃勃怒伐之殺萬餘人掠羊馬數十萬去僂檀追之其將焦朗諫曰不如從溫圍北渡趨萬斛堆阻水結營制其咽喉百勝之術也其一將賀連曰彼牛羊塞路財貨若山不能抗我且在速追僂檀追之勃勃聞而喜乃於陽武下峽擊凌埋車以塞路逆擊大敗僂檀慕容超者垂少子也為妻符后起承華殿土與毅同價典軍杜靜載棺上書諫熙怒斬之符后死熙如喪考妣使有司案檢臨哭者有淚以為忠孝無淚則罪之羣臣莫不含辛為淚將軍馮跋觀熙政暴虐推慕容雲為主發上方徒五千開門拒熙熙符氏收髮貫甲身馳赴難攻北門不克走微服隱于林中索而殺之雲葬於符氏之墓國人皆笑之傳表禮所以言名禍也

經義熙四年春帝正月琅邪王德文領司徒劉裕錄尚書事夏四月僕射孔安國卒秋七月冬十一月大風拔樹十二月陳留王曹靈誕薨傳曰德文即恭帝也劉裕意先尊德文而後己圖進位也孔安國僕射愉之子也安國儒素清正嘗為東海王師詔曰卿道達津梁依仁游藝亦至左僕射卒大風拔木盧循兵至之兆也曹靈誕魏陳留王奐之後也書靈重國寶也

經義熙五年春帝正月二月慕容超寇宿豫執劉千載趙元二太守而去三月將軍劉裕伐慕容超夏六月丙辰震于太廟秋七月九月盜殺高雲馮跋篡位冬十月魏紹殺其君道武帝傳曰慕容超字祖明長八尺精彩秀發德甚愛之名之曰超立為太子及嗣位遣斛穀提公孫歸等率騎寇宿豫執南陽太守趙元陽平太守劉千載齊陰太守徐阮而去震于太廟者何春秋僖十五年震夷伯之廟罪人也於是展氏有隱隱焉今震太廟天戒若曰廟社不靈人主昏弱權臣震蕩隱隱之咎發於此乎高雲即慕容雲也本姓高自以謂無功德而豪傑所推常畏懼畜養壯士以為腹心有離班桃仁者專與禁衛賞賜月至數千不測殺雲而衆推馮跋為主跋字文起信都人也慕容寶召署為將軍至是僭稱天王魏道武帝拓跋氏謹珪獻明皇帝之子也其子清河王紹作亂弑朋長子嗣誅元凶紹而立稱明元皇帝

經義熙六年春帝正月二月將軍劉裕克慕容超齊地悉平賊循來寇將軍何無忌拒循於豫章死之夏五月戊子將軍劉毅及循戰于桑洛州王師敗績僕射孟承自殺秋七月盧循去寇荆州復走潯陽八月秦將桓謙寇江陵冬十一月蜀將譙縱陷巴東傳曰慕容超任公孫五樓故人為之語曰欲得侯事五樓至是劉裕伐超慕容鎮言曰昔成安君不封井陘之關終屈於韓信諸葛瞻不據東馬之險卒擒於鄧艾臣謂阻守大岷上策也超不從俄而公孫五樓段暉皆敗而超守廣固乞救于秦會秦為赫連所破救兵不至超歎曰吾寧奮劍決死不能銜壁求生裕用降人張綱以衝車版屋及飛樓懸梯臨其城超支解綱母城破執超神色自若一無所語送建康市斬之何無忌東海剡人其舅劉牢之無忌始事東海王彥璋密與劉裕圖桓元元甚懼言曰劉裕勇冠三軍當令無敵劉毅家無擔石之儲樗蒲一擲百萬何無忌酷似其舅舉大事何慮不成及破桓元遷都督八郡事盧循別帥徐道覆順流大艦重樓無忌率衆拒之長史鄧潛諫曰舟艦居上流蜂虿有毒宜決南塘守二城以待之賊必不敢捨我遠下俟其疲老擊之無忌不從戰敗無忌厲聲曰取我蘇武節來躬親督戰節死之劉毅為衛將軍朝廷以盧循自江陵與徐道覆合勢來寇江寧詔毅拒戰于桑洛州為循所敗孟承聞賊至京師大懼乃自殺循攻石頭柵不利船艦為暴風所傾乃進攻京口掠無所得迴據潯陽將取荆州劉裕統大衆繼進戰大敗之循單舸收散卒走桓謙以元既亡乃奔蜀進諫署為荆州刺史率衆而下至枝江刺史劉道規擊而斬之譙縱遣其弟子明為鎮東將軍攻巴州趙之遂屯于白帝自稱成都王十二月

經義熙七年春帝正月二月將軍劉藩斬徐道覆于始興夏四月交趾刺史杜惠度斬盧循于水中秋七月冬十月涼李嵩敗沮渠蒙遜 傳曰劉裕先遣孫處從海道據番禺盧循歸不能入徐道覆保始興至是皆為刺史所斬傳首京師賊悉平也涼李嵩初西時留女名敬愛養於外祖尹文文既東遷從姑梁寔母養之其後秃髮儂檀假道北山遣寔送敬愛于酒泉與嵩通好嵩率騎二萬畧地至建東沮渠蒙遜聞之來侵建康嵩大怒率兵追及戰于彌安大敗之

經義熙八年春帝正月二月甲寅山陰地陷夏五月乞伏公府殺乞伏乾歸秋八月皇后王氏崩庚辰劉裕矯詔殺劉毅及劉藩謝混大赦天下冬十二月將軍朱齡石伐蜀 傳曰山陰地陷方四文有聲如雷占曰地陷裂者臣下分離地道也乞伏乾歸於義熙三年僭稱秦王至是畧于五谿有集其手乾歸惡之俄為兄子公府所殺及其諸子十餘人公府奔大夏乾歸長子熾磐舉兵討之公府走智遠等追擒于岷嶺山并其四子輶之熾磐自立王皇后諱神愛獻之女也無子崩年二十九葬休平陵號安僖皇后劉毅字希樂沛人也討桓元功最多嘗謂何無忌不平毅能引咎不校時論譴之又討盧循有功累加都督荆揚交廣請劉藩為副劉裕覺其貳于己乃奏帝曰劉毅傲狠凶戾履霜日久長惡不悛志在姦妄從弟藩遠涉影響招聚剽殺左僕射謝混憑藉世資輕佻躁脫扇動內外連謀百里是而可忍孰不可懷乃收劉藩謝混誅之裕自率眾討毅命王鎮惡等至豫章燔舟而進攻陷外城毅與戰至日暮焚諸門力攻之毅自北門軍騎走去江陵而縊先書殺毅者言劉裕志在除毅而逮及藩混也且貶裕專殺故不書官朱齡石伐蜀縱出奔尚書令馬耽者封府庫以待王師縱自縊而死

經義熙九年春帝正月二月劉裕殺諸葛長民夏四月弛湖池之禁秋九月封劉義真桂陽公冬十二月高句麗倭國來貢 傳曰諸葛長民琅邪人有文武幹才不持行檢始為桓元參軍有罪免及劉裕建義長民預謀以討元功拜輔國將軍又平盧循都督六郡監太尉留府事貪侈殘虐百姓苦之劉毅誅死且曰昔年醢彭越前年殺韓信

禍其至于貧賤常思富貴富貴必履危機今欲為丹徒布衣豈可得也裕聞而疑之伏壯士幙中引長民與語壯士自後拉而殺之收其弟黎民黎民驍勇與捕者苦戰而死小弟幼民逃于山中進擒戮之傳曰裕酷四月罷臨沂湖熟皇后脂澤田詔賜貧民因而弛湖池之禁古之道也昔文王靈臺靈沼與民共之漢詔以苑囿給賜貧民晉祚下衰劉裕擅此所以取民心也雖然但能法古利民之主也劉義真者何裕次子也無功而封公將自愛其家也高麗扶餘種也倭國大海山島百餘小國相接魏時有三十國戶十萬黥面文身自言太伯之後其道當會稽東重譯入貢

經義熙十年春帝正月二月戊寅地震夏六月乞伏熾磐滅秃髮儂檀秋九月丁巳朔日有蝕之冬十月城東府傳曰戊寅地震劉裕之權盛矣乞伏熾磐與沮渠蒙遜合勢攻儂檀儂檀敗而歎曰蒙遜熾磐委質于吾而我歸之不亦痛哉四海之廣匹夫無所容身與其聚而同斃不若分而獲全以兄之子樊尼使之西遂降熾磐熾磐遣使郊迎諸城從而皆下惟浩豐尉賢政不下熾磐呼之曰樂都已潰卿獨守何為賢政對曰受涼王恩厚為國藩屏雖知樂都已潰妻子被擒然不知主上存亡未敢歸命蓋羅憲待命管文亮之文聘後來魏武不責委付之重竊用耻焉大王將安用哉熾磐遣儂檀子手書諭之賢政論武臺曰汝為國儲不能盡節棄父背君虧萬世之業我義士也豈若汝乎既而儂檀至乃降書滅者傷滅其國也丁巳日蝕革命之徵也城東府者何尚書府也自道子元顯分東府西府掌其事至劉裕因之居東府令城之防不虞也傳言裕錄尚書事而城其府以防他變也經義熙十一年春帝正月荆州司馬休之雍州魯宗之舉兵討劉裕二月秦姚興死子泓立三月辛巳劉裕及司馬休之戰于江津王師敗績休之義兵師敗績故書王師夏四月司馬休之魯宗之出奔姚興劉義真封彭城公朱齡石豐城公己酉霍山崩秋八月丁未僕射謝裕卒軀冬十月 傳曰司馬休之字季預諱敬王恬第三子也討王恭庾楷有功後為桓元所敗奔慕容超及元敗復歸京師遷平西將軍都督荆雍六州子文思作亂休之上疏請解荆州歸罪闕屢不

許遂與魯宗之共誅執政者時休之次子文寶兄子文祖在都下皆為裕先賜死自率兵征之遺休之治中韓延之書曰文思事遠近所知送與司馬君使自訓至厲公之極也而了無愧心久絕表疏天地所不容吾受命西征止其父子而已彼土僑舊一無所問吾虛懷期物自有由來延之報曰聞親率戎馬遠履幾士庶惶駭莫知師出之名也辱始知謀王前事良增歎息平西迺體國忠貞欵懷待物以公有匡復之功家國蒙賴王任以微事見効猶自表遜位況以大過當默然便及于戎自義旗以來方伯誰不先咨疇而徑表天子可謂欲加之罪其無辭乎劉裕欲誑國士天地不容在彼不在此矣劉藩死於閭闔之門諸葛斃於左右之手甘言詭論方伯襲之以輕兵遂使席上靡歎懷之士聞外無自信諸侯良可耻也吾以平西之至德寧可無授命之臣乎當與臧洪遊於地下耳裕得書而歎曰事人當如此魯宗之自襄陽會休之共屯江陵拒裕戰于江津大敗俱奔姚興與裕平姚泓又奔魏義真裕之子與朱齡石論平蜀之功故皆封公也西霍山奔出銅鐘六枚記異也古祠神名山多以鐘磬藏其地故陵遷而出經義熙十二年春帝正月姚泓遣魯軌寇襄陽夏赫連勃勃取秦州秋八月琅邪王德文伐秦姚泓冬十月秦將姚洸以洛陽降己丑高密王恢之修五陵 傳曰魯軌者宗之子也宗之既奔秦遣其子軌欲取襄陽為晉將趙倫所擊敗走夏赫連勃勃攻秦上邽克之殺秦州刺史姚平又攻陰密姚恢棄安定奔長安書曰取秦州言易也經書取秦州傳言克上邽按地理志秦武公伐邽戎有上邽有下邽上邽隸秦州下邽隸臨晉至勃勃秦州刺史鎮上邽城八月劉裕同琅邪王德文伐姚泓經書德文不稱裕者先宗王而抑權臣也裕心欲挾帝弟之勢遠伐中原本防他變爾經特不書裕嫌征伐自諸侯出抑其太盛也十月裕將檀道濟至洛陽姚洸懼出降高密王恢之敬王恬之子姚洸既以洛陽降詔恢之修宣景文武惠帝陵禮也

經義熙十二年春帝正月甲戌日有蝕之傳二月涼李嵩死子歆立三月將軍王鎮惡破姚紹于潼關夏四月劉裕敗魏師于河曲秋七月劉裕克長安滅姚泓冬十二月僕射劉穆之卒 傳曰李嵩寢疾顧命宋繇曰吾喪亂之際

遂為此方所推不能一同河右合氣力慨然不復起矣死者人理吾不悲之所恨志不申耳吾終之後世子歆猶卿子也無使專驕自任薨年六十七謚曰武昭王歆字士業府寮奉為涼公姚泓遣胡翼度據潼關遣姚鸞步騎五萬拒晉師於潼關裕使王鎮惡自秋社西渡渭逼姚難引師而西是時大霖雨渭水漲不得北渡鎮惡水陸俱進追及姚難姚難陣涇上拒鎮惡鎮惡敗之遁還長安姚紹總其事聞晉師過關嘔血而死書曰破姚紹紹總師也魏遣將娥青救姚泓至河曲為劉裕所敗斬其裨將阿薄于七月劉裕進攻長安泓將妻子詣壘門而降宗室百餘人亦降裕盡殺之送泓建康市斬之姚長以孝武太元九年立至泓三世而滅共三十二年經義熙十四年春正月辛巳大赦沈田子殺王鎮惡于長安劉裕封宋公秋七月冬十一月赫連勃勃敗王師於青泥復陷長安十二月戊寅劉裕弒帝崩 傳曰夏赫連勃勃聞劉裕破姚泓謂羣臣曰裕克長安利在速返必留子弟守關中待裕發軔吾取之捨芥耳於是據安定盡有嶺北之地裕遣勃勃書請連和勃勃命皇甫徽為文陰誦之乃召裕使口授令人為書答裕裕覽文奇之既而留子義真守長安而還勃勃之臣王買德進計曰劉裕以亂攻亂未有德政濟蒼生使弱才小兒守之非經遠之計也狼狽而返者欲速成篡耳無暇有意於中原陛下以順伐逆義貫幽冀青泥上洛南師之衝要宜斷其去來之路然後杜潼關塞峭險絕水陸之道義真獨坐空城逃竄無所可謂兵不血刃而自定矣勃勃從之使買德南斷青泥勃勃率大軍繼至義真使沈田子逆戰不利田子與王鎮惡出城逐殺之義真又討沈田子於是閉門自守赫連夜襲長安裕聞之大懼召義真鎮洛陽使朱齡石守長安義真東歸百姓逐齡石而迎勃勃入長安勃勃謂王買德曰卿往日之言可謂善無遺策也復陷長安賊裕之罪也言速篡位無意於中原也戊寅帝崩於東堂年二十七帝不慧自少及長口不能言雖寒暑無所辨凡動作皆非己出故桓元之篡因此獲全初有識云昌明之後有二帝故裕密使王韶縊帝而立恭帝以應二帝然後禪代也故經書劉裕弒帝崩春秋之制凡弒君稱君君無道也稱臣臣之罪也又例曰凡自虐其君曰弒也君子

謂劉裕殺姚泓之已降及宗室從而遇害其後蕭齊篡宋汝陰見殺劉無少長盡幽死易所謂積不善有餘殃其

劉裕之謂乎
經晉恭帝元熙元年春正月帝即位立皇后褚氏甲午劉裕還朝夏四月秋七月劉裕移鎮壽陽冬十月乙酉劉裕
以義真鎮揚州十一月丁亥朔日有蝕之十二月黑龍四見東方 傳曰恭帝諱德文安帝母弟也初封琅邪王義
熙十四年十二月劉裕矯安帝遺詔曰大司馬琅邪王體自先皇明德光懋屬推儲貳眾望攸集其君臨晉邦奉
系宗祀允執厥中燮和天下闡揚來誥無廢我高祖之景命遂即位劉裕自伐秦回是月始朝馬移鎮壽陽以其
子義真鎮揚州張外勢以窺內也丁巳日蝕晉祚盡此焉黑龍四見者何傳曰皇之不極是謂不建厥咎朕厥罰
常陰厥咎弱時則有龍蛇之孽有下人伐上黑陰色也 見東方劉氏出東海之應也

經元熙二年春正月夏六月劉裕至京師諷帝禪位於宋 傳曰六月劉裕至京師傳亮承裕旨諷帝禪位草詔而
請帝書之帝謂左右曰晉氏久失之矣今復何恨乃書赤紙為詔甲子帝遜於琅邪舊策裕以帝為零陵王居秣
陵行晉正朔車旗服色一如舊法然有其文而不備其禮焉明年裕使兵入踰垣弑帝於內房謚曰恭帝年三十
六經不書弑謂前年已弑安帝今逼以禪則弑之義欲益而彰焉

元經詳氏傳卷八

經宋高祖武帝永初元年後魏明元帝五年六月宋受晉禪秋七月陳留王曹虔嗣薨八月癸酉立義符為皇太子
九月北京滅西涼 傳曰不書正月二月系晉朔也不言即位晉元熙二年夏已書晉禪于宋也昌謂今六月復書
宋受晉禪曰晉史異辭宋史異辭元經曰晉宋之史異辭其事則一也事一辭異猶春秋之法也陳留王曹虔嗣
魏後也書姓以別非宗室王也義符長子也立為皇太子正也北京沮渠蒙遜元始九年伐西涼李士業滅之不
書名氏志其地以告也曷謂舉地以告曰東晉涼州牧自張軌世宣晉命至是李暠據燉煌州沮渠蒙遜據張掖

冊各僭號建元其實晉一牧而已故舉涼地相滅為文不書姓氏如春秋赤狄白狄之類皆狄而已無所復也

經永初二年春帝正月辛酉祀南郊大赦二月乙丑策舉秀才孝廉夏四月禁淫祀房廟秋九月晉恭帝為宋所滅

書滅司馬氏冬十一月葬晉恭帝 傳曰郊祀就南本陽位也祀周祭天名也祀天以遠祖配自二代以來尊此禮惟周

公因攝政率天下諸侯朝于明堂由是尊文王祭於明堂以配上帝魯用天子禮樂因周公以尊祖也故魯之郊

卜郊卜牲過則書以示訓也今宋之草晉相沿漢魏舊典凡郊祀告天肆赦所以易民耳目爾其於尊祖因心則

與古制異焉策試州郡所舉秀才孝廉於延堂行漢故事也禁淫祀房廟者何自秦漢而下方士妖術非鬼而祭

妄求私福謂之淫祀正寢之旁設以房室無稽而祭謂之房廟宋初知其弊故詔禁止之禮也晉恭帝既禪位封

零陵王宋使兵人殺之書為宋所害此宋史與晉史異辭也 晉史曰劉裕弑帝崩宋 元經因晉宋二史成文在晉

安帝時劉裕人臣也故書弑所以貶亂臣之逆也在宋祖之世晉恭降為王宋為君主故書為宋所害以哀前代非

義而死元經實傷之耳雖傷亦必變文所以明宋為君主猶害人臣也 案本史曰零陵王祖宋志也言宋志在於殺

滅司馬氏之族不書弑何也曰義熙十四年貶裕弑君已重故其滅尤酷之也葬晉恭帝如魏明帝葬漢山陽

公故事權也
經永初三年春帝正月詔刑無輕重悉原之徐羨之錄尚書事二月星孛虛危夏四月封楊氏為武都郡王癸亥帝

崩于西殿秋七月冬十一月魏師克滑臺 傳曰正月甲辰詔刑罪無輕重皆原之非禮也曷謂非禮夫國之刑制
原情輕重故虞書言災肆赦怙終賊刑堯舜之為也周禮刑平國用中典刑新國用輕典刑亂國用重典蓋輕重
中典臨事適宜無幸免無濫入民是以信不犯有司古之道也今刑無輕重悉原之出於一人之私妄求於一人之
福天安信祐哉 傳言五月帝崩崩徐羨之錄尚書事帝願託也帝疾甚召太子戒之曰檀道濟雖有幹畧而無遠
志非如兄詔徐羨之傳亮當異圖故書徐羨之舉願託之首也星孛虛危占曰虛二星主死喪哭泣危三星主墳

元經詳氏傳

四十一

墓有字焉此帝將崩之兆也楊威仇池公楊世之後也世長子纂居仇池其弟統起兵武都與纂為符秦所滅而統獨存至是家初有天下務懷遠方故封其子孫以威為王宋權也癸亥帝崩于西殿帝漢楚元王之後諱裕字德輿小字寄奴世居丹徒京口以平孫恩桓元有大功累遷至錄尚書事討慕容超以車四千兩為二翼方軌徐行攻滅之迴討盧循以萬鈞神弩摧陷之又北伐加位相國策封宋公討姚泓平長安進爵宋王晉恭帝元熙二年禪位于宋帝不許太史公駱達奏天文符應安晉義熙之元年太白晝經天凡七占曰人更主異姓興又五虹見鎮歲太白熒惑聚東井入太微黑龍四登天漢世建武至建安一百六十六年而禪魏魏自黃初至咸熙四十六年而禪晉晉自太始至今一百五十六年揖讓咸躬於六廢帝即天子位在位三年崩年六十七魏明元帝遣將攻滑臺克之書曰滑臺不守也

經少帝景平元年春帝正月帝即位夏四月魏師陷虎牢執毛德祖太皇太后崩秋七月立張夫人為皇太后冬十月星孛于氏魏明元皇帝崩 傳曰少帝諱義符高祖長子也魏師既克滑臺乘勝攻虎牢陷之執宋刺史毛德祖德祖毛寶宗子也執而不殺言魏強也知為力屈非降故不書降太皇太后蕭氏高祖初為宋公宋王加太妃太后之號武帝踐祚尊之曰太皇太后至是崩于顯陽殿年八十一張夫人生少帝有司上尊號為皇太后春秋之義母以子貴也星孛于氏者占云氏四星上者宿宮后妃之府有星孛焉宮闈有變之兆也魏明元皇帝拓跋氏諱嗣道武帝長子也崩時年二十二諡曰明元書崩抗帝以尊中國也

經景平二年春帝正月己卯朔日有蝕之二月徐羨之殺廬王義真義真武帝第二子也昔從帝收中原留義真鎮長安陽王朔 傳曰己卯日蝕帝將廢之應也徐羨之殺廬王義真義真武帝第二子也昔從帝收中原留義真鎮長安為赫連勃勃所逐武帝崩徐羨之等因義真與少帝不協遂廢為庶人遣吏殺於徙所書羨之殺者貶其專殺也眾廢帝者何徐羨之傳亮王宏檀道濟謝晦中外眾臣共議帝過惡乖失羨之使舍人邢安泰弑帝於金昌亭然

則廢帝稱眾者天下之公也弑帝書羨之者亂臣之首也曷謂天下之公曰天之生民樹之以君言眾樹之也失道則為獨夫故廢昏舉明以安天下此所謂公也既廢矣又從而殺之此亂臣之惡羨之為首乎故特書徐羨之弑帝別未立君亟行弑逆以明一日不可以無君也

經文帝元嘉元年魏大武皇帝始光元年春正月帝即位夏四月秋八月大赦改元九月丙子立皇后袁氏 傳曰文帝諱義隆武帝第三子也少帝既廢百官迎帝立之八月丁酉即位于中堂書正月即位者正五始也大赦改元以元嘉為首也魏太武諱肅明元長子即位之歲改元始光適與元嘉並並謂也皇后袁氏名齊媽父湛左光祿大夫后初適帝為王妃至是立為皇后正也

經元嘉二年春帝正月辛未祀南郊夏四月秋八月乙酉彭城王義康為司空冬十一月楊元為武都王 傳曰秦漢而下郊祀志記有甘泉后土五時神祇事多不經魏晉之君親祀郊祭以祖配天損益不定元帝過江立郊祀儀依漢獻帝都許故事乃設南郊於己地依漢光故事正月建郊之禮按周禮云三王之郊一用夏正故宋禮亦必晉制而日惟用辛從古禮也彭城王義康者武帝第四子也少聰察司徒王宏表王宜入輔政乃拜司空稱也楊元者仇池公楊威之子封爵也襲也

經元嘉三年春帝正月丙寅誅徐羨之傳亮詔將軍到彥之執謝晦不言二月己卯謝晦伏誅夏五月乙巳涼州牧沮渠蒙遜改大將軍冬十二月吳郡徐佩之反 傳曰徐羨之字宗文初為衆軍與武帝同府深相親結以佐命功進錄尚書事無學術而局度詳整傳亮字季友咸元孫也博涉經史至中書令有佐命功與徐羨之同受顧命及少帝廢義真死迎立文帝密有誅羨之亮意羨之走出自縊載尸付廷尉亮亦奔追收之臨刑曰亮受先帝遺命黜昏立明社稷之計欲加之罪其詞乎遂伏誅謝晦字宣明晉太常哀之元孫也美風儀時人方之楊德祖從武帝征關洛内外要任悉委晦及聞咸陽淪沒武帝欲北伐晦以王粲詩諫曰南登霸陵岸回首望長安悟彼下泉

人喟然傷心肝武帝流涕乃止與徐傳及檀道濟共輔政同廢少帝授荊州為外援及文帝誅傅晦奉表曰不有所廢將何以興率眾二萬移檄建康為到彥之所執誅之沮渠蒙遜自晉義熙八年僭號河西王其後朱齡石遣使聘之蒙遜遣使報聘因表曰益州刺史朱齡石遣使詣臣始具朝廷休問承將軍劉裕赫馬揮戈以中原為事可謂天贊大晉督生英輔也陛下據全楚之地擁荆揚之饒安可垂拱晏然棄二京之功以資戎虜乎若六軍北軫克復有期臣請率河西諸戎為晉右翼前驅自是宋依晉故事並遙加蒙遜官號羈縻之也吳郡太守徐佩之聞羨之既誅乃謀反事泄亦伏誅

經元嘉四年春帝正月乙亥曲赦建業二月乙卯幸丹徒謁京陵夏六月癸卯朔日有蝕之秋七月冬十月傳曰曲赦建業慮都下徐傳親黨或不安也故赦之辛巳南郊不書畧也元嘉二年紀幸丹徒京口也高祖之考墓在候山其地秦史所謂曲阿丹徒有天子氣水國以高祖陵曰初寧陵皇考陵曰京陵謁京陵因京口地為名禮也六月日蝕皇子劭立之應也逆子立天不與也故先見譏于上

經元嘉五年春魏太武皇帝神鷹元年帝正月甲申大閱無夏六月詔遣使賑贍秋七月冬十二月魏太武帝伐夏以赫連昌歸傳曰自去年五月疾疫至今今年正月陰陽愆序故六月戊子都下大水大災異不絕乙卯遣使巡行賑貧民禮也後魏太武皇帝因炎州獻獸河內獻白麀夏五月魏伐赫連昌至拔鄰山捨輜重以輕騎三萬先行至黑水祈天告祖宗乃誓眾六月大破昌昌奔上邽虜昌及其家人萬數車旗珍寶不可勝計遂班師書以十二月者從赴告也六月破赫連昌于魏始告捷于宋也春秋列國赴告冊書交相紀南北朝則通使問亦以克捷相告古史遺法也

經元嘉六年春帝正月辛丑祀南郊二月丁巳劭為太子夏五月日有蝕之秋七月百濟國遣使來貢十一月己丑星畫見十二月西河河南國並遣使來貢 傳曰劭者孰是曰文帝子也立為太子不書皇言劭立不足為皇嗣也

百濟者其先東夷三韓國中諸小國之一也後人強大晉義熙中百濟王餘映朝貢授以鎮東將軍百濟王宋自元嘉以來每歲遣使貢方物此即餘映也星畫見者日無光也曰日蝕元君德不明故星侵日畫見象臣下侵君權也西河者鮮卑杜崙之後也河南者其先亦鮮卑慕容奕落子之後也二國皆東北通秦隴古流沙之地焉子孫以吐谷渾為姓自號河南王至是遣使來貢案此一國路鄰益州常通商賈其來非懷中國之舊也實以貿商貨耳

經元嘉七年春帝正月二月壬戌雪且雷三月遣將軍到彥之侵魏夏六月封楊難當武都王秋七月冬十月立錢署戊寅魏克金墉城又克虎牢壬辰遣將軍檀道濟拒魏師到彥之至滑臺奔退 傳曰雪且雷紀異也到彥之督諸將王仲德竺靈秀尹冲段宏趙牙符庾俊之宋修之等北侵魏自淮入泗水竭日行十里自四月至七月始至東平以朱修之守滑臺尹冲守虎牢杜驥守金墉十月魏軍至虎牢杜驥奔走尹冲眾潰而死魏師進滑臺彥之焚舟步奔彭城乃免彥之書官後經不書官敗其奔也楊難當者何仇池公之後也國號武興難當自稱武興王至是通使于宋宋封之曰武都王始置錢署以鑄四銖錢濟一時之急非經久之利也圖法自太公作輕重九府子母相權使貧富各得利用後世失其權泥于執一故錢輕則富者增價錢重則貧者不給於是盜鑄犯上之亂作焉晉宋以來四銖錢非古也經書始置錢失政也檀道濟以到彥之侵魏河南復為魏所克於是詔遣都督諸軍北畧地書曰拒魏師言苟自固守非制勝之詞也

經元嘉八年春帝正月二月癸酉檀道濟還歸魏定河南二月大雪六月乙丑大赦又大雪秋七月冬十月 傳曰檀道濟至濟上與魏師三十餘戰多捷軍至懸城資運竭夜唱籌量沙以為米魏人謂資糧有餘緩之乃遁歸不書官譏小智失大謀也南史云道濟全軍而還雄名大振北史諱其遁也書曰魏定河南言江左不能與爭也自是中元定於魏矣大雪旱也猶未雨也旱而救懼民有變也然政令一失陰陽失序救之何益乎故書大赦又雪譏非禮也

經元嘉九年魏太武延和元年春帝正月二月詔佐命功臣配享廟庭夏五月太保王宏薨秋七月以殷景仁為僕射冬十月以皇子紹為廬陵王魏滅夏赫連氏及乞伏氏 傳曰二月詔曰故太傅長沙景王劉道故大司馬烈武王劉道故司徒文宣公劉道華容公宏王永修公道濟道故龍陽侯鎮威有文德以宏帝載有武功以隆景業而大常未銘從祀闕享宜配祭廟庭勅功天府禮也太保王宏字休元導之曾孫也宏以佐命功封華容縣公武帝因宴集言曰我布衣始望不至此是時傅亮等並撰詞以稱功德獨宏對曰此天命求之不可得推之不可去時人稱其簡當文帝立又以定策功累遷錄尚書事進太保薨謚曰文昭公配食武帝廟庭宏不營財物不事威儀將加榮爵於人必先呵責而後施行若接語欣懽者必無所諧或問其故答曰王爵既加於人若撫勞之是與人主分功此姦以事君者也聞者皆悅服書官以英賢之也書殷景仁為僕射喜其得人也同時劉湛代景仁為領軍不書貶湛惡也曷謂景仁善而劉湛惡曰湛與景仁素相善皆遇於武帝湛常居外任而景仁引湛還朝共參朝政而湛陰結彭城王義康以傾景仁故一書一不書善惡分矣皇子紹為廬陵王者繼孝獻王義真嗣也乞伏國仁之孫熾盤死以慕末嗣位為夏赫連所滅赫連氏自勃勃死子昌立為魏所虜昌弟定復據平涼至是魏舉兵滅之二國先後不同而並書之者以示魏與中原諸閥位相繼滅矣赫連乞伏本二國故并書之

經元嘉十年春帝正月甲寅封義宣為南譙王夏林邑等國朝貢秋七月曲救梁益秦三州冬十一月楊難當據梁州沮渠蒙遜死子茂度立 傳曰義宣帝弟也改封南譙王初封武陵王羣蠻充斥義宣不能制改封南譙優親正也夏林邑閩婆呵羅等國遣使朝貢皆為商貨來耳案夷獠傳林邑國漢象林縣古越裳之地廣六百里馬援植銅柱之所也其王法服加纓絡如佛像之飾以吉貝為幡旗結頰木其大姓謂之婆羅門閩婆達國者遺傳奉表其詞曰宋國大王大吉天子足下教化一切種智安穩天人師降伏四魔轉尊法輪度脫眾生我雖在遠亦露靈潤呵羅單國其王曰沙跋摩奉詞曰常勝天子陛下諸佛世尊三達六通為世間道是名如來其時南朝信向

佛法故海變得以交易因而異辭媚王曲徇夷情非禮也益梁秦三州雖遠屬南朝然去就不定是時楊難當背宋歸魏故曲救三州以安叛黨也十一月初難當據梁州亦號東益州其城東連秦嶺西接石昌言語與中國同地植九穀婚姻有六禮知書數出桑麻銅鐵於本國自稱仇池王沮渠蒙遜臨松胡人先世為沮渠之官遂為氏蒙遜博練羣史頗曉天文有英畧權變乃叛呂光據金山斬段業晉隆安五年自立為涼州牧至義熙八年僭號至是死子茂度嗣偽位焉

經元嘉十一年春帝正月夏四月刺史蕭思話復梁州五月丁卯以沮渠茂度為西河王 傳曰蕭思話為梁南二州刺史會氏帥楊難當寇漢中思話破氏羗收漢中置戍於葭萌帝使思話上定漢中本末下史官書書曰復梁州從告功也沮渠茂度為西河王來通好也

經元嘉十二年春帝正月辛未祀南郊馮宏為燕王夏四月丙寅都下地震六月大水以穀百萬斛賑民九月蜀將張尋為寇 傳曰辛未南郊舉舊制也馮宏者何北燕馮跋之弟也跋信都人其先畢萬子孫有食馮鄉因為氏焉初事慕容寶後附高雲作亂眾推跋為主晉太元二十年僭號于昌黎跋寬仁有大度恭慎勤于家勸農桑省徭役每遣守宰必親見東堂問為政之要令極言無隱於是朝野競勸又建太學置博士諸偽政皆莫能比後為魏師所伐地震災異跋問其臣問尚尚對曰地主陰陰主百姓震有左右之占今震皆向左臣懼百姓將西移乎跋乃遣使巡行問民疾苦賜以穀帛元嘉七年跋卒而弟宏立通好南朝故封為燕王來遠從權也都下地震零陵王太妃殂之應也恭帝大水以穀賑民禮也

經元嘉十三年帝正月癸丑朔帝有疾不朝會三月帝殺司空檀道濟夏四月秋七月晉零陵王太妃殂九月封皇子濬為始興王駿為武陵王魏伐燕馮宏奔高麗 傳曰帝疾不朝會書變帝也南朝元會自晉武帝講求漢儀參用魏制著為典常謂之感寧注是也感寧注曰先正一日有司宿設夜漏未盡羣臣集于庭燎上賀起謁報百官

及受贊郎官下至計吏皆入其次大鴻臚各奏羣臣就侍中奏外辨皇帝出鐘鼓作百官皆拜伏太常導皇帝升御座鴻臚奏請朝賀掌禮郎讚皇帝延諸王登殿延太尉等登各奉璧皮帛羔雁雉再拜賀訖引下殿復故位以贊授贊郎即以璧皮帛付謁者以羔雁雉付太官太樂令跪奏雅樂乘黃令出車皇帝罷入百官皆坐諸蠻夷以次入皆再拜皇帝又出僕射跪奏請羣臣等上奉觴再拜上千萬歲四廂樂作百官再拜乃行百官酒太樂奏登歌三終乃降太官具御飯尚食持案並授持節持節跪進御座前太樂令奏云奉食舉樂太官行百官飯畢鼓吹令奏進衆技乃召諸郡計吏前授敕戒鐘鼓作羣臣北面再拜出此漢魏恭用儀也永治晉制每年正月朔御殿受朝賀以為常典故不比年書之令歲帝疾不視朝故特書不朝會以明常歲皆朝會也檀道濟高平金鄉人隨宋武建義為前鋒所至望風降以佐命功數帥兵拒魏師三軍依附帝忌憚朝廷皆目之曰安知非司馬仲達也帝寢疾聽信領軍劉湛湛及彭城王義康皆慮官車駕道濟不復可制乃矯詔收付廷尉父子八人皆誅之時人為之語曰可憐白浮鷗枉殺檀江州明無罪也故書帝殺者言文帝不能臣焉晉零陵王太妃恭帝太后也以晉儀葬之禮也濬帝之次子駿第三子即成書始封也馮宏者跋之弟也為後魏所伐宏東奔高麗高麗殺之北燕以晉孝武太元二十年僭號至宏三世而滅凡二十八年地歸于魏

經元嘉十四年春帝正月辛卯祀南郊夏四月蜀賊張尋降秋七月冬十二月河南西河呵羅單國使朝貢 傳曰蜀賊張尋及其黨趙廣來降遷之建鄴河南慕延西河沮渠呵羅單西南夷並遣使來貢

經元嘉十五年春帝正月以吐谷渾慕延封隴西王夏四月秋七月辛未地震新作東宮武都河南高麗倭人扶南林邑國使朝貢冬十月立儒學于北郊 傳曰吐谷渾慕延其先鮮卑慕容氏也西徙上隴過枹罕出涼州西南至赤水而居之其界東豐川西于闐北高昌東北秦嶺方千餘里古流沙地也有青海出龍馬至慕容延始通江左故封隴西王新作東宮太子劭居也武都楊難當也河南即吐谷慕容延自號河南王也高麗王高璉也案高麗王高璉

梁武帝初踐祚加聽為鎮東大將軍馮宏奔高麗宋遣使至白駒往取之高麗將孫淵殺宏不欲南來至白駒復殺宏于海連執白駒送于宋宋不欲遠送人意下白駒獄由是連每歲來貢焉 倭國王名讚無姓氏物產與儋耳米崖同宋初除安東將軍倭國王扶南國在日南郡海西灣中去日南七千里東通交州西接天竺安息外交易東西日有萬餘商人珍物無不有天竺書言與佛經相似林邑與扶南相達崇佛而優禮諸蠻故多入貢因商利也帝好文立四學以雷次宗掌儒學何尚之掌元學何承天掌史學謝元掌文學置館于郊法古四郊學也

經元嘉十六年春帝正月戊寅閱武于北郊夏五月乙亥鑠為南平王秋九月魏伐北涼擒其王茂度冬十二月乙亥皇太子劭冠 傳曰閱武北郊懼魏南侵舊漢魏以來立秋之日郊禮畢乃揚威武斬牲于東門以薦陵廟其儀帝御戎服乘白馬朱鬣躬執弓射牲命謁者載以獲車送陵廟以求帛賜武官隸兵習戰陣之儀斬牲名曰驅劉驅猛獸名兵習孫吳法六十四陣既還公卿迎拜天子下車與公卿親識顏面乃還宮自東晉天子不親令進退而武臣不傳六十四陣至宋惟有閱武之名而無習兵之法矣案六十四陣此諸葛亮習黃帝八十一陣遺制也晉馬隆得其術乃以八陣法伐北涼自後有桓溫者因伐蜀於魚腹平沙上觀武侯八陣基址以石縱橫為八行此則方排成八八六十四陣之因也其變化即後人莫得傳其奧焉唐李靖有兵書對皇于鑠文帝第三子書始封也魏師伐涼擒沮渠茂度平姑臧於是魏盡平涼州舊地焉 亡矣 太子劭冠帝往觀之帽無故墜地元兇之兆也

經元嘉十七年魏太武太平真君元年春帝正月夏四月戊午朔日有蝕之秋七月壬子皇后袁氏崩九月壬子葬元皇后冬十月劉湛有罪誅十一月僕射殷景仁卒 傳曰袁皇后袁湛女適文帝為妃生子劭后族貧每就上求錢帛上性儉不過五十千而已潘淑妃有寵后因潘求三十萬錢宿昔便得由此恚恨成疾至是崩命顏延之為哀策文上益八字云撫存悼亡感令懷昔詔謚曰元皇后劉湛字宏仁父抑晉儀同湛襲安衆縣男嘗自比管葛

不為文章累遷給事中與殷景仁並任湛曰今世宰相何難正當漢南陽郡功曹耳後景仁專內任而湛猜隙漸生結彭城王義康以傾景仁晚黨附義康帝不平之湛亦知必敗會丁艱伏甲于室以待上臨事泄伏誅不書官貶有罪也殷景仁陳郡長平人少有大成之量不為文而敏有思致不談義而深達於理舊章記注莫不撰錄文帝委遇尤厚劉湛與義康欲遣人若劫盜者於外殺之上聞之徙景仁西掖門為護軍府密通宮禁故義康計不行景仁稱疾停家養老數年雖見任而密函去來朝政大小必問焉及誅劉湛外人莫知預計也卒謚曰文成公

經元嘉十八年春帝正月夏五月甲申江水溢害居人冬十一月僕射王球卒氏楊難當寇漢川 傳曰江水泛溢害居人陰冷陽下陵上也王球字舊玉司徒謚之子正方獨立歷侍中舍人徐爰有寵於上上命球與之相結球辭曰士庶區別國之章也臣不敢奉詔王曇首稱球曰舊玉可謂玉卮無當耳又劉湛殷景仁權傾內外球雖姻戚未嘗往來居選職接客甚希而銓衡有序尋代殷景仁為僕射江夏王義恭啟文帝曰王球誠能淡退有素譽然頗以物外自許端任要功非其所長帝曰昔周伯仁終日飲酒而居此任益所以崇素德也楊難當兄之子曰文德奔漢中族弟廣香攻文德因寇漢川焉

經元嘉十九年春帝正月夏四月始奉祠大赦五月將軍裴方明破楊難當秋七月甲戌晦日有蝕之九月丙辰有客星在北斗十二月丙申詔奉聖龕封西京李寶歸於魏 傳曰帝久疾初愈始親祠大赦南朝以赦罪為求福非古也裴方明與秦涼二州刺史劉道真同討仇池破之告功也甲戌晦日食彗星歷凡日月合朔則蝕春秋傳以為月掩日也有朔有晦者大小盡使然耳案春秋書日食或無朔而有日者或無朔無日者或有朔無日餘則曰朔皆滿惟食即無明又歷代所占災異但食即占之不限晦朔也今茲食者天戒若曰陽為陰所蔽文帝為義康義恭諸侯擅權小人構隙國衰亂之應也客星在北斗占曰凡客星所出有兵喪北斗帝居也臣下有陰窺神龜之象詔奉聖孔氏子孫世世得襲封宋沿晉制行之禮也李寶者西涼武昭王高孫也書歸于魏不抗兵以庇民

也唐之先也故別立傳於載記史官

經元嘉二十年春帝正月二月魏克仇池夏四月甲午立皇子誕為廣陵王秋七月冬十月壬午置籍田水旱大饑傳曰仇池楊難當去年為宋所討難當兄子文德背魏歸於宋授封武都王至是復為魏所克書曰仇池不書文德重其地微其人也皇子誕帝第四子也書始封也初置籍田以水旱相繼欲行籍田以祈農福妄也案籍田之制夏曰貢商曰藉周曰徹其實皆什一稅也藉之言借民力耕獲以奉神報先重農功非徼福也周人藉千畝天子躬耕所以勸農務本漢文帝始修籍田迄魏氏三祖皆舉三推之禮晉武帝於東郊之南洛水之北乘輿御木輅以耕江左元帝賀循定儀注亦詳迄今宋國水旱俄修此禮失古義也

經元嘉二十一年春帝正月諸郡禁酒二月辛卯以子宏為建平王夏四月秋九月以沮渠安周為河西王冬十月雷且雷 傳曰諸郡南兖州南豫州浙江西並禁酒行推酌也是時國窘竭故權酒利以苟安焉建平王宏帝第五子書始封也沮渠安周者孰謂非沮渠之裔也自茂虔為魏所滅蓋安周是其疎族僭附于宋虛授以州刺史河西王非實封也冬雷且雷陽愆失所也凡雷之聲由雷雷霹靂也

經元嘉二十二年春帝正月辛卯朔始用新曆二月甲戌立子緯為東海王夏四月秋九月癸酉宴武帳堂冬十二月范曄反伏誅免義康為庶人 傳曰新曆者何承天所撰元嘉歷也禕帝第六子昶帝第七子皆始封也宴武帳堂帝先勅諸子且勿食玉食所賜饌既而日肝諸子有饑色因誡之曰汝曹少豐溢不知百姓艱難今特使爾識饑當節儉用物也古者享以訓恭儉宴以示慈惠今帝誡諸子因饑使知節儉亦慈惠在其中矣范曄字蔚宗車騎范泰第四子也作宣城太守乃刪眾家後漢書為一家之言徐湛之則無以謝天下上得劾呪詛巫蠱之言上謂義恭曰常見典籍有此將謂空言不意親覩此不幸也先是彗星起畢入于太微掃帝座端門滅於翼軫又熒惑逆行守昏自十一月霖雨連雲陽光罕耀劬與始興王濬子也 異謀今夜饗將士或親行酒密

與隊主陳叔兒及張超之謀是月二十一日夜詐作上詔云魯秀謀反汝可平明率眾入因使超之率素養士二十人皆被甲入其夜上與徐湛之語至百燭猶未滅超之行弒上以几自障五指俱落而崩遣人殺吏部江湛即偽位詔曰徐湛之弒逆吾勒兵入殿已無所及今罪人斯得可大赦改元為太初遷太行皇帝於太極殿劾成服號勸義師至劬自督戰魯秀打退故為義師所乘大敗入府庫井中擒之與澹並伏誅汗其東宮南平王鐸字元休帝第四子也元光既立以鐸為錄尚書事及義師入以歸義最晚常懷憂懼眠中蹶起無復魂守食中遇毒而薨

經宋武帝孝建元年春帝正月即位

經孝建二年

經孝建三年

經大明元年

經大明二年

經大明三年

經大明四年

經大明五年

經大明六年

經大明七年

經大明八年五月

經少帝對永光元年春正月即位

經明帝王相東太始元年即位魏取淮南地

經太始二年魏天安元年

經太始三年

經太始四年

經太始五年

經太始六年

經太始七年魏獻文帝傳位于子孝文帝

經太豫元年四月帝崩

經宋廢帝蒼梧王昱元徽元年春正月即位

經元徽二年

經元徽三年

經元徽四年

經元徽五年帝凶惡為楊玉夫弒崩魏獻文帝為后弒崩

經順帝準昇明元年春正月即位明帝子九歲魏太和元年

經昇明二年南齊蕭道成專政

經昇明三年禪位偽齊

元經薛氏傳卷九

經後魏孝文帝太和四年春正月一本書文中子曰或問孝文子曰可與興化矣又曰中國之道不替孝文之力

漢魏叢書

元經薛氏傳

梁

也又曰太和之政近雅矣都洛陽得中國也建明堂修一明中國有法也置職制定律令舉兵百萬伐江陵其後宣
 又曰修元經以斷南北之疑晉東遷故南朝推運歷者以齊梁陳為正統魏携中原故北朝推運歷者以齊周
 故正統在東晉及宋中國有董常問元經之帝魏何也子曰亂離瘼矣吾誰適歸詩四月篇也箋云此
 主則正統歸于後魏後周且居先王之國洛邑受先王之道建明堂子先王之民矣王亦謂之何哉
魏修元丘生民有庇十六為國皆為魏且居先王之國洛邑受先王之道建明堂子先王之民矣王亦謂之何哉
 方澤之祭平之是庶民也何謂之子曰元經之專斷蓋稟於天命吾安敢至之哉天命未改於晉祚則斷之於元魏帝都洛造明堂置職制
 凡詔策帝自述之

- 經太和五年
- 經太和六年
- 經太和七年
- 經太和八年
- 經太和九年
- 經太和十年
- 經太和十一年
- 經太和十二年
- 經太和十三年
- 經太和十四年
- 經太和十五年
- 經太和十六年

- 經太和十七年江南王蕭東奔
- 經太和十八年
- 經太和十九年
- 經太和二十年
- 經太和二十一年改姓元氏
- 經太和二十二年伐江南至樊城而還
- 經太和二十三年帝崩
- 經後魏宣武帝恪景明元年春正月即位
- 經景明二年
- 經景明三年南齊為梁蕭衍所篡
- 經正始元年
- 經正始二年
- 經正始三年
- 經正始四年改元永平
- 經永平元年
- 經永平二年
- 經永平三年
- 經永平四年改元延昌

元經薛氏傳

梁

漢魏叢書

四九

經延昌元年

經延昌二年

經延昌三年

經延昌四年

經後魏孝明帝熙平元年春正月即位

經熙平二年神龜元年

經神龜元年正光元年

經正光元年梁改普通元年

經正光二年

經正光三年

經正光四年

經正光五年

經孝昌元年

經孝昌二年

經孝昌三年改武泰

經武泰元年帝崩立孝文曾孫爾朱榮弑帝劍別立子攸改元永安

經孝莊帝永安元年即位

經永安二年

經永安二年帝殺爾朱榮

經前廢帝恭普泰元年春正月即位

經後廢帝朗中興元年春正月即位於信都高歡立之

經出帝脩永熙元年春即位

經永熙二年帝幸長安

經永熙三年帝在長安宇文弒帝崩

經西魏文帝大統元年實大統元年文之孫即位於長安高歡口立元善建號東魏

經大統二年關中大饑

經大統三年

經大統四年

經大統五年

經大統六年

經大統七年

經大統八年

經大統九年

經大統十年

經大統十一年

漢魏叢書

元經薛氏傳

五

經大統十二年梁中大同元年

經大統十三年東魏高歡卒子澄嗣

經大統十四年東魏侯景奔梁

經大統十五年侯景殺梁王蕭衍高澄

經大統十六年高洋殺東魏靖帝自立國號齊

經大統十七年帝崩

經西魏廢帝敏元年從周制立春正月即位

經二年陳霸先誅侯景梁蕭繹立於江陵

經三年帝為宇文泰所廢崩

經西魏恭帝廓文帝第二子元年以宇文泰為太師

經二年蕭譽立於江陵號後梁

經三年宇文泰卒子覺立弒帝崩

經周閔帝口元年春帝正月即位陳霸先篡梁自立宇文護弒帝崩

經周明帝毓武定元年春帝正月即位

經武成元年陳霸先卒高洋卒

經武成二年宇文護弒帝崩

經周武帝邕保定元年高演卒北齊

經保定二年蕭譽卒

經保定三年

經保定四年

經保定五年和改天

經天和元年陳文帝卒北齊高緯大亂

經天和二年

經天和三年

經天和四年

經天和五年

經天和六年改元建德

經建德元年遣使聘陳

經建德二年

經建德三年

經建德四年

經建德五年

經建德六年舉師伐鄴高緯亡政宣

經宣政元年伐陳獲吳徹帝崩改元大象

經周宣帝贊大象元年春帝正月即位改元元威

經大成元年春帝禪位於太子衍曰靖帝

莫鬼書

元經薛氏傳

經周靖帝行 大定元年楊堅輔政伐陳盡取淮南

經大定二年禪位于隋

經隋文帝 開皇元年春帝即位封子廣晉

經開皇二年陳宣帝卒

經開皇三年蘇孝綽置藉田

經開皇四年後梁蕭詧歸來朝

經開皇五年正月朔日有蝕之立義倉

經開皇六年築長城

經開皇七年後梁蕭詧來朝國亡

經開皇八年出師五十萬伐陳鎮星入東井

經開皇九年春正月白虹夾日晉末齊梁陳亡

王凝問元經書陳亡而具五國何也子曰江東中國之舊也衣冠禮樂之所就也永嘉之後江東貴焉懷帝永嘉二年中國大亂而元帝渡江卒不貴者無人也元帝明帝成帝賴王導為輔至康穆之世晉祚不衰齊梁陳不與其為國也宋嘗有樹晉之功故君子猶與之至齊梁陳無復及中國但自相篡立故君子不與其為國及其亡也則君子猶懷之自齊梁陳三國之亡吾猶懷晉宋也故書曰晉末齊梁陳亡具五以歸其國舊晉且言其國亡也亡言自疑曰晉宋先亡今具之何也子曰衣冠文物之舊不欲其先亡也故具晉末齊梁陳以歸其國也其未亡則君子責其國焉曰中國之禮樂安在曰君子責齊梁陳之詞也責已亡則君子與其國焉曰猶我中國之遺人也曰者君子猶懷晉宋之詞也此元經所以書也文中子曰春秋以天道終乎故止獲麟麟不遇時天命窮矣元經以人事終乎故止陳亡先王之遺掃地薛收曰何謂也曰

天人相與之際其可畏也故君子備之

續元經後二十八年終如春秋左傳至孔子卒

續元經卷十

庚經隋文帝開皇十年春

辛經開皇十一年春帝正月焚修實器

變故 三月突厥獻七寶梳

壬經開皇十二年

癸經開皇十三年春新作仁壽宮

甲經開皇十四年春詔州縣吏三年一代不得重任

乙經開皇十五年春正月封泰山夏六月焚綾文布湘州進

丙經開皇十六年春

丁經開皇十七年夏五月有羣鹿入殿門

戊經開皇十八年春二月伐高麗以漢王諒為元帥帥水陸三十萬征高麗秋九月漢王諒薨兵死者十二

未經開皇十九年

申經開皇二十年夏四月有天聲如雷冬十月廢太子勇立晉王廣為太子煬帝

酉經仁壽元年夏五月大風拔木

壬經仁壽二年陳叔寶薨

亥經仁壽三年春河大水文中子奏策於太極殿廿四

元經薛氏傳

甲經仁壽四年春 秋七月無日光帝崩太子所

丑經隋煬帝大業元年春正月不書即位藏父之賊天下共誅之帝開沛渠秋八月御龍舟幸江都宮

丙經大業二年

卯經大業三年煬帝幸東都

辰經大業四年

巳經大業五年幸東都

午經大業六年幸江都

未經大業七年幸涿鹿秋河南山東大水

申經大業八年駕征遼

酉經大業九年又征遼楊元感反楊素子

戌經大業十年又征遼秋七月還東都代王侑留守京師

亥經大業十一年幸并州及鴈門

子經大業十二年七月幸江都越王侗留守東都

丑經義寧元年唐公李淵入長安改元義寧立恭帝文中子卒年三恭帝義寧二年字文化及弒恭帝隋十八

寅經唐高祖武德元年

隋開皇元文帝受禪是年文中子生煬帝大業十三年改元義寧恭帝立文中子卒明年字文化及弒恭帝隋亡

識

右元經十卷通考本十五卷晁氏云隋王通撰唐薛收傳宋阮逸學起晉惠帝太熙元年終於陳亡而崇文無其

目疑逸依托為之陳氏云按河汾王氏諸書自中說之外皆唐藝文志所無其傳出阮逸或云皆逸偽作也此書始得於蕭田本三卷上晉成帝後從石林葉氏得全本錄成之今叢書本雖止十卷而自九卷已書陳亡其第十卷終文中子卒為續書洵全本也但前數卷文字殊多脫誤難讀至第八卷元嘉二十二年經書冬十二月范曄反伏誅而其傳文於刪眾家後漢書為一家之言下忽接徐湛之則無以謝天下乃敘元兗弒逆事在元嘉三十年中間相距八年經傳文俱全脫此則不知所據何本也自武帝孝建元年後惟即位改元禪篡大事始書餘俱不書此元經本例然亦不知於春秋之義何居也今姑仍叢書舊本校刊補闕之任我則不暇汝上王謨識

